

0.9.  
PEREGRINI,

ID EST, VT VVLGO  
PERHIBETVR,

VINCENTII LL  
RINENSIS, AD  
VERSVS PROPHA-  
NAS HÆRESES,

Commonitoria duo.

*2. Volum. Seculo 5. to*


*Editio repurgata, cæteris pu-  
rior & emendatior.*

*Huic adijcitur AYGUSTINI  
liber de Hæresibus.*



OXONIAE,

Excudebat G. T. Academia  
celeberrima Typographus,  
Impensis Guilielmi  
Webb. 1631.







# LECTORI S.



**I**NTER ea;  
quæ Vete-  
rum scripto-  
rum monu-  
menta revolventi perne-  
cessaria videntur, non  
minimum est præcavere  
quo animi motu iudicio-  
que

## Lectori.

que accedat, necnon quales sibi ad legendum in manus sumat editiones. Hisce enim duobus neglectis, vel segniter observatis, facile est pro auro scōriam, pro tritico zizaniā deprehendere, & veritatis loco blandientes errores amplecti. Ad prius quod spectat, tuum est, Lector, teipsum inspicere, pectoris  
tui

## Lectori.

tui penetralia discutere,  
atque animum ab odio,  
amore, studio partium ac  
similibus vitijs, si quæ  
deliteant, repurgare;  
quemadmodum & ipse  
feci in edendis his duobus  
insignium authorum, de  
hæresibus, libellis: quos  
hac simul, ut vides, im-  
pressione conjunxi, ha-  
bitâ cum materiæ tum  
temporis ratione; præ-  
sertim


## Lectori.

*sertim verò ut tuæ utilitati inservirem: quippe ex his non duntaxat scias quid credendum, August. verumetiam quod multum adjuvat cor fidele nōsse, quid credendum non est, etiamsi disputandi facultate id refutare non possit.*

*Puriorē & emendatiorē non reperias editionem: hac itaque frui,  
ere,*

# Lectori.

ere, Unà cum amore &  
admiratione authorum,  
qui pro tranquillitate  
domus Dei piè de-  
certârunt.



# PEREGRINI,

ID EST, VT VVL-  
GO PERHIRETVR,

## VINCENTII LI-

## RINENSIS NATI-

one Galli, pro Catholicae

fidei antiquitate & uni-

versitate, adversus pro-

phanas omnium hare-

searum novationes.

### PRÆFATIO.



Icente scriptu-  
ra & monente,

interroga Pa- Deut.

tres tuos, & di- 32.7.

cent tibi: senio-

res tuos, & an-

nunciabunt tibi. Et iterum: ver- prov.

bis sapientium adcommoda au- 22.17.

A

tem

## 2 Vincent. Lirin.

*Prov.* 3. 1. *rem tuam.* Et idem: *Fili mi, hos sermones ne obliviscaris, mea autem verba custodiat cor tuum:*  
 Videtur mihi minimo omnium servorum Dei, *Peregrino* quod res non minime utilitatis Domino adjuvante futura sit, si ea, quæ fideliter à sanctis Patribus accepi, literis comprehendam, infirmitati certè propriæ per-necessaria: quippe cum adsit in promptu, unde imbecillitas memoriæ meæ assidua lectione reparetur. Ad quod me negotium non solum *fructus operis*, sed etiam consideratio temporis, & oportunitas loci adhortatur. *Tempus*, propterea, quòd cum humana omnia ab eo rapiantur, & nos ex eo aliquid in invicem rapere debemus, quod in vitam proficiat æter-

*Ephes.*

2. 19.

1. *Pet.*

2. 11.



*Advers. Hæreses.* 3

æternam: præsertim, cum & appropinquantis divini iudicii terribilis quædam expectatio augeri efflagitet studia religionis: & novorum hæreticorum fraudulentia multum curæ & attentionis indigeat, *Locus* autem, quod urbium frequentias, turbasque vitantes, remotioris villulæ, & in eo *secretum monasterij incolamus habitaculum*, ubi absque magna distractione fieri possit illud, quod canitur in Psalmo: *Vacate & videte, quoniam ego sum Deus.* Sed & propositi nostri ratio in id conyenit, quippè qui cum aliquandiu varijs ac tristibus secularis militiæ turbinibus volveremur, eâdem nos in portum religionis, cunctis semper fidissimū Chri-

*Psal. 45.  
11.*

4 Vincent. Lirin.

*sacrificiis*

sto adspirante condidimus :  
 ut ibi depositis vanitatis ac  
 superbiæ flatibus , Christiana-  
 næ humilitatis placantes De-  
 um, non solum præsentis vitæ  
 naufragia, sed etiam futuri se-  
 culi incendia vitare posse-  
 mus. Sed jam in nomine Do-  
 mini, quod instat, aggrediar:  
 ut scilicet a majoribus tradita,  
 & apud nos deposita, scribam,  
 relatoris fide potius, quàm au-  
 ctoris præsumptione : hac ta-  
 men scribendi lege servata, ut  
 nequaquam omnia, sed tantum  
 necessaria quæq; perstringam:  
 neque id ornato & exacto, sed  
 facili, communique sermone:  
 ut pleraque significata potius,  
 quàm explicata videantur. Scri-  
 bant ij lautè & accuratè, qui ad  
 hoc munus, vel ingenij fidu-  
 cia,

*Advers. Hæreses. 5*

cia, vel officij ratione ducuntur: me verò sublevandæ recordationis, vel potius oblivionis meæ gratia, *commonitorium* mihi met parasse suffecerit: quod tamen paulatim recolendo quæ didici, emendare & implere quotidie, Domino præstante conabor. Atqui hoc ipsum idcirco præmonui, ut si fortè elapsum nobis in manus Sanctorum devenerit, nihil in eo temerè reprehendant; quòd adhuc videant promissa emendatione limandum.

CAPVT. I.

SÆpè igitur magno studio & summa attentione perquirens à quamplurimis san-

## 6 Vincent Lirin.

Etate & doctrina præstanti-  
 bus viris, quonam modo pos-  
 sim certa quadam & quasi ge-  
 nerali ac regulari via, Catho-  
 licæ fidei veritatem ab hæreti-  
 cæ pravitatis falsitate discer-  
 nere, hujusmodi semper re-  
 sponsum ab omnibus ferè re-  
 tuli: Quod si ve ego, si ve quis  
 alius vellet exurgentium hæ-  
 reticorum fraudes deprehen-  
 dere, laqueosque vitare, & in  
 fide sana sanus atque integer  
 permanere, duplici modo,  
 munire fidem suam, Domino  
 adjuvante deberet. Primò sci-  
 licet, *divine legis auctoritate*:  
 tum deinde *Ecclesiæ Catholicae*  
*traditione.*

CAP.

# Advers. Hæreses 7

## CAPVT. II.

**H**ic forsitan requirat aliquis: *Cùm sit perfectus scripturarum Canon, sibi quæ ad omnia satis superque sufficiat, quid opus est, ut ei Ecclesiastica intelligentia jungatur auctoritas?* Quia videlicet scripturam sacram pro ipsa sua altitudine non vno, eodemque sensu vniversi accipiunt: sed ejusdem eloquia aliter atque aliter, alius atque alius interpretatur: ut penè quot homines sunt, tot illic sententiæ erui posse videantur. Aliter namque illam Novatianus, aliter Photinus, aliter Sabellius, aliter Donatus exponit, aliter Arrius, Eunomius, Macedonius, aliter

## 8 Vincent Lirin.

Apollinaris, Priscillianus, aliter Iovinianus, Pelagius, Celestius aliter postremo Nestorius. Atque idcirco multum necesse est, propter tantos tam varijs erroris anfractus, ut Prophetica & Apostolica interpretationis linea secundum Ecclesiastici & Catholici sensus normam dirigatur.

### CAPVT. III.

**I**N ipsa item Catholica Ecclesia magnoperè curandum est, ut id teneamus, quod ubique, quod semper, quod ab omnibus creditum est. (Hoc est etenim verè proprièque Catholicum, quod ipsa vis nominis ratioque declarat, quæ omnia verè vniversaliter comprehendit

## *Advers. Hæreses.* 9

dic) sed hoc ita demum fit: si  
sequamur *Vniuersitatem*, *Antiquitatem*, *Consensionem*. Se-  
quemur autem *Vniuersitatem*  
hoc modo, si hanc vnam fidem  
veram esse fateamur, quam to-  
ta per orbem terrarum confi-  
tetur Ecclesia: *Antiquitatem*  
verò ita, si ab his nullatenus  
sensibus recedamus, quos san-  
ctos Majores ac Patres nostros  
celebrasse manifestum est: *Con-*  
*sensionem* quoque itidem, si in  
ipsa vetustate, omnium vel  
certè penè omnium Sacerdo-  
tum pariter & Magistrorum  
definitiones sententiasque se-  
quemur.

### CAPVT IV.

**Q**uid igitur faciet Christi-  
anus Catholicus, si se ali-

10 *Vincent Lirin.*

qua Ecclesię particula ab vni-  
versalis fidei communione  
præciderit? Quid utique nisi  
ut pestifero corruptoq; mem-  
bro, sanitatem vniuersi corpo-  
ris anteponat? Quid si novella  
aliqua contagio non jam por-  
tiunculam tantum, sed totam  
pariter Ecclesiam commacula-  
re conetur? Tunc item provi-  
debit, ut *antiquitati inhereat*:  
quæ prorsus jam non potest  
ab vlla novitatis fraude seduci;  
Quid si in ipsa vetustate, duo-  
rum aut trium hominum, vel  
certè civitatis vnius aut etiam  
provinciæ alicujus error de-  
prehendatur? Tunc omnino  
curabit, ut paucorum temeri-  
tati vel inscitæ, si qua sunt v-  
niuersaliter antiquitus vniuer-  
salis Concilij decreta præpo-  
nat.



*Advers. Hareses. II*

nat. Quid si tale aliquid emer-  
gat, vbi nihil hujusmodi repe-  
riatur? Tunc operam dabit, vt  
collatas inter se Majorum con-  
sulat interrogetque sententias:  
eorum duntaxat, qui diversis  
licet temporibus & locis, in  
vnus tamen Ecclesię Catholi-  
cæ communione & fide per-  
manentes, magistri probabiles  
exstiterunt: & quicquid non  
vnus aut duo tantum, sed om-  
nes pariter vno eodemq; con-  
sensu, apertè, frequenter, per-  
severanter, tenuisse, scripsisse,  
docuisse cognoverit, id sibi  
quoque intelligat absque vlla  
dubitatione credendum. Sed  
vt planiora fiant quæ dicimus,  
exemplis singulatim illustran-  
da sunt, & paulò vberius exag-  
geranda; ne immodicæ brevi-  
tatis

tatis studio rerum pondera orationis celeritate rapiantur.

## CAPVT V.

**T**Empore *Donati* à quo *Donatista*, cum sese multa pars *Aphricæ* in erroris sui furias præcipitaret, cumque immemor nominis, religionis, professionis, vnius hominis sacrilegam temeritatem *Ecclesiæ Christi* præponeret; tunc quicumque per *Aphricam* constituti prophano schismate detestato, vniuersis mundi *Ecclesiis* adsociati sunt, soli ex illis omnibus intra sacraria *Catholicæ fidei* salvi esse potuerunt: egregiam profectò relinquentes posteris formam; quemadmodum scilicet & deinceps,  
bono.

*Advers. Hæreses.* 13

bono more vnius aut certe paucorum vefaniæ, vniuersorum fanitas anteferretur.

CAP. VI.

**I**tem quando *Arrianorum* venenum, non jam portunculam quandam, sed penè orbem totum contaminaverat, adeò vt prope cunctis Latini sermonis Episcopis, partim vi, partim fraude deceptis, caligo quædam mentibus offunderetur, quidnam potissimum in tanta rerum confusione sequendum foret; tunc quisquis verus Christi amator & cultor exstitit, antiquam fidem novellæ perfidiæ præferendo, nulla contagij ipsius peste maculatus est. Cujus quidem temporis peri-

14 *Vincent. Lirin.*

periculo satis superque monstratum est, quantum invehatur calamitatis, novelli dogmatis inductione. Tunc si quidem non solum parvæ res, sed etiam maximæ labefactatæ sunt. Nec enim tantum affinitates cognationes, amicitia, domus, verum etiam vrbes, populi, Provinciæ, nationes, universum postremo Romanorum imperium funditus concussum & emotum est. Namque cum prophana ipsa Arrianorum novitas, velut quædam *Bellona* aut *Furia*, capto prius omnium imperatore; cuncta denique palatij culmina legib. novis subjugasset, nequaquam deinceps destitit universa miscere atque vexare: privata ac publica, sacra, prophanaque omnia, nullum

*Advers. Hæreses.* 15

lum boni & veri gerere discrimen, sed quoscunque collibuisse, tanquam de loco superiore percutere. Tunc *temerate conjuges*, depopulata viduæ, prophanata virgines, *monasteria demolita*, disturbati Clerici, verberati Levitæ, acti in exilium sacerdotes, oppleta sanctis ergastula, carceres, metalla: quorum pars maxima interdictis vrbibus protrusi atque extorres, inter deserta, speluncas, feras, saxa, nuditate, fame, siti, affecti, contriti, & tabefacti sunt. Atqui hæc omnia nunquid ullam aliam ob causam, nisi vtiq; dum pro cœlesti dogmate humanæ superstitiones introducuntur: dum *bene fundata antiquitas scelestæ novitate subvertitur*, dum superiorum instituta

tuta violantur, dum convelluntur definita majorum: dum sese intra sacratae atq; incorruptae vetustatis castissimos limites prophanæ ac nonnullæ curiositatis libido non continet?

## CAP. VII.

SED forsitan odio novitatis, & amore vetustatis hæc fingimus. Quisquis hoc æstimat, Beato saltem credat Ambrosio, qui in secundo ad Imperatorem Gratianum libro, acerbitaltem temporis ipse deplorans, ait. Sed jam satis, inquit, omnipotens Deus nostro exitio, nostroque sanguine Confessorum necesse, exilia sacerdotum, & ne-phas tante impietatis eluimus. Satis clarnit, eos qui violaverunt fidem.

## *Advers. Hæreses. 17*

*fidem, tutos esse non posse. Item in tertio ejusdē operis libro; Servemus igitur, inquit, præcepta majorum, ne hæreditaria signacula ausi rudi temeritate violamus. Librum signatum illum propheticum non seniores, non potestates, non Angeli; nō Archangeli aperire ausi sūt: soli Christo explanandi eius prerogativa servata est. Librum sacerdotalem quis nostrum resignare audeat, signatum à confessoribus, & multorum iam martyria consecratum? Quem quis resignare coacti sunt, postea tamen damnata fraude signarunt, qui violare non ausi sunt, Confessores & Martyres exstiterunt. Quomodo fidem eorum possumus denegare, quorum victoriam predicamus? Prædicamus, inquam o  
venc.*

*et si*

venerande Ambrosi, prædicamus planè, laudantesque miramur. Nam quis ille tam demens est, qui eos, adsequi non evaleat, non exoptet sequi? quos à defensione fidei Majorum nulla vis depulit? non minæ, non blandimenta, non vita, non mors, non palatium, non satellites, non imperator, non imperium, non homines, non demones. Quos, inquam, pro religiosæ vetustatis tenacitate tanto munere Dominus dignos judicavit, ut per eos prostratas repararet Ecclesias, extinctos spiritualiter populos vivificaret, dejectas sacerdotum coronas reponeret, nefarias illas novellæ impietatis non literas, sed lituras, infuso cælitus Episcopis fidelium lachrymarum



*Advers. Hæreses.* 19

rum fonte deleret: vniversum  
postremò jam penè mundum  
sæva repentinæ hærescos tem-  
pestate perculsum, ad antiquā  
fidem à novella perfidia, ad  
antiquam sanitatem, à novita-  
tis vesania: ad antiquam lu-  
cem, à novitatis cœcitate re-  
vocaret,

CAPVT. VIII.

**S**Ed in hac divina quadam  
sconfessionum virtute, illud  
etiam est nobis vel maximè  
considerandum, quod tunc a-  
pud ipsam Ecclesię vetustatem  
non partis alicujus sed vniver-  
sitatis ab ijs est suscepta defen-  
sio; neque enim fas erat, vt tan-  
ti ac tales viri vnus, aut duo-  
rum hominum errabundas, si-  
bique

bique ipsis contrarias suspiciones tam magno volumine adfererent: aut verò pro alicujus provinciæ temeraria quadam conspiratione certarent: sed omnium sanctæ Ecclesiæ Sacerdotum, Apostolicæ & Catholicæ veritatis hæredum decreta & definita sectantes, maluerunt semetipsos, quàm vetustæ vniuersitatis fidem prodere. Vnde & ad tantam gloriam pervenire meruerunt, vt non solum *confessores*, verùm etiam *confessorum principes* jure meritoque habeantur. Magnum hoc igitur eorundem beatorum exemplum; planeque divinum, & veris quibusque Catholicis indefessa meditatione recolendum: qui in modum *septemplex candelabri*,

*Advers. Hæreses* 21

labri, septena sancti Spiritus  
luce radiantes, clarissimam po-  
steris formulam præmonstra-  
runt, quoniam modo deinceps  
per singula quæque errorum  
vaniloquia, sacratæ vetustatis  
auctoritate, prophanæ novita-  
tis conteratur audacia.

CAPVT. IX.

**N**Eque hoc sanè novum:  
siquidem mos iste sem-  
per in Ecclesia viguit, vt quo-  
quisq; foret religiosior, eò promp-  
tius novellis adinventionibus  
contraires. Exemplis talibus  
plena sunt omnia. Sed ne lon-  
gum fiat, vnum aliquod, &  
hoc ab Apostolica potissimum  
sede sumemus: vt omnes luce  
clarius videant, beatorum Apo-  
stolorum

stolorum beata successio quanta vi semper, quanto studio, quanta contentione defenderit susceptæ semel religionis integritatem. Quondam igitur

*x (cui suc-*  
*-cessit Cyprianus*  
*-anus.*

venerabilis memoriæ *Agrippinus C. arthaginiensis Episcopus*, primus omnium mortalium contra divinum canonem, contra vniuersalis Ecclesiæ regulam, contra sensum omnium consacerdotum, contra morem ac instituta maiorum rebaptizandum esse censebat.

Quæ præsumptio tantum mali invexit, vt non solum hæreticis omnibus formam sacrilegij, sed etiam quibusdam Catholicis occasionem præbuerit erroris. Cùm ergo vndique ad novitatem rei cuncti reclamarent, atque omnes quaqua ver-

sum

sum

*Advers. Hæreses. 23*

sū Sacerdotes pro suo quisq;  
studio reniterentur, tunc beate  
memoriæ *Papa Stephanus, A-*  
*postolica sedis Antistes*, cum  
cæteris quidem collegis suis,  
sed tamen præ cæteris restitit:  
dignum, ut opinor, existi-  
mans, si reliquos omnes tan-  
tum fidei devotione vinceret,  
quantum loci auctoritate su-  
perabat. Denique in Epistola,  
quæ tunc ad Aphricam missa  
est, idem his verbis sanxit, *ni-*  
*hil novandum, nisi quod tradi-*  
*tum est*. Intelligebat etenim  
vir sanctus, & prudens, nihil  
aliud rationem pietatis admit-  
tere, nisi ut omnia, qua fide à  
Patribus suscepta forent, ea-  
dem fide filiis consignarentur:  
*nosque religionem, non quâ vel-*  
*lemus ducere, sed potius quâ illa*  
*duceret,*

## 24 Vincent Lirin.

duceret, sequi oportere: idque esse proprium Christianæ modestiæ & gravitatis, non sua posteris tradere, sed à Majoribus accepta servare. Quis ergo tunc vniuersi negocij exitus? quis utique nisi vilitatus & solitus: *Retenta est scilicet Antiquitas, explosa Novitas.*

## CAPVT. X.

**S**ed fortè tunc ipsi novitiæ ad inventioni patrocinia defuerunt. Imò verò tanta vis ingenij adfuit, tanta eloquentiæ flumina, tantus adsertorum numerus, tanta veri similitudo, tanta divinæ legis oracula, sed planè novo ac malo more intellecta, vt mihi omnis ista conspiratio nullo modo destrui

*Advers. Hæreses. 25*

strui potuisse videatur, nisi so-  
lam tanti moliminis causam  
ipsa illa suscepta, ipsa defensa,  
ipsa laudata novitatis professio  
destituisset. Postremò ipsius  
*Africani concilij* sive decreti  
quæ vires ? donante Deo,  
nullæ, sed vniversa, tan-  
quam fabulæ; tanquam somnia,  
tanquam superflua abolita, an-  
tiquata, calcata sunt.

C A P. XI.

**E**T ò rerum mira conversio!  
Auctores ejusdem opinio-  
nis, Catholici: consecutores  
verò hæretici, judicantur. Ab-  
solvuntur magistri, condem-  
nantur discipuli, conscriptores  
librorum filij regni erunt, as-  
sertores verò gehenna suscipi-  
B et.

et. Nam quis ille tam demens est, qui illud sanctorum omnium, & Episcoporum, & Martyrum lumen, beatissimum *Cyprianum*, cum cæteris collegis suis in æternum dubitet regnaturum esse cum Christo? Aut quis contra tam sacrilegus, qui Donatistas & cæteras pestes, quæ illius autoritate concilij rebaptizare se jactitant, in sempiternum neget arsueros esse cum diabolo? Quod quidem mihi divinitus videtur promulgatum esse judicium, propter eorum maximè fraudulentiam, qui cum sub alieno nomine hæresin concinnare machinentur, captant plerumque veteris cujuscumque viri scripta paulò involutius edita, quæ pro ipsa sui obscuritate dogma-  
ti



*Advers. Hæreses.* 27

ti suo quasi congruant: vt illud; nescio quid, quodcunque proferunt, neque primi, neque soli sentire videantur. Quorum ego nequitia duplici odio dignam iudico: vel eo, quod hæreseos venenum propinare alijs non pertimescunt: vel eo etiam, quod sancti cuiusq; viri memoriam tanquam sopitos iam cineres prophana manu ventilat; & quæ silentio sepeliri oportebat, rediviva opinione diffamant: sequentes omnino vestigia auctoris sui *Cham*, qui nuditatem venerandi *Noe*, non modo operire neglexit, verum quoque irridendam cæteris enuntiavit. Vnde tantam læsæ pietatis meruit offensam, vt etiam posterì ipsius, peccati sui maledictis obligarentur:

*Gen. 4.  
22.*

beatis illis fratribus, longèque  
dissimilibus, qui nuditatem ip-  
sam reverendi patris, neque  
suis temerare oculis, neque a-  
lienis patere voluerunt, sed a-  
versè, ut scribitur, texerunt e-  
um: quod est, erratum sancti  
viri nec adprobasse, nec prodi-  
disse: atque idcirco beata in po-  
steros benedictione donati sūt.  
Sed ad propositum redeamus.

- TOGA I. **CAP. XII.**

**M**agno igitur metu nobis  
mutatæ fidei, ac temera-  
tæ religionis piaculū pertime-  
scendum est, à quo nos non so-  
lū constitutionis Ecclesiasti-  
cæ disciplina, sed etiam censu-  
ra Apostolicæ deterret autori-  
tatis. Scitum etenim cunctis  
est,

*Advers. Hæreses.* 29

est, quàm graviter, quàm severè,  
quàm vehementer invehatur  
in quosdam B. Apostolus Pau-  
lus, qui *mira levitate nimium citò* Gal. 1. c.  
*translati fuerant ab eo, qui eos vo-* 7.  
*caverat in gratiam Christi; in*  
*aliud Evangelium; quod non est*  
*aliud: qui coacervârunt sibi ma-*  
*gistros ad sua desideria; à veri-* 2. Tim. 4.  
*tate quidem auditum avertentes,* 3. 4.  
*conversi verò ad fabulas: habentes*  
*damnationem, quòd primam* 1. Tim. 5.  
*fidem irritam fecissent.* 12.  
Quos  
deceperant ij, de quibus ad  
Romanos fratres scribit idem  
Apostolus: *Rogo autem, vos* Rom. 16.  
*fratres, ut observetis eos, qui* 17.  
*dissentiones & offendicula præ-*  
*ter doctrinam, quam ipsi didis-*  
*cistis, faciunt, & declinate ab*  
*illis: hujusmodi enim Christo*  
*Domino non serviunt, sed suo*

# 30 Vincent. Lirin.

ventri: & per dulces sermones  
 & benedictiones seducunt corda  
 innocentium. Qui intrant per  
 2. Tim. 3. domos, & captivas ducunt mu-  
 6. 7. lierculas oneratas peccatis, que  
 ducuntur varijs desiderijs: sem-  
 per discentes, & ad scientiam  
 veritatis nunquam pervenien-  
 tes. Vaniloqui & seductores,  
 10. 11. qui vniversas domos subver-  
 tunt, docentes quæ non oportet  
 turpis lucri gratia. Homines  
 2. Tim. corrupti mente, reprobi circa  
 3. 8. fidem: superbi, & nihil scientes:  
 sed languentes circa questiones  
 1. Tim. & pugnas verborum, qui veri-  
 6. 4. 5. tate privati sunt, existimantes  
 1. Tim. questum esse pietatem: simul  
 5. 13. autē & ociosi discunt circum-  
 ire domos, non solum autem  
 ociosi, sed & verbosi, & curio-  
 si, loquentes quæ non oportet.

Qui

## Advers. Hæreses 31

Qui bonam conscientiam repellentes, circa fidem naufragaverunt. Quorum prophana vaniloquia multum proficiunt ad impietatem, & sermo eorum ut cancer serpit. Benè autem, quod de ijs item scribitur: sed ultra non proficiunt: insipientia enim eorum manifesta erit omnibus, sicut & illorum fuit. Cùm ergò tales quidam circumeuntes provincias & civitates, atque errores venalitios circumferendo etiam ad Galatas devenissent: cunìque his auditis *Galatæ* nausea quadam veritatis adfecti, Apostolicæ Catholicæque doctrinæ manna revomentes, hæreticæ novitatis sordibus oblectarentur, ita sese Apostolicæ potestatis exercuit auctoritas, ut summa cum se-

## 32 Vincent. Lirin.

veritate decerneret: sed *licet*  
*aut nos, inquit, aut angelus de*  
*cælo evangelizet vobis, præter*  
*quã quod evangelizavimus; an*  
*anathema sit.* Quid est, quod ait,  
 Sed licet nos, cur nõ potius, sed  
 licet ego? Hoc est, etiamsi Pe-  
 trus, etiamsi Andreas, etiãsi Io-  
 hannes, etiãsi postremò omnis  
 Apostolorum chorus Evange-  
 lizet vobis, præterquam quod  
 evangelizavimus, anathema sit.  
 Tremenda districtio: propter  
 adferendam primæ fidei tena-  
 citatem, nec sibi, nec cæteris  
 coapostolis pepercisse: Parum  
 est, etiamsi angelus, inquit, de  
 cælo evangelizat vobis, præter-  
 quam quod evangelizavimus:  
*anathema sit.* Non sufficerat ad  
 custodiam traditæ semel fidei,  
 humanæ conditionis comme-  
 morasse

morâsse naturam, nisi angelicam quoq; excellentiam comprehendisset. *Licet nos, inquit, aut angelus de cælo.* Non quia sancti cœlestesque angeli peccare jam possint, sed hoc est quod dicit: Si etiam, inquit, fiat quod non potest fieri; quisquis ille traditam semel fidem mutare tentaverit: anathema sit.

C A P. XIII.

**S**ed hæc forsitan perfunctorie prælocutus est, & humano potius effudit impetu, quàm divina ratione decrevit. Absit, sequitur enim, & hoc ipsum ingenti molimine iteratæ insinuationis inculcat: *Sicut prædiximus, inquit, & nunc iterum*  
B 5      dico:

### 34 Vincent. Lirin.

dico: si quis vobis evangeliza-  
verit praterquam quod accepi-  
stis, anathema sit: Non dixit,  
Si quis vobis adnunciaverit,  
praterquam quod accepistis,  
benedictus sit, laudetur; reci-  
piatur: sed *anathema* sit, inquit,  
id est, separatus, segregatus,  
exclusus, ne vnus ovis dirum  
contagium, innoxium gregem  
Christi venenata permixtione  
contaminet. Sed forsitan Ga-  
latis ista tantum praecepta sunt.  
Ergo & ista solis Galatis im-  
perata sunt, quæ in ejusdem e-  
pistolæ sequentibus comme-  
morantur: qualia sunt hæc: Si  
vivimus spiritu, spiritum & am-  
bulemus. Non efficiamur inanis  
glorie cupidi; invicem provo-  
cantes, invicem invidentes. Et  
reliqua. Quod si absurdum est,  
&



*Advers. Hæreses.* 35

& omnibus ex æquo imperata sunt, stat, vt sicut hæc morum mandata, ita etiam illa, quæ de fide cauta sunt, omnes pari modo comprehendant.

CAPVT. XIV.

**E**T sicuti nemini licet invicem provocare, aut invidere invicem, ita nemini liceat præter id quod Ecclesia Catholica vsquequaque evangelizat accipere. Aut forsitan tunc jubebatur, si quis adnunciasset, præterquam quod annuntiaturum fuerat, anathemari: nunc verò jam non jubetur. Ergo & illud quod item ibi ait: *Dico autem spiritu ambulate, & desiderium carnis non perficietis*, tunc tantum jubebatur modo verò jam

36 Vincent. Lirin.

jam non jubetur. Quod si impium pariter & perniciosum est ita credere, necessario sequitur, ut sicut hæc cunctis ætatibus observanda sunt, ita illa quoq; , quæ de non mutanda fide sancita sunt, cunctis ætatibus imperata sint : *Adnunciare ergo aliquid Christianis Catholicis, præter id quod acciperunt, nunquam licuit, nunquam licet, nunquam licebit* : & anathemare eos qui adnuncient aliquid, præterquam quod semel acceptum est, *nunquam non oportuit, nusquam non oportet, nusquam non oportebit*. Quæ cum ita sint, estne aliquis vel tantæ audaciæ, qui præter id quod apud Ecclesiam adnunciatum est, adnunciet : vel tantæ levitatis, qui præter id,

*Advers. Hæreses.* 37

id, quod ab Ecclesia accepit, accipiat? Clamet; & repetendo clamet, & omnibus, & semper, & ubique per literas suas clamet ille, ille vas electionis, ille magister gentium, ille Apostolorum tuba, ille terrarum præco, ille cælorum conficius, ut si quis novum dogma adnunciaverit; anathematizetur. Et contra reclament *rane quedam, & cyniphes, & muscæ moritura*, quales sunt Pelagiani, & hoc Catholicis: *Nobis inquit, autoribus, nobis principibus, nobis expositoribus damnate quæ tenebatis, teneate quæ damnabatis*, rejicite antiquam fidem, paterna instituta, Majorum deposita, & recipite, quænam illa tandem? Horreo dicere: sunt enim tam  
superba,

superba, vt mihi non modo adfirmari, sed ne refelli quidem sine aliquo piaculo posse videantur.

## C A p. XV.

**S**ED dicet aliquis. *Cur ergo persapè diuinitus sinuntur excellentes quadam persone in Ecclesia constituta res novas Catholicis adnunciare?* Recta interrogatio, & digna quæ diligentius atque vberius pertractetur: cui tamen non ingenio proprio, sed diuinæ legis auctoritate, Ecclesiastici magistri documento satisfaciendum est. Audiamus ergo sanctum *Moysem*, & ipse nos doceat, cur docti viri, & qui propter scientiæ gratiam ab Apostolo etiam *Propheta* nuncupantur pro

*Advers. Hæreses.* 39

proferre interdum permittantur nova dogmata, quæ vetus Testamentum allegorico sermone *Deos alienos* appellare consuevit; cò quòd scilicet ita ab hæreticis ipsorum opiniones, sicut à gentilibus dii sui observentur. Scribit ergo in *Deuteronomio* beatus Moses: *Dent. 13.*  
*Si surrexerit, inquit, in medio 1. & seq.*  
*tui propheta, aut qui somnium se vidisse dicat, id est, Magister in Ecclesia constitutus, quem discipuli vel auditores sui ex aliqua revelatione docere arbitrentur. Quid deinde? Et prædixerit, inquit, signum atque portentum, & evenerit quod locutus est.* Magnus profectò, nescio quis significatur Magister, & tantæ scientiæ, qui sectatoribus proprijs non solum

lùm quæ humana sunt nosse,  
 verumetiam quæ supra homi-  
 nem sunt prænoscere posse vi-  
 deatur, quales ferè discipuli  
 sui jactitant fuisse *Valentinum,*  
*Donatum, Phorinum, Apollina-*  
*rē,* cæterosque ejusmodi. Quid  
 postea? *Et dixerit, inquit tibi,*  
*eamus & sequamur Deos alie-*  
*nos, quos ignoras, & serviamus*  
*eis.* Qui sunt dii alieni, nisi er-  
 rores extranei; quos ignora-  
 bas, id est novi & inauditi? Et  
 serviamus eis, id est, credamus  
 eis, sequamur eos. Quid ad  
 extremum? *Non audies, in-*  
*quit, verba Prophetæ illius, aut*  
*somniatoris.* Et, quare, oro te,  
 à Deo non prohibetur doceri,  
 quod adeò prohibetur audiri?  
*Quia inquit, tentat vos Domi-*  
*nus Deus vester, ut palàm fiat*

## *Advers. Hæreses. 41*

*utrum diligatis eum an non, in toto corde, & in tota anima vestra.* Luce clariùs aperta causa est, cur interdum divina providentia quosdam Ecclesiarum magistros, nova quædam dogmata prædicare patitur: *Vt tentet vos, inquit, Dominus Deus vester,* Et profectò magna tentatio est, cum ille quem tu prophetam, quem Prophetarum discipulum, quem doctorem & adiutorem veritatis putes, quem summa veneratione & amore complexus sis, is subito latenter noxios subinducat errores: quos nec citò deprehendere valeas dum antiqui magisterij duceris præjudicio: nec facilè damnas re fas ducis, dum magistri veteris impedis affectu.

CAP.

## CAPVT. XVI.

**H**ic forsitan efflagitet aliquis, vt ea quę sancti Moy-  
si verbis adserta sunt, ecclesia-  
sticis aliquibus demonstrentur  
exemplis. Æqua expositio,  
nec diu differenda. Nam vt à  
proximis & manifestis incipi-  
am, qualem fuisse nuper tenta-  
tionem putamus, cùm infœlix  
ille *Nestorius* subito ex ove  
conuersus in lupum, gregem  
Christi lacerare cœpisset; cùm  
eum hi ipsi qui rodebantur, ex  
magna adhuc parte ovem cre-  
derent, ideoque morsibus ejus  
magis paterent. Nam quis e-  
um facilè errare arbitretur,  
quem tanto imperij iudicio  
electum, tanto sacerdotum  
studio



## *Advers. Hæreses. 43*

studio profecutum videret, qui cum magno sanctorum amore, summo populi favore celebraretur, quotidie palam divina tractabat eloquia, & noxios quoque Iudæorum & gentilium confutabat errores. Quo tandem iste modo non cuius fidem faceret, se recta docere, recta prædicare, recta sentire? Qui ut vni hæresi suæ aditum patefaceret, cunctarum hæreseôn blasphemias insectabatur. Sed hoc erat illud quod Moyses ait: *Tentat vos Dominus Deus vester, si diligatis eum, an non.* Et ut Nestorium prætereamus, in quo plus semper admirationis, quam utilitatis, plus famæ, quam experientiæ fuit: quem opinione vulgi aliquamdiu magnum humana

humana magis faceret gratia,  
quàm divina : eos potius  
commemoremus , qui multis  
profectibus , multaque indu-  
stria præditi , non parvæ ten-  
tationi Catholicis hominibus  
extiterunt: velut apud Panno-  
nios majorum memoria *Pho-  
tinus* Ecclesiam *Sirmitanam*  
tentâsse memoratur. Vbi cum  
magno omnium favore in sa-  
cerdotium fuisset ascitus, & ali-  
quandiu tanquam Catholicus  
administraret: subitò, sicut ma-  
lus ille Propheta , aut scmnia-  
tor , quem Moyse significat,  
creditam sibi plebem Dei per-  
suadere cœpit, vt sequeretur  
Deos alienos, id est errores ex-  
traneos; quos antea nesciebat.  
Sed hoc vsitatum : illud verò  
perniciosum, quod ad tantum  
nefas

## *Advers. Hæreses* 45

nefas non mediocribus adminiculis utebatur. Nam erat & ingenij viribus valens, & doctrinæ opibus excellens, & eloquio præpotens: quippè qui utroque sermone copiosè & graviter disputaret & scriberet: quod monumentis librorum suorum manifestatur, quos idem partim Græco, partim Latino sermone composuit. Sed benè, quòd commissæ ipsi oves Christi, multum pro Catholica fide vigilantes, & cautæ, citò ad præmonentis Moysis eloquia respexerunt, & Prophetæ atque pastoris sui licet admirentur eloquentiam, tentationē tamen non ignorarunt. Nam *quem antea quasi arietem gregis sequebātur, eundem deinceps veluti lupū fugere cœperunt.* Neque

Neque solum Photini, sed etiam *Apollinaris* exemplo istius Ecclesiasticæ tentationis periculum discimus, & simul ad observandæ diligentius fidei custodiam commonemur. Etenim ipse auditoribus suis magnos æstus, & magnas generavit angustias: quippè cum eos huc Ecclesiæ traheret auctoritas, huc magistri retraheret consuetudo: cumque inter utraque nutabundi & fluctuantes, quid potiùs sibi seligendum foret, non expendunt. Sed forsitan eiusmodi ille vir erat, qui dignus esset facilè contemni. Imò verò tantus ac talis, cui nimium citò in plurimis crederetur. Nam quid illo præstantius acumine, exercitatione, doctrina? quàm multas ille hære-

*Advers. Hæreses.* 47

hæreses multis voluminibus  
oppresserit, quot inimicos fi-  
dei confutauerit errores, indis-  
cio est opus illud *triginta non  
minus librorum nobilissimum ac  
maximum*, quo insanas Porphy-  
rij calumnias magna probatio-  
num mole confudit. Longum  
est vniversa ipsius opera com-  
memorare, quibus profectò  
summis ædificatoribus Eccle-  
siæ par esse potuisset: nisi pro-  
phana illa hæreticæ curiosita-  
tis libidine novum nescio quid  
invenisset, quò & *cunctos labo-  
res suos velut cuiusdam lepræ  
admixtione fœdaret*, & com-  
mitteret vt doctrina ejus non  
tam ædificatio quam tentatio  
potiùs ecclesiastica diceretur.  
Hic à me forsitan deposcatur,  
vt horam quos supra comme-  
mora-

moravi exponam hæreses: Nestorij scilicet, Apollinaris, & Photini. Hoc quidem ad rem, de qua nunc agimus, non attinet, propositum etenim nobis est, non singulorum errores persequi, sed paucorum exempla proferre, quibus evidenter ac perspicuè demonstretur illud quod Moyses ait: Quia scilicet, si quando ecclesiasticus aliquis magister, & ipse interpretandis prophetarum mysterijs propheta, novi quidam in Ecclesiam Dei tentet inducere, ad tentationem id nostram fieri providentia divina patiatur.

## CAPVT. XVII.

**V**Tile igitur fuerit in excursu, quid supra memorati

*Advers. Hæreses. 49*

rati hæretici sentiant, breviter  
exponere, id est, Photinus, A-  
pollinaris, Nestorius. *Photini*  
*ergo secta hæc est:* Dicit Deum  
singulum esse & solitarium, &  
more Iudaico confitendum:  
Trinitatis plenitudinem negat,  
neque ullam Dei verbi, aut vl-  
lam Spiritus sancti putat esse  
personam: Christum verò ho-  
minem tantummodò solitari-  
um adserit, cui principium ad-  
scribit ex Maria: & hoc omni-  
bus modis dogmatizat, solam  
nos personam Dei patris, &  
solum Christum hominem co-  
lere debere. Hæc ergo Photi-  
nus. *Apollinaris* verò in vnita-  
tem quidem trinitatis quasi  
consentire se jactat, & hoc ip-  
sum plena fidei sanctitate: sed  
in domini incarnatione aperta

C

pro-

professione blasphematur. Dicit enim in ipsa Salvatoris nostri carne, aut animam humanam penitus non fuisse, aut certe talem fuisse, cui mens & ratio non esset. Sed & ipsam Domini carnem, non de sanctæ virginis Mariæ carne susceptam, sed de coelo in virginem descendisse dicebat: eamque nutabundus semper & dubius, modò cœternam Deo verbo, modò de verbi divinitate factum prædicabat. Nolebat enim in Christo esse duas substantias, vnam divinam, alteram humanam: vnam ex patre, alteram ex matre: sed ipsam verbi naturam putabat esse discissam: quasi aliud ejus permaneret in Deo, aliud verò versum fuisset in carnem: ut cum veritas dicat



*Advers. Hæreses. 51*

ex duabus substantiis vnum  
esse Christum, ille contrarius  
veritati, ex vna Christi divi-  
nitate duas asserat esse substan-  
tias. Hæc itaque Apollinaris.  
*Nestorius* autem contrario A-  
pollinari morbo, dum se duas  
in Christo substantias distin-  
guere simulat, duas introducit  
repentè personas: & inaudito  
scelere duos vult esse filios Dei,  
*duos Christos*: vnum Deum, al-  
terum hominem: vnum qui ex  
patre, alterum qui sit genera-  
tus ex matre. Atque ideo asse-  
rit sanctam Mariam *non theoto-*  
*con*, sed *christotocon*, esse dicen-  
dam: quia scilicet ex ea non il-  
le Christus qui Deus, sed ille  
qui erat homo, sit natus. Quod  
si quis eum putat in literis su-  
is vnum Christum dicere, &

vnam Christi prædicare per-  
 sonam, non temerè credat. Aut  
 enim istud fallendi arte machi-  
 natus est, *ut per bona facilius*  
*suaderet & mala*: sicut ait A-  
 postolus, *Per bonum mihi ope-*  
*ratus est mortem*: Aut ergo ut  
 diximus fraudulentia causa  
 quibusdam in locis scriptorum  
 suorum vnum CHRISTVM, &  
 vnam Christi personam crede-  
 re se jactitat: aut certè post  
 partum jam virginis ita in v-  
 num Christum duas perhibet  
 convenisse personas, ut tamen  
 conceptus seu partus virginis  
 tempore, & aliquanto postea,  
 duos Christos fuisse contendat.  
 Et cum scilicet Christus ho-  
 mo communis primùm & so-  
 litarius natus sit, & necdum  
 Dei verbi personæ unitate  
 sociatus,

fociatus, postea in eum adsumptis verbi persona descendit, & licet nunc in Dei gloria maneat adsumptus aliquandiu, tamen nihil inter illum & cæteros homines interfuisse videatur.

CAP. XVIII.

**H**Æc ergo Nestorius, Apollinaris, Photinus adversus Catholicam fidem rabidi canes latrant: *Photinus, Trinitatem non confitendo, Apollinaris convertibilem verbi dicendo naturam, & dicens in Christo substantias non confitendo:* & aut totam Christi animam, aut certè mentem atque rationem in anima denegando, & asserendo pro sensu mentis

C 3                      fuisse

54 *Vincent. Lirin.*

fuisse Dei verbum: *Nestorius* duos *Christos* aut semper esse, aut aliquandiu fuisse adseverando. Ecclesia verò Catholica, & de Deo, & de Salvatore nostro recta sentiens, nec in Trinitatis mysterium, nec in Christi incarnationem blasphematur: nam & vnam divinitatem in Trinitatis plenitudine, & Trinitatis æqualitatem in vna atque eadem maiestate veneratur, & vnum Christum Iesum, non duos, eundemque Deum pariter atq; hominem confitetur. Vnam quidem in eo personam, sed duas substantias: duas substantias, sed vnam credit esse personam: duas substantias, quia mutabile non est verbum Dei, vt ipsum verteretur in carnem  
vnam

## Advers. Hæreses 55

vnam personam, ne duos profi-  
tendo filios, *quaternitatem* vi-  
deatur colere, non Trinitatem.

### CAP. XIX.

**S**Ed operę precium est vt id-  
Sipsum etiam atque etiam  
distinctius & expressius enu-  
cleemus. In Deo vna substan-  
tia, sed tres personæ: In Chri-  
sto duę substantię, sed vna per-  
sona: In Trinitate *alius atque*  
*alius*, non *aliud atque aliud*:  
in Salvatore aliud atque aliud,  
non alius atque alius. Quo-  
modo in Trinitate alius atque  
alius, non aliud atque aliud?  
Quia scilicet alia est persona  
Patris, alia Filij, alia Spiritus  
sancti; sed tamen Patris, & Filij,  
& Spiritus Sancti non alia & a-

56 *Vincent. Lirin.*

lia, sed vna eademque natura. Quomodo in Salvatore aliud atque aliud, non alius atque alius? Quia videlicet altera substantia divinitatis, altera humanitatis: sed tamen Deitas & humanitas non alter & alter, sed vnus idemque Christus, vnus idemq; Filius Dei, & vnus eiusdemque Christi & filij Dei vna eademq; persona. Sicut in homine aliud caro, & aliud anima: sed vnus idemque homo, anima & caro: In *Petro* & *Paulo* aliud anima, aliud caro: nec tamen duo Petri caro & anima, aut alter Paulus anima, & alter caro: sed vnus idemque Paulus, ex duplici diversaque subsistens animi corporisque natura. Ita igitur in vno eodemque Christo  
duz

*Advers. Hæreses. 57*

duæ substantiæ sunt : sed vna divina, altera humana: vna ex patre Deo, altera ex matre virgine: vna cœterna & æqualis Patri, altera ex tempore & minor patre, vna consubstantialis patri, altera consubstantialis matri, vnus tamen idemque Christus in vtraq; substantia. Non ergo alter Christus Deus, alter homo: non alter increatus, alter creatus; non alter impassibilis, alter passibilis: non alter æqualis patri, alter minor patre: non alter ex patre, alter ex matre, sed vnus idēq; Christus Deus & homo: idem non creatus, & creatus, idē incommutabilis & impassibilis, idem cōmutatus & passus: idē patri & æqualis, & minor: idē ex Patre ante secula gēitus, idē in seculo

58 *Vincent. Lirin.*

ex matre generatus: perfectus  
Deus, perfectus homo: in Deo  
summa divinitas, in homine  
plena humanitas: Plena, in-  
quam, humanitas, quippè quæ  
animam simul habeat & car-  
nem: sed carnem veram, no-  
stram, maternam: animam ve-  
rò intellectu præditam, men-  
te ac ratione pollentem. Est  
ergo in Christo verbum, ani-  
ma, caro: sed hoc totum vnus  
est Christus, vnus filius Dei,  
& vnus Salvator ac redemptor  
noster. Vnus autem, non cor-  
ruptibili nescio qua divinita-  
tis & humanitatis confusione,  
sed integra & singulari qua-  
dam vnitæ personæ. Neque  
enim illa conjunctio alterum  
in alterum convertit atque mu-  
tavit (qui est error proprius

*Arri-*



*Adver. Hæreses.* 59

*Arrianorum*) sed ita in vnum  
potius vtrumque compegit, vt  
manente semper in Christo  
singularitate vnus ejuldem-  
que personæ in æternum quo-  
que permaneat proprietas v-  
niuscujusque naturæ, quo sci-  
licet nec vnquam Deus corpus  
esse incipiat, nec aliquando  
corpus esse desistat: quod e-  
tiam humanæ conditionis de-  
monstratur exemplo: neque e-  
nim in præsentî tantum, sed in  
futuro quoque vnusquisq; ho-  
minum constabit ex corpore  
& anima: nec tamen vnquam  
aut corpus in animam, aut ani-  
ma vertetur in corpus, sed v-  
noquoque hominum sine fine  
victuro, in vnoquoque homi-  
num sine fine necessario vtri-  
usque substantiæ differentia  
perma-

permanebit. Ita in Christo quoque vtriusque substantiæ sua cuique in æternum proprietates, salua tamen personæ unitate retinenda est.

## CAP. XX.

**S**ED cum personam sæpius nominamus & dicimus, quod Deo persona homo factus sit, vehementer verendum est, ne hoc dicere videamur, quod Deus verbum sola imitatione actionis, quæ sunt nostra suscepit, & quidquid illud est conversationis humanæ, quasi adumbratus, non quasi verus homo fecerit: sicut in theatris fieri solet, ubi vnus plures effingit repentè personas, quarum ipse nulla est. Quotiescunq;  
etenim

## *Advers. Hæreses. 61*

etenim aliqua suscipitur imitatio actionis alienæ, ita aliorum officia aut opera patrantur, ut tamen hi qui agunt, non sint ipsi, quos agunt. Neque enim, ut verbi gratia secularium, & Manichæorum utamur exemplis, cum *actor tragicus* Sacerdotem effingit, aut regem, sacerdos aut rex est: nam desistente actu, simul & ea quam susceperat persona desistit. Absit hoc à nobis nefarium scelestumque ludibrium. . . . . Manichæorum sit ista dementia, qui phantasie prædicatores, aiunt filium Dei Deum, personam hominis non substantivè extitisse, sed actu putativo quodam, & conversatione simulasse. Catholica verò fides ita verbum  
Dei

62 *Vincent. Lirin.*

Dei hominem factum esse dicit, ut quæ nostra sunt, non fallaciter & adumbratè, sed verè expressèque susciperet; & quæ erant humana, non aliena imitaretur, sed potius ut sua gereret: & prorsus quod agebat, hoc etiam esset. Sicut ipsi nos quoque in eo quod loquimur, sapimus, vivimus, subsistimus, non imitamur homines, sed sumus. Neque enim *Petrus & Iohannes*, ut eos potissimum nominem, imitando erant homines, sed subsistendo. Neque item *Paulus* simulabat Apostolum, aut fingebat Paulum, sed erat Apostolus, & subsistebat Paulus: Ita etiam Deus verbum, adsumendo & habendo carnem, loquendo, faciendo, patiando per carnem, sine ulla  
tamen

## *Advers. Hæreses 63*

tamen suæ corruptione naturæ hoc omnino præstare dignatus est, ut hominem perfectum non imitaretur aut fingeret, sed exhiberet: ut homo verus non videretur aut putaretur, sicut anima connexa carni, nec in carnem tamen versa non imitatur hominem, sed est homo; & homo non per simulationem, sed per substantiam: ita etiam verbum Deus, absque ulla sui conversione uniendo se homini, non confundendo, non imitando factus est homo, sed subsistendo. Abjiciatur ergo tota penitus personæ illius intelligentia, quæ fingendo imitatione suscipitur: ubi semper aliud est, & aliud simulatur: ubi ille qui agit, nunquam is est, quem agit. Absit

64 *Vincent. Lirin.*

fit etenim, vt hoc fallaci modo  
 Deus verbum hominis perso-  
 nam suscepisse credatur, sed ita  
 potius, vt incommutabili sua  
 manente substantia, & in se per-  
 fecti hominis suscipiendo na-  
 turam, ipse caro, ipse homo, ip-  
 se persona hominis existeret:  
 non simulatoria, sed vera: non  
 imitativa, sed substantiva: non  
 denique quæ cum actione desi-  
 sterat, sed quæ prorsus in sub-  
 stantia permaneret. Hæc igitur  
 in Christo personæ vnitas ne-  
 quaquam post virginis par-  
 tum, sed in ipso virginis utero  
 compacta atque perfecta est.

## CAP. XXI.

**V**Ehementer enina præcas  
 vere debemus vt Christum  
 non

*Advers. Hæreses. 65.*

non modò vnum: sed etiam sē-  
per vnum confiteamur: quia  
intolleranda blasphemia est, vt  
etiāsi nunc eum vnum esse  
concedas: aliquando tamen non  
vnum, sed duos fuisse contē-  
das, *vnum* scilicet *post tempus*  
*baptismatis*, *duos* verò *sub tem-*  
*pore natiuitatis*. Quod immen-  
sum sacrilegium non aliter pro-  
fectò vitare poterimus, nisi v-  
nitum hominem Deo in vnita-  
te personæ, non ascensu, vel  
resurrectione, vel baptismo,  
sed iam in matre, iam in v-  
tero, iam denique in ipsa vir-  
ginali conceptione fatea-  
mur: propter quam perso-  
næ vnitatem indifferenter ci-  
atque promiscuè, & quæ  
Dei sunt propria, tribuun-  
tur homini, & quæ carnis  
pro-

propria ascribuntur Deo. Inde est enim quod divinitus scriptum est: *Et filiū hominis descendisse de cælo, & Dominū majestatis crucifixū in terra*, inde etiā est, ut carne Domini facta, carne Domini creata, ipsū verbū Dei factum, ipsa sapientia Dei impleta, scientia creata dicatur: sicut in præscientia manus ipsius, & pedes fossi esse referuntur: Per hanc, inquam, personæ unitatem illud quoque similis mysterij ratione profectum est, ut carne verbi ex integra matre nascente, ipse Deus verbum natus ex virgine Catholicissimè credatur, impijssimè denegetur. Quæ cum ita sint, absit ut quisquam sanctam Mariam divinæ gratiæ privilegiis, ut speciali gloria, fraudare conetur:

*psal. 21.*



## *Advers. Hæreses. 67*

conetur: Est enim singulari  
quodam Domini ac Dei nostri,  
filij autem sui munere, verissi-  
mè ac beatissimè *theotocos* con-  
fitenda. Sed non eodem modo  
*theotocos*, quo impia quædam  
hæresis suspicatur, quæ adserit  
eam Dei matrem sola appella-  
tione dicendam, quæ eum sci-  
licet pepererit hominem, qui  
postea factus est D E V S, sicut  
scimus Presbyteri matrem, aut  
Episcopi matrem, non jam  
presbiterum aut Episcopum  
pariendo, sed eum generando  
hominem, qui postea Presby-  
ter vel Episcopus factus est.  
Non ita, inquam, sancta Maria  
*theotocos*: sed ideo potius, quo-  
niam, ut supra dictum est, jam  
in ejus sacrato vtero sacro-  
sanctum illud mysterium per-  
petratum

tratum est, quod propter singularem quandam, atque unicam personæ unitatem sicut verbum in carne caro, ita homo in Deo Deus est.

## CAP. XXII.

**S**Ed jam ea, quæ supra de memoratis hæresibus, vel de Catholica fide breviter dicta sunt, renovandæ causa memoriam brevius strictiusque repetamus: quo scilicet, & intelligentur iterata plenius, & firmitus inculcata teneantur. Anathema igitur *Photino*, non recipienti plenitudinem Trinitatis, & Christum hominem tantummodo solitarium prædicanti. Anathema *Apollinaris* adserenti in Christo converſe  
divis

## *Advers. Hæreses 69*

divinitatis corruptionem, & auferenti perfectæ humanitatis proprietatem. Anathema Nestorio, neganti ex virgine Deum natum, adferenti duos Christos: & explosa Trinitatis fide, quaternitatem nobis introducenti. *Beata verò Catholica Ecclesia*, quæ vnum Deum in Trinitatis plenitudine, & item Trinitatis æqualitatem in vna divinitate veneratur: vt neque singularitas substantiæ personarum confundat proprietatem, neque item Trinitatis distinctio vnitatem separet Deitatis. *Beata*, inquam Ecclesia, quæ in Christo duas veras perfectasque substantias, sed vnā Christi credit esse personam: vt neque naturarum distinctio vnitatem perso-

personæ dividat, neque item  
 personæ unitas differentiam  
 confundat substantiarum: *Bea-  
 ta* inquam, *Ecclesia*, quæ ut v-  
 num semper Christum & esse,  
 & fuisse fateatur, unitum homi-  
 nem Deo non post partum, sed  
 jam in ipso matris utero con-  
 fitetur. *Beata*, inquam, *Eccle-  
 sia*, quæ Deum factum homi-  
 nem, non conversione naturæ,  
 sed personæ ratione intelligit:  
 Personæ autem non simulato-  
 riæ, & transeuntis, sed substan-  
 tivæ ac permanentis. *Beata*, in-  
 quā, *Ecclesia*, quæ hanc perso-  
 næ unitatem tantam vim ha-  
 bere prædicat, ut propter eam  
 miro ineffabilique mysterio &  
 divina homini, & Deo adscri-  
 bat humana. Nam propter eam  
 & hominem de cælo secun-  
 dum

*Advers. Hæreses.* 71

dum Deum descendisse non ab-  
negat, & Deum secundum ho-  
minem credidit in terra fa-  
ctum, passum & crucifixum.  
Propter eam denique & homi-  
nem Dei filium, & Deum fili-  
um virginis confitetur. *Beata*,  
igitur ac veneranda, benedicta,  
& sacrosancta, & omnino su-  
pernae illi angelorum laudatio-  
ni comparanda confessio, quæ  
vnum Dominum Deum trina  
sanctificatione glorificat. Id-  
circo enim vel maxmè vnita-  
tem Christi prædicat, ne my-  
sterium Trinitatis excedat. Hæc  
in excursu dicta sint, aliàs si  
Deo placuerit, vberius tractan-  
da & explicanda. Nunc ad pro-  
positum redeamus.

CAP.

## CAP. XXIII.

**D**Icebamus ergo in superioribus, quòd in Ecclesia Dei tentatio esset populi, error magistri: & tanto major tentatio, quanto ipse esset doctior, qui erraret. Quod primum scripturæ autoritate, deinde Ecclesiasticis docebamus exemplis: eorum scilicet commemoratione, quod cum aliquandiu sanz fidei forent habiti, ad extremum tamen, aut in alienam decidissent sectam, aut ipsi suam hæresim condidissent. Magna profectò res & ad discendum utilis, & ad recolendum necessaria, quam etiam atque etiam exemplorum molibus illustrare atque inculcare debemus: ut omnes

## *Adversus Hæreses. 73*

nes ferè Catholici noverint, *secum Ecclesiæ doctores recipere, non cum Doctoribus Ecclesiæ fidem deferere debere.* Sed ego ita arbitror, quòd cùm multos in hoc tentandi genere proferre valeamus, nemo penè sit, qui *Origenis* tentatione valeat comparari, in quo plura adeò præclara, adeò singularia, adeò mira exstiterunt, vt inter initia habendam cunctis adsertionibus ejus fidem, quivis facilè judicaret. Nam si *vita* facit auctoritatem, magna illi industria, magna pudicitia, patientia, tolerantia; si *genus* vel *eruditio*, quid eo nobilius qui primùm in ea domo natus est, quæ est illustrata martyrio? Deinde pro Christo non solùm patre, sed omni quoque facul-

D                      tate

74. *Vincent. Lirin.*

tate privatus, tantum inter sanctæ paupertatis profecit angustias, ut pro nomine dominicæ confessionis sæpius, ut ferunt, affligeretur. Neque verò hæc in illo sola erant, quæ cuncta postea temptationi forent; sed tanta etiam *vis ingeni*, tam profundi, tam acris, tam elegantis, ut omnes penè multum longeque superarit, tanta doctrinæ ac totius eruditionis magnificentia, ut pauca forent divinæ, penè fortasse nulla humanæ philosophiæ, quæ non penitus adsequeretur. Cujus scientiæ cum *Gracia* cederet, *Hebrææ* quoque elaborata sunt. *Elementariam* verò quid memorem? cujus fuit tam amena, tam lactea, tam dulcis oratio, ut mihi ex ore ipsius non tam verba



*Advers. Hæreses. 75*

verba, quàm mella quædam fluxisse videantur. Quæ non ille persuasum difficilia disputandi viribus elimpidavit? quæ factum ardua non ut facilissima viderentur effecit? Sed forsitan argumentorum tantummodo nexibus adsertiones suas texuit. Imò planè *nemo unquam Magistrorum fuit, qui pluribus divina legis uteretur exēplis.* Sed credo pauca conscripsit: Nemo mortalium plura; ut mihi sua omnia non solum non perlegi, sed ne inveniri quidem posse videantur. Cui ne quidquam ad scientiæ instrumenta deesset, etiam plenitudo exabundavit ætatis. Sed forsitan discipulis parum felix: Quis unquam felicior? Nempè innumeri ex sinu suo doctores, innumeri Sa-

cerdotes, Confessores, & Martyres extiterunt. Iam verò quanta apud omnes illius admiratio, quanta gloria! quanta gratia fuerit, quis exequi valeat? Quis non ad eum paulò religiosior ex ultimis mundi partibus advolavit? Quis Christianorum non penè ut Prophetam, quis Philosophorum non ut magistrum veneratus est? Quàm autem non solùm privatę cōditioni, sed ipsi quoque fuerit reverendus *Imperio*, declarant historiæ, quæ eum à matre *Alexandri Imperatoris* accitum ferunt, cœlestis vtiq; sapientiæ merito, cuius ille gratia & amore flagrabat. Sed & ejusdem epistolæ testimonium perhibent, quas ad *Philippum Imperatorem*, qui pri-

*Advers. Hæreses.* 77

*mus Romanorum Principum Christianus fuit*, Christiani magisterij auctoritate conscrip-  
sit. De cujus incredibili qua-  
dam scientia, si quis referenti-  
bus nobis Christianum non ac-  
cipit testimonium, saltem te-  
stificantibus Philosophis gen-  
tilem recipiat confessionem.  
Ait namque impius ille *Por-  
phyrius*, excitum se fama ipsius  
Alexandriani ferè puerum per-  
rexisse; ibique eum vidisse jam  
senem. Sed plane talem tantum-  
que *qui arcẽ totius scientia con-  
didisset*. Dies me citius defece-  
rit, quàm ea quæ in illo viro præ-  
clara exstiterunt, vel ex mini-  
ma saltè parte perstringā: quæ  
tamen omnia nō solū ad religi-  
onis gloriā, sed etiā ad rētatio-  
nis magnitudinē portinebant.

Quotus enim quisq; tanti ingenij, tantæ doctrinæ, tantæ gratiæ virum aut facile deponeret, ac non potius illa vteretur sententia. *se cum Origene errare malle, quàm cum alijs vera sentire?* Et quid plura? Eo res decidit, ut tantæ personæ, tanti doctoris, tanti Prophetæ, non humana aliqua, sed ut exitus docuit, nimium periculosa tentatio plurimos à fidei integritate deduceret. Quamobrem hic idem *Origenes* tantus ac talis dum gratia Dei insolentiùs abutitur, dum ingenio suo nimium indulget, sibi que satis credit, *cum parvipendit antiquam Christianæ religionis simplicitatem*, dum se plus cunctis sapere præsumit, dum *Ecclesiasticas traditiones & veterum magiste-*

## *Advers. Hareses* 79

*gisteria contemnens*, quædam  
scripturarum capitula novo  
more interpretatur, meruit ut  
de se quoque Ecclesia Dei di-  
ceret: *Si surrexerit in medio tui*  
*Propheta*. Et paulo post: *Non*  
*audies*, inquit, *verba Prophete*  
*illius*. Et itein: *quia tentat vos*,  
inquit, *Dominus Deus vester*,  
*utrum diligatis eum*, *an non*.  
verè non solum tentatio sed e-  
tiam magna tentatio, deditam  
sibi atque in se pendentem Ec-  
clesiam admiratione ingenij,  
scientiæ, eloquentiæ, conversa-  
tionis & gratiæ nihil de se su-  
spicantem, nihil se verentem,  
subitò à veteri religione in no-  
vam prophanitatem sensim  
paulatimque traducere. Sed  
dicat aliquis, *corruptos esse O-*  
*rigenis libros*. Non resisto,

Non resisto, quin potius & malo: nam id à quibusdam & traditum, & scriptum est, non Catholicis tantum, sed etiam hæreticis. Sed illud est quod nunc debemus advertere, *et si non ipsum, libros tamen sub nomine suo editos, magna esse tentationi*: qui multis blasphemiarum vulneribus scatentes, non ut alieni, sed quasi sui leguntur & amantur: ut et si in errore concipiendo Origenis non fuit sensus, ad errorem tamen persuadendum Origenis auctoritas valere videatur.

## CAP. XXIV.

**S**ed & *Tertulliani* quoque eadem ratio est, nam sicut ille apud Græcos; ita hic apud  
*Latinos*

## *Advers. Hæreses.* 81

*Latinos* nostrorum omnium facile princeps judicandus est. Quid enim hoc viro doctius? quid in divinis, atque humanis rebus exercitatus? Nempe omnem philosophiam, & cunctas Philosophorum sectas, auctores, adsertoresq; sectarum, omnesque eorum disciplinas, omnem historiarum, ac studiorum varietatem, mira quadam mentis capacitate complexus est. Ingenio verò nonne tam gravi ac vehementi excelluit, ut nihil sibi penè ad expugnandum proposuerit, quod non aut acumine irruerit, aut pondere eliserit? Iam porrò orationis suæ laudes quis exequi valeat? Quæ tanta nescio qua, rationum necessitate conferta est, ut ad consensum

82 *Vincent. Lirin.*

fui quos suadere non potuerit, impellat: cuius *quot penè verba, tot sententia sunt, quot sensus, tot victoria*. Sciunt hoc Marciones, Apelles, Praxeæ, Hermogenes, Iudæi, Gentiles, Gnostici, cæterique; quorum ille blasphemias multis ac magnis voluminum suorum molibus, velut quibusdam fulminibus evertit. Et tamen hic quoque post hæc omnia, hic, inquam, Tertullianus, Catholici dogmatis, id est, vniuersalis ac vetustæ fidei parum tenax; ac disertior multò, quàm fidelior mutata deinceps sententia fecit ad extremum, quod de eo beatus confessor *Hilarius* quodam loco scribit; *sequenti*, inquit, *errore detraxit scriptis probabilibus auctoritatem*. Et fuit ipse quoque



*Adver. Hæreses. 83*

que in Ecclesia magna tentatio.  
Sed de hoc nolo plura dicere.  
Hoc tantum commemorabo,  
quod contra Mosi præceptum  
exurgentes in Ecclesia novel-  
las *Montani* furias, & insana il-  
la insanarum mulierum novitij  
dogmatis somnia, veras pro-  
phetias adseverando meruit;  
ut de se quoque & scripturis  
suis diceretur: *Si surrexerit  
in medio tui propheta. Et mox.  
Non audies verba Prophetae il-  
lius. Quare? Quia, inquit, ten-  
tat vos Dominus Deus vester,  
utrum diligatis eum, an non.*  
His igitur tot ac tantis, cate-  
risque ejusmodi Ecclesiastico-  
rum exemplorum mclibus e-  
videnter advertere, & secun-  
dum Deuteronomij leges luce  
clarius intelligere debemus;  
quod.

84 *Vincent Lirin.*

quòd si quando aliquis Ecclesiasticus Magister à fide aberraverit, ad tentationem id nostram fieri providentia divina patiatur : vtrum diligamus DEVM an non, in toto corde , & in tota anima nostra.

CAP. XXV.

**Q**Uæ cum ita sint, ille est verus, & germanus Catholicus, qui veritatem Dei, qui Ecclesiam, qui Christi corpus diligit, qui divinæ religioni, qui Catholicæ fidei nihil præponit: non hominis cujusciam auctoritatem, non amorem, non ingenium, non eloquentiam, non philosophiam : sed hæc cuncta dispiciens, & in fide fixus,

*Advers. Hæreses. 85*

fixus, & stabilis permanens, quicquid vniversaliter antiquitus ecclesiam Catholicam tenuisse cognoverit, id solum sibi tenendum credendumque decernit: quicquid verò ab aliquo deinceps vno, præter omnes, vel contra omnes Sanctos novum & inauditum sub-, induci senserit, id non ad religionē, sed ad tentationem potius intelligat pertinere. Tum præcipuè beati Apostoli Pauli eruditus eloquijs: hoc est enim quod in *prima ad Corinth.* scribit: *Oportet, inquit, & hæreses esse, vt probati manifesti fiant in vobis.* Ac si diceret: ob hoc hæreseôn non statim divinitus eradicantur authores, vt probati manifesti fiant, id est vnusquisq; quā tenax & fidelis,

## 86 Vincent. Lirin.

fidelis, & fixus Catholicæ fi-  
 dei sit amator, appareat. Et  
 revera *cùm quæque novitas e-*  
*bullit, statim cernitur frumento-*  
*rum gravitas, & levitas palea-*  
*rum*: tunc sine magno moli-  
 mine excutitur ab area, quod  
 nullo pondere intra aream te-  
 nebatur. Namque alij illico  
 prorsus avolant, alij verò tan-  
 tummodò excussi, & perire  
 metuunt, & redire erubescunt,  
*saucij, semineces, semivivi,*  
*quippe qui tantam veneni haufe-*  
*rint quantitatem, quæ nec occi-*  
*dat, nec digeratur: nec mori co-*  
*gat, nec vivere sinat.* Heu mi-  
 seranda conditio, quantis illi  
 curarum æstibus, quantis tur-  
 binibus exagitantur? Nunc et-  
 enim qua ventus impulerit,  
 incitato errore rapiuntur: nunc

## *Advers. Hæreses* 87

in semetipsos reversi, tanquam contrarij fluctus, reliduntur: nunc temeraria præsumptione ea, quæ incerta videntur, approbant: nunc *irrationali metu etiam quæ certa sunt expavescent*: incerti quâ eant, quâ redeant: quid appetât, quid fugiant, quid teneant, quid dimittant. Quæ quidem dubij & malè penduli cordis afflictio, divinæ erga se miserationis est medicina, si sapiant. Idcirco etenim extra tutissimum Catholicæ fidei portum diversis cogitationum quatiuntur, verberantur, ac penè necantur procellis, ut excussa in altum elatæ mentis vela deponant, quæ malè novitatum ventis expanderant: seseque intra fidissimam stationem placidæ ac bonæ

bonæ matris reducant & teneant, atque amaros illos turbulentosque errorum fluctus primitus revomant, ut possint deinceps vivæ & salientis aquæ fluentia potare. Dediscant benè, quod didicerunt non benè: & ex toto Ecclesiæ dogmate quod intellectu capi potest, capiant: quod non potest, credant.

## CAP. XXVI.

**Q**Uæ cum ita sint, iterum atque iterum eadem mecum revolvens & reputans, mirari satis nequeo tantam quorundam hominum vesaniam, tantam excæcatæ mentis impietatem, tantam postremo errandi libidinem, ut contenti

## *Advers. Hæreses. 89*

non sint tradita semel & accepta antiquitus credendi regula, sed nova ac nova in diem quærant, semperque aliquid *gestiant religioni addere, mutare, detrudere.* Quasi non cœleste dogma sit, quod semel revelatum esse sufficiat, sed terrena institutio, quæ aliter perfici, nisi assidua emendatione, imò potius reprehensione non possit: cùm divina clament oracula: *Ne transferas terminos quos posuerunt patres tui. Et: super judicantem ne judices. Et: Scindentem sepem, mordebit eum serpens.* Et illud Apostolicum, quo omnes omnium hæreseôn sceleratæ novitates, velut quodam spirituali gladio sæpe truncatæ semperque truncandæ sunt: *ô Timothee, depositum*

*Prov.*

*22.*

*Eccles. 8.*

*Eccles. 10.*

*1, Tim. 6.*

*depositum custodi, devitans pro-*  
*phanas vocum novitates, & op-*  
*positiones falsi nominis scientia,*  
*quam quidam promittentes, cir-*  
*ca fidem exciderunt. Et post*  
*hæc inveniuntur aliqui tanta*  
*inveteratæ frontis duritia, tan-*  
*ta impudentiæ incude, tam ad-*  
*amantinae pertinaciæ, qui*  
*tantis eloquiorum cœlestium*  
*molibus non succumbant? tan-*  
*tis ponderibus non fatiscant?*  
*tantis malleis non conquassent-*  
*tur? tantis postremò fulmini-*  
*bus non conterantur? Devita,*  
*inquit, phanas vocum novi-*  
*tates: Non dixit antiquitates,*  
*non dixit vetustates, imò planè*  
*quid è contrario sequeretur,*  
*ostendit. Nam si vitanda est*  
*novitas, tenenda est antiquitas:*  
*& si prophana est novitas, sa-*  
*crata*



*Advers. Hæreses. 91*

crata est *vetustas*: Et oppositiones, inquit, *falsi nominis scientiæ*. Verè falsum nomen apud doctrinas hæreticorum, ut ignorantia scientiæ, & caligo serenitatis, & tenebræ luminis appellatione fucentur. *Quam quidā, inquit, promittentes circa fidem exciderunt*. Quid promittentes exciderunt? nisi novam nescio quam, ignoratamque doctrinam? Audias etenim quosdam ipsorum dicere: *venite, o insipientes, & miseri, qui vulgò Catholici vocitamini, & discite fidem veram, quam præter nos nullus intelligit, quæ multis antè seculis latuit, nuper verò revelata & ostensa est: sed discite furtim atq; secretim, delectabit enim vos*. Et item: cum didiceritis, latenter docete:

cete : ne mundus audiat , nec  
Ecclesia sciat : paucis namque  
concessum est tanti mysterij  
capere secretum. Nonne hæc  
verba sunt illius meretricis,  
quæ apud *Salomonis Proverbia*  
vocat ad se prætereuntes viam,  
qui dirigunt iter suum? *Qui*  
*est, inquit, vestrum insipientissi-*  
*mus, divertat ad me.* Inopes  
autem sensu exhortatur, di-  
cens : *Panes occultos liben-*  
*ter attingite, & aquam dulcem*  
*furtim bibite.* Quid deinde?  
*At ille inquit, nescit quomo-*  
*do terrigena apud eam pereant.*  
*Qui iunt isti terrigenæ?* Ex-  
ponat Apostolus, *Qui circa fi-*  
*dem, inquit exciderunt.*

C A P. XXVII.

**S**ED operæ precium est totum ipsum Apostolorum capitulum diligentius pertractare. *O Timothee*, inquit, *depositum custodi*, *devitans prophanas vocum novitates*, O, exclamatio ista, & præscientiæ est pariter & charitatis: prævidebat enim futuros, quos etiã prædolebat, errores. Quis est hodie *Timotheus*? nisi vel generalitèr vniversa Ecclesia, vel specialiter totum corpus *Præpositorum*, qui integram divini cultus scientiam vel habere ipsi debent, vel alijs infundere. Quid est *depositum custodi*? Custodi inquit, propter fures, propter inimicos: ne dormi-

dormientibus hominibus suis  
perseminent zizania super il-  
lud tritici bonum semen, quod  
feminaverat filius hominis in  
agro suo. *Depositum*, inquit,  
*custodi*. Quid est depositum?  
id est, quod tibi creditum est,  
non quod à te inventum:  
quod accepisti, non quod ex-  
cogitasti: rem non ingenij,  
sed doctrinæ: non usurpatio-  
nis privatæ, sed publicæ  
traditionis: rem ad te per-  
ductam, non à te prolatam: in  
qua non auctor debes esse,  
sed custos: non institutor, sed  
sectator, non ducens, sed se-  
quens. *Depositum*, inquit,  
*custodi*: *Catholicæ fidei* talen-  
tum inviolatum illibatumque  
conserva. Quod tibi creditum  
est, hoc penes te maneat, hoc  
à te

*Advers. Hæreses. 95*

à te tradatur. Aurum accepisti, aurum redde: nolo mihi pro alijs alia subjicias: nolo pro auro aut impudenter plumbum, aut fraudulenter æramenta supponas: nolo auri speciem, sed naturam planè. O Timothee, ô Sacerdos, ô Tractator, ô Doctor, si te divinum munus idoneum fecerit, ingenio, exercitatione, doctrina, esto spiritualis tabernaculi *Beseleel*, preciosas divini dogmatis gemmas exculpe, fideliter coapta, adorna sapienter, adjice splendorem, gratiam, venustatem. Intelligatur te exponente illustrius, quod antea obscurius credebatur. Per te posteritas intellectum gratuletur, quod ante vetustas non intellectum venerabatur:

rabatur: eadem tamen quæ didicisti ita doce, vt cum dicas novè non dicas nova.

## CAP. XXVIII.

**S**Ed forsitan dicit aliquis: Nullusne ergo in Ecclesia Christi profectus habebitur religionis? Habeatur planè, & maximus. Nam quis ille est tam invidus hominibus, tam exosus Deo, qui istud prohibere conetur? Sed ita tamen, vt verè profectus sit ille fidei, non permutatio. Siquidem ad profectum pertinet, vt in semet ipsa vnaquæque res amplificetur: ad permutationem verò, vt aliquid ex alio in aliud transferatur. Crescat igitur oportet, & multum vehementerque

*Advers. Hæreses. 97*

terque proficiat, tam singulorum, quàm omnium, tam unius hominis, quàm totius Ecclesiæ ætatum, ac seculorum gradibus intelligentia, scientia, sapientia : sed in suo duntaxat genere, in eodem scilicet dogmate, eodem sensu, eademque sententia.

CAP. XXIX.

**I**Mitetur animarum religio rationem corporum, quæ licet annorum processu numeros suos evolvant, & explicent, eadem tamen quæ erant, permanent. Multum interest inter pueritiæ florem, & senectutis maturitatem, sed iidem tamen ipsi fiunt senes, qui fuerant adolescentes : ut quamvis  
E                      vnus

vnus ejusdemque hominis status habitusque mutetur, vna tamen nihilominus eademque natura, vna eademque persona sit. Parua lactantium membra, magna juvenum: eadem ipsa sunt tamen. Quot parvulorum artus, tot virorum: & si qua illa sunt, quæ ævi maturioris ætate pariuntur, jam in feminis ratione proferta: vt nihil novum postea proferatur in senibus, quod non in pueris jam antea latitaverat. Vnde non dubium est, hanc esse legitimam & rectam proficiendi regulam, hunc ratum atque pulcherimum crescendi ordinem: si eas semper in grandioribus partes ac formas numerus detexat ætatis, quas in parvulis creatoris sapientia præformaverat. *Quod*



## *Advers. Hæreses. 99*

*si humana species in aliquam  
deinceps non sui generis verta-  
tur effigiem, aut certe addatur  
quippiam membrorum numero,  
vel detrahatur, necesse est ut  
totum corpus vel intercidat, vel  
prodigiosum fiat, vel certe debi-  
litetur. Ita etiam Christianæ  
religionis dogma sequatur has  
debet profectuum leges: ut an-  
nis scilicet consolidetur, dila-  
tetur tempore, sublimetur æta-  
te: incorruptum tamen, illiba-  
tumque permaneat, & univer-  
sis partium suarum mensuris,  
cunctisque quasi membris ac  
sensibus proprijs plenum atq;  
perfectum sit: quod nihil præ-  
tereâ permutationis admittat,  
nulla proprietatis dispendia,  
nullam sustineat definitionis  
varietatem.*

## CAP. XXX.

**E**Xempli gratia: severunt  
Majores nostri antiquitus  
in hac Ecclesiastica segete tri-  
ticeæ fidei semina: iniquum  
valdè & incongruum est, vt nos  
eorum posterì pro germana  
veritate frumenti, subdititium  
zizaniæ eligamus errorē. Quin  
potiùs hoc rectū & cōsequens  
est, primis atque extremis sibi-  
met non discrepantibus de in-  
cremētis triticeæ institutionis  
triticei quoque dogmatis fru-  
gem demetamus: vt cum ali-  
quid ex illis seminum primor-  
dijs aeceflu temporis evolva-  
tur, & nunc lætetur & excola-  
tur: nihil tamen de germinis  
proprietae mutetur: addatur  
licet

## *Advers. Hæreses. 101*

licet forma, species, distinctio:  
eadem tamen cujusque gene-  
ris natura permaneat: Absit et-  
enim, vt *Rosca illa Catholici*  
*sensus plantaria, in carduos spi-*  
*nasq<sub>3</sub> vertantur.* Absit, inquam,  
vt in ipso spiritali paradyso, de  
*cynamomi & balsami* surculis,  
loliū repente atque aconita  
proveniant. Quodcunque igitur  
in hac Ecclesia, Dei agricul-  
tura fide patrum tatum est, hoc  
idem filiorum industria decet  
excolatur, & observetur: hoc  
idem floreat & maturescat,  
hoc idem proficiat & perfici-  
atur. *Fas est etenim, vt pris-*  
*ca illa cœlestis philosophia dog-*  
*mata processu temporis excaren-*  
*tur, limentur, poliantur: sed ne-*  
*fas est, vt commutentur, nefas vt*  
*detruncantur, vt mutilentur.*

*Accipiant licet evidentiam, lucem, distinctionem: sed retineant necesse est plenitudinem, integritatem, proprietatem.*

## CAP. XXXI.

**N**Am si semel admissa fuerit hæc impiæ fraudis licentia, horreo dicere, quantum excindendæ atque abolendæ religionis periculum consequatur. *Abdicata etenim qualibet parte Chatholici dogmatis, alia quoq; atq; item alia, ac deinde alia & alia jam quasi ex more & licito abdicabuntur.* Porro autem singulatim partib. res pudiat, quid aliud ad extremum sequetur, nisi vt totû pariter repudietur? Sed & è cōtra, si novitia veteribus, extranea dome-

domesticis, & prophana sacra-  
tis admisceri cæperint, profer-  
pat hic mos in vniversum ne-  
cesse est, vt nihil posthac apud  
Ecclesiam relinquatur intra-  
ctum, nihil illibatum, nihil  
integrum, nihil immacula-  
tum, sed sit ibidem deinceps  
*impiorum, ac turpium erro-  
rum lupanar*, vbi erat ante  
castæ incorruptæ sacrarium ve-  
ritatis. Sed avertat hoc à su-  
orum mentibus nefas divina  
pietas: sitq; hic potius impio-  
rum furor.

C A P. XXXII.

**C**Hristi verò Ecclesia sedu-  
la & cauta depositorum a-  
pud se dogmatum custos, nihil  
in ijs vnquam permutat, nihil  
E 4 minuit,

minuit, nihil addit: non amputat necessaria, non apponit superflua: non amittit sua, non usurpat aliena: sed omni industria hoc vnum studet, vt vetera fideliter sapienterque tractando, siqua sunt illa antiquitus informata & inchoata; accuret & poliat: siqua jam expressa & enucleata, consolidet, firmet: siqua jam confirmata & definita, custodiat: Denique quod vnquam aliud *Consiliorum decretis* enisa est, nisi vt quod antea simpliciter credebatur, hoc idem postea diligentius crederetur? quod antea lentius prædicabatur, hoc idem postea instantius prædicaretur? quod antea securius colebatur, hoc idem postea sollicitius excoleretur? Hoc, inquam, sæpe, neq;

neq; quicquā præterea, hæreticorum novitatibus excitata, *Conciliorum* suorum decretis Catholica perfecit Ecclesia, nisi ut, quod prius à majoribus sola traditione susceperat, hoc deinde posteris etiā per scripturę chirographū consignaret: magnam rerum summam paucis literis comprehendendo: & plerunq; propter intelligentiæ lucem, non novum fidei sensum, novæ appellationis proprietate signando.

CAP. XXXIII.

**S**ed ad Apostolum redeamus: *O Timothee*, inquit, *Depositum custodi, devitans prophanas vocum novitates: devita*, inquit, quasi viperam, quasi scorpionem, quasi basiliscum:

liscum: ne te non solum tactu, sed etiam visu, afflatuque percutiant. Quid est *de vitare*? Cum hujusmodi nec cibum sumere. Quid est *divita*? Si quis, inquit, venit ad vos, & hanc doctrinam non adfert. Quam doctrinam? nisi Catholicam, & universalem, & vnam eademque per singulas ætatum successiones incorrupta veritatis traditione manentem, & usque in secula sine fine mansuram? quid tum? Nolite, inquit, recipere eum in domum, nec Ave ei dixeritis: qui enim dicit illi Ave, communicat operibus ejus malis. Prophanas, inquit, vocum novitates. Quid est *prophanas*? Quæ nihil habet sacri, nihil religiosi: ab Ecclesiæ penetralibus, quæ est templum DEI, penitus



*Adver. Hæreses. 107.*

nitus extraneas. Prophanas,  
inquit, vocum novitates: *Va-*  
*cuum*, id est, dogmatum, rerum,  
sententiarum novitates: quæ  
sunt vetustati, quæ antiquitati  
contrariæ. Quæ si recipiantur,  
necesse est, ut fides beato-  
rum Patrum, aut tota, aut  
certè magna ex parte violetur:  
necesse est, ut omnes omnium æ-  
tatum fideles, omnes sancti, om-  
nes casti, continentes, virgines,  
omnes clerici, *Levita & Sacer-*  
*dotes*, tanta Confessorum millia,  
tanti Martyrum exercitus, tan-  
ta urbium, tanta populorum ce-  
lebritas, & multitudo, tot Insu-  
la, Provincia, Reges, Gentes,  
Regna, Nationes, totus postremò  
pene terrarum orbis per Catho-  
licam fidem Capiti incorporai-  
tus, tanto seculorum tractu ige-  
norasse,

râsse, errâsse, blasphemâsse, ne-  
scisse quid crederet, pronuncie-  
tur.

## CAP. XXXIV.

**P**rophanas, inquit, *vocum no-  
vitates devita*, quas recipere  
atque sectari nunquam Ca-  
tholicorum, semper verò hæ-  
reticorum fuit? Et revera, quæ  
vnuquam hæresis, nisi sub certo  
loco, certo tempore ebulli-  
vit? Quis vnuquam hæreses in-  
stituit, nisi qui se prius ab Ec-  
clesiæ Catholicæ universitatis  
& antiquitatis consensione  
discreverit? Quod ita esse, lus-  
ce clarius exempla demon-  
strant. Quis enim vnuquam  
ante prophanum illum *Pelagium*  
tantam virtutem libe-

*Advers. Hæreses.* 109

liberi præsupsit arbitrij, vt ad hoc in bonis rebus per actus singulos adjuvandum, necessariam Dei gratiam non putaret? Quis ante prodigiosum discipulum ejus *Cælestium* reatu prævaricationis Adæ omne genus humanum negavit astrictum? Quis ante sacrilegum *Arrium*, Trinitatis vnitatem disciudere, quis ante sceleratum *Sabellium* unitatis Trinitatem confundere ausus est? Quis ante crudelissimum *Novatianum*, crudelem Deum dixit, eò quod mallet mortem morientis, quam vt revertatur & vivat? Quis ante *Magum Simonem*, Apostolica districtione percussum, à quo vetus ille curpitudinum gurgis vsque in novissimum *Priscillianum*

con

continua & occulta successione manavit, auctorem malorum, id est, scelerum, impietatum, flagitiorumque nostrorum, ausus est dicere creatorem Deum? Quippè quem adserit talem hominum manibus ipsam suis creare naturam, quæ proprio quondam motu & necessariae cujusdam voluntatis impulsu nihil aliud possit, nihil aliud velit, nisi peccare: eò quòd furijs omnium vitiolorum exagitata & inflammata, in omnia turpitudinum barathra inexhausta cupiditate rapiatur. Innumera sunt talia, quæ brevitatis studio prætermittimus: quibus tamè cunctis satis evidenter perspicueque monstratur, hoc apud omnes ferè hæreses quasi solemne esse ac legit-

## *Advers. Hæreses. III*

*legitimum, ut semper prophanis novitatibus gaudeant, antiquitatis scita fastidiant, & per oppositiones falsi nominis scientia à fide naufragent. Contrà vero, Catholicorum hoc ferè proprium, deposita sanctorum Patrum & commissa servare, damnare prophanas novitates: & sicut dixit & iterum dixit Apostolus: Si quis annunciarit, præterquam quod acceptum est, anathemare.*

### CAP. XXXV.

**H**ic fortassè aliquis interroget, an & heretici divina scripturæ testimonijs utantur. Utuntur planè, & vehementer quidem, nam videas eos volare per singula quæque sanctæ

sanctæ legis volumina: per  
 Moyſi, per Regum libros, per  
 Pſalmos, per Apoſtolos, per  
 Evangelia, per Prophetas. Sive  
 enim apud ſuos, ſive alienos:  
 ſive privatim, ſive publicè,  
 ſive in ſermonibus, ſive libris,  
 ſive in convivijs, ſive in pla-  
 teis: *nihil unquam penè de ſua*  
*proferunt, quod non etiam ſcrip-*  
*turæ verbis adumbrare conen-*  
*tur.* Lege Pauli Samoſatani  
 opuscula, Priſcilliani, Euno-  
 mij, Ioviniani, reliquarum-  
 que peſtium: cernas infini-  
 tam exemplorum congeriem,  
 propè nullam omitti pagi-  
 nam, quæ non novi aut veteris  
 teſtamenti ſententijs fucata  
 & colorata ſit. Sed tan-  
 tò magis cavendi & pertimeſ-  
 cendi ſunt, quantò occultius  
 ſub

## *Advers. Hæreses.* 113

*sub divina legis umbraculis  
latitant.* Sciunt enim fœ-  
tores suos nulli ferè citò  
esse placituros, si nudi &  
simplices exhalentur: atque  
idcirco eos cœlestis eloquij  
velut quodam aromate asper-  
gunt, vt ille, qui humanum  
facilè despiceret errorem, di-  
vina non facilè contemnat  
oracula. Iraque faciunt quod  
hi solent, qui parvulis au-  
stera quædam temperaturi po-  
cula, prius ora melle circum-  
linunt: vt incauta ætas cum  
dulcedinem præsenferit, a-  
maritudinem non reformidet.  
Quod etiam ijs curæ est, qui  
mala gramina & noxios suc-  
cos, medicaminum vocabu-  
lis præcolorant: vt nemo fe-  
rè vbi superscriptum legerit  
remedium

remedium, suspicetur venenum.

## CAP. XXXVI.

**I**dem denique & Salvator  
clamabat: *Attendite vobis à  
Pseudopphetis, qui veniunt  
ad vos in vestitu ovium, ab in-  
terius autem sunt lupi rapaces.  
Quid est vestitus ovium? ni-  
si Prophetarum & Apostolo-  
rum præloquia: quæ iidem, o-  
vili quadam sinceritate agno-  
illi immaculato, qui tollit pec-  
catum mundi, tanquam velle-  
ra quædam texuerunt? Qui  
sunt lupi rapaces? nisi sensus  
hæreticorum feri, & rapidi,  
qui caulas Ecclesiæ semper in-  
festant, & gregem Christi qua-  
quâ possunt, dilacerant? Sed*



## *Advers. Hæreses.* 115

vt fallaciùs incautis ovibus obrepant, manente luporum ferocia, deponunt lupinam speciem, & sese divinæ legis sententijs velut quibusdam velleribus obvolvūt: vt cum quisq; lanarum mollitiem persēserit, nequaquam aculeos dentium pertimescat. Sed quid ait Salvator? *Ex fructibus eorum cognoscetis eos.* Id est, cū cape-rint illas voces non jam proferre tantū, sed etiam exponere: nec adhuc iactare solm, sed etiam interpretari; tunc amaritudo illa, tunc acerbitas, tunc rabies intelligitur, tunc novitium virus exhalabitur, tunc prophanæ novitates aperientur, tunc primū scindi sepem videas, tunc transferri patrum terminos, tunc Ca-  
tholicam

tholicam fidem cædi, tunc  
ecclesiasticum dogma lace-  
rari.

## CAP. XXXVII.

2. Cor. II

**T**Ales erant ij quos percu-  
tit Apostolus Paulus in se-  
cunda ad Corinthios, dicens:  
*Nam ejusmodi, inquit, Pseudo-*  
*apostoli, sunt operarii subdoli,*  
*transfigurantes se in Apostolos*  
*Christi.* Quid est transfigu-  
rantes se in Apostolos Christi?  
Proferebant Apostoli divinæ  
legis exempla, proferebant &  
illi: proferebant Apostoli Psal-  
morum authoritates, profe-  
rebant & illi: Proferebant  
Apostoli sententias Prophe-  
tarum, & illi nihilominus  
proferebant. Sed cum ea,  
quæ

*Advers. Hæreses* 117

quæ similiter protulerant, interpretari non similiter cæpissent, tunc simplices à subdolis, tunc infucati à fucatis, tunc recti à perversis, tunc postremò veri Apostoli à falsis Apostolis discernebantur.

*Et non mirum*, inquit: *Ipse enim sanathas transfigurat se in angelum lucis: non est ergo magnum, si ministri ejus transfigurantur sicut ministri justitiæ.* Ergo secundum Apostoli Pauli magisterium, quotiescunque vel Pseudoapostoli, vel Pseudoprophete, vel Pseudodoctores, divinæ legis sententias proferrunt, quibus malè interpretatis errores suos astruere conentur, non dubium est, quin auctoris sui callidamachi-

machinamenta sectentur quæ;  
 ille nunquam profectò com-  
 minisceretur, nisi sciret omni-  
 nò nullam esse ad fallendum fa-  
 ciliorem viam, quàm ut, ubi  
 nefarij erroris subinducitur  
 fraudulentia, ibi divinorum  
 verborum pretendatur auctori-  
 tas. Sed dicet aliquis: Vnde  
 probatur quòd sacræ legis ex-  
 emplum diabolus vsurpare so-  
 leat? Legat Evangelia, in qui-  
 bus scribitur: *Tunc assumpsit*  
*eum diabolus*, id est Dominum  
 Salvatorem: & statuit illum  
 supra pinnam templi, & dixit ei:  
*si filius Dei es, mitte te deorsum,*  
*scriptum est enim: quòd angelis*  
*suis mandavit de te, ut custodi-*  
*ant te in omnibus vijs tuis: in*  
*manibus tollent te, ne fortè of-*  
*fendas ad lapidem pedum tuum.*

Quid

*Advers. Hæreses.* 119

Quid hic faciet miscellis hominibus, qui ipsum Dominum majestatis scripturarum testimonijs appetiuit? *Si*, inquit, *filius Dei es, mitte te deorsum.* Quare? *Scriptum est enim*, inquit. Magnoperè nobis doctrina loci istius attendenda atque retinenda est, vt tanto Evangelicæ auctoritatis exemplo, quando aliquos Apostolica, seu prophetica verba proferre contra Catholicam fidem viderimus, *diabolum per eos loqui minimè dubitemus.* Nam sicut tunc caput capiti, ita nunc quoque membra membris loquuntur, membra scilicet diaboli mēbris Christi; perfidi fidelibus, sacrilegi religiosis, hæretici postremò Catholicis. Sed quid tandem dicit? *Si,*

*Si, inquit, filius Dei es mitte te deorsum. Hoc est, filius esse vis Dei, & hæreditatem regni cœlestis accipere, mitte te deorsum; id est: ex istius te sublimis Ecclesiæ, quæ etiam templum Dei putatur, doctrina & traditione demitte. Ac si quis interroget quempiam hæreticorum sibi talia persuadentem: Vnde probas, unde doces, quod Ecclesiæ Catholice universalem & antiquam fidem dimittere debeam? statim ille. Scriptum est enim. Et continuo mille testimonia, mille exempla, mille auctoritates parat, de Lege, de Psalmis, de Apostolis, de Prophetis, quibus novo & malo more interpretatis, ex arce Catholica in hæreseos barathrum infœlix ani-*

*Advers. Hæreses. 121*

ma præcipitur. Iam verò illis, quæ sequuntur promissionibus miro modo incautos homines hæretici decipere cōsueverunt. Audent etenim polliceri, & docere, *quòd in Ecclesia sua*, id est, in communionis suæ conventiculo *magna et specialis*, ac planè *personalis* quædam sit *Dei gratia*, adeò vt sine vlllo labore, sine vlllo studio, sine vlla industria, etiamsi nec quærant, nec pulsant, quicumque illi ad numerum suum pertinent, tamen ita divinitus dispensentur, vt angelicis euecti manibus, id est, angelica protectione servati, nunquam possint offendere ad lapidem pedem suum, id est, nunquam scandalizari.

## CAP. XXXVIII.

**S**ed dicet aliquis: Si divinis  
 Seloquijs, sententijs, promif-  
 sionibus, & diabolis, & disci-  
 puli ejus vtantur, quorum alij  
 sunt Pseudoapcstoli & Pseu-  
 doprophetæ, & Pseudomagi-  
 stri, & omnes ex toto hæretici;  
 quid facient Catholici homines  
 & matris Ecclesie filij? quo-  
 nam modo in scripturis sanctis  
 veritatem à falsitate discer-  
 nent? Hoc scilicet facere mag-  
 nopere curabunt, quod in prin-  
 cipio *Commonitorij* istius san-  
 ctos & doctos viros nobis tra-  
 didisse scripsimus: vt *divinum*  
*canonem secundum universali*  
*Ecclesie traditiones, & juxta*  
*Catholici dogmatis regulas in-*  
*terpreten-*



## *Advers. Hæreses.* 123

terpretentur. In qua item Catholica Apostolicaq; Ecclesia sequantur necesse est universitatem, Antiquitatem, consensionem. Et si quando pars contra universitatem, novitas contra vetustatē, unius vel paucorum errantium dissensio contra omnium vel certē multo plurium Catholicorum consensionem rebellaverit, præferant partis corruptioni, universitatis integritatem: in qua eadem universitate, novitatis prophanitati antiquitatis religionem: itemq; in ipsa vetustate, unius sive paucissimorum temeritati, primum omnium generalia, siqua sunt, universalis concilij decreta præponant: Tunc deinde, si id minus est, sequantur, quod proximum est, multorum at-

que magnorum consentientes  
 sibi sententias Magistrorum :  
 quibus adjuvante Domino  
 fideliliter, sobriè, sollicitè ob-  
 servatis, non magna difficulta-  
 te noxios quosque exurgenti-  
 um hæreticorum deprehende-  
 mus errores.

## CAP. XXXIX.

**H**ic jam consequens esse  
 video, ut exemplis de-  
 monstrem, quonam modo pro-  
 phanz hæreticorum novitates,  
 prolatis atque collatis vete-  
 rum magistrorum concordan-  
 tibus sibimet sententijs, & de-  
 prehendantur & condemnen-  
 rentur. Quæ tamen *antiqua*  
*sanctorum Patrum consensio*, non  
*in omnibus divine legis quæstis*  
*unculis,*

*Advers. Hæreses. 125*

*unculis, sed solùm ceriè præcipuè  
in fidei regula magno nobis stu-  
dio & investiganda est, et sequen-  
da. Sed neq; semper, neq; om-  
nes hæreses hoc modo impug-  
nandæ sunt, sed novitiæ recen-  
tesq; tantummodo : cùm pri-  
mùm scilicet exoriuntur, ante-  
quam infalsarint vetustæ fidei  
regulas, ipsius temporis veten-  
tur angustijs, ac priusquã ma-  
nante latius veneno Majorum  
volumina vitiare conentur. Cæ-  
terum dilatatæ & inveteratæ  
hæreses nequaquam hac via  
aggrediendæ sunt, eo quòd pro-  
lixo temporum tractu longa ijs  
furandæ veritatis patuerit oc-  
casio. Atque ideo quascunque  
• illas antiquiores, vel schisma-  
tum, vel hærescôn prophani-  
tates, nullo modo nos oportet,*

nisi aut sola, si opus est, scripturarum auctoritate convincere, aut certè jam antiquitus universalibus sacerdotum Catholicorum *Conciliis* convictas damnatasque vitare. Itaq; cum primum mali cujusque erroris putredo erumpere cœperit, & ad defensionem sui, quædam sacræ legis verba furari, atque fallaciter & fraudulenter exponere: statim interpretando canonum Majorum sententiæ congregandæ sunt, quibus illud quodcunq; exurgat novitium, ideoque prophanum, & absque vlla ambage prodatur, & sine vlla retractatione damnetur. Sed eorum duntaxat Patrum sententiæ conferendæ sunt, qui in fide & communione catholica sanctè, sapienter, constanter

ter viventes, docentes, & permanentes, vel mori in Christo fideliter, vel occidi pro Christo fœliciter meruerunt. Quibus tamen hac lege credendum est, ut quicquid vel omnes, vel plures, vno eodemq; sensu manifestè, frequenter, perseveranter, velut quodam consentiente sibi magistrorum concilio, accipiendo, tenendo, tradendo, firmaverint, id pro indubitato, certo, ratoq; habeatur. Quicquid verò, quâvis ille sanctus, & doctus, quamvis Episcopus, quamvis confessor & Martyr, præter omnes, aut etiam contra omnes senserit, id inter proprias & occultas, & privatas opiniunculas, à communis, publicæ, ac generalis sententiæ auctoritate secretum sit:

ne cum summo æternæ salutis periculo, juxta sacrilegam hæreticorum, & schismaticorum consuetudinē, vniuersalis dogmatis antiquā veritate dimissā, vnius hominis novitium sectemur errorem.

## CAP. XL.

**Q**Vorum beatorum Patrum sanctum Catholicumque consensum, ne quis sibi temerè fortè contemnendum arbitretur, ait in prima ad Corinth. Apostolus: *Et quosdam quidem posuit Deus in Ecclesia, primum Apostolos, quorum ipse vnus erat: secundò Prophetas, qualem in actibus Apostolorū legimus Agabum: terciò Doctores, quos Tractatores nunc appel-*

1 *Corin.*

12. v. 27.

28.

*Ephes.* 4.

v. 11.

*Advers. Hæreses.* 129

appellantur, quos hic idem Apostolus etiam *Prophetas* interdum nuncupat, eò quòd per eos Prophetarum mysteria populis aperiantur. Hos ergo in Ecclesia Dei divinitus per tempora & loca dispensatos, *quisquis* in sensu Catholici dogmatis vnum aliquid in Christo sentientes contempserit, non hominem contemnit, sed Deum: à quorum veridica vnitatem ne quis discrepet, impensius obtestatur idem Apostolus, dicens: *Obsecro autem vos fratres, ut id ipsum dicatis omnes, & non sint in vobis schismata: sitis autem perfecti in eodem sensu, & in eadem sententia: Quod si quis ab eorum sententiæ communione desciverit, audiat illud ejusdem Apostoli: Non est Deus*

1. Corin.  
v. 10.

1. Corin.  
14. v. 33.

*dissentionis, sed pacis: id est, non  
 ejus, qui à consentienti vnita-  
 te defecerit, sed eorum qui in  
 consentiendi pace permanse-  
 rint: sicut in omnibus, inquit,  
 Ecclesiis sanctorum doceo, id est,  
 Catholicorum: quæ ideo san-  
 ctæ sunt, quia in fidei commu-  
 nione persistunt. Et ne quis for-  
 sitan prætermisiss cæteris, se  
 solum audiri, sibi soli credi ar-  
 rogaret, paulò post ait: *An à*  
*vobis, inquit, verbum Dei pro-*  
*cessit? aut in vos solos devenit?*  
 Et ne hoc quasi perfunctoriè  
 acciperetur: adjecit: *Si quis, in-*  
*quit, videtur Propheta esse aut*  
*spiritualis, cognoscat quæ scribo*  
*vobis, quia Domini sunt man-*  
*data, quæ utique mandata,*  
*nisi, ut si quis est Propheta,*  
*aut spiritualis, id est, spiri-*  
 tualium*

1. Cor.

14. v. 36.



*Adver. Hæreses.* 131

tualium rerum Magister, summo studio æqualitatis & unitatis cultor existat: ut scilicet neque opiniones suas cæteris præferat, & ab universorum sensibus non recedat. *Cujus rei mandata qui ignorat*, inquit, *ignorabitur*, id est, qui aut nescita non discit, aut scita contemnit, *ignorabitur*: hoc est, indignus habebitur, qui inter unitos fide, & exæquatos humilitate divinitus respiciatur: quo malo nescio an quidquam acerbius cogitari queat. Quod tamen juxta Apostolicam comminationem *Pelagiano* illi provenisse cernimus *Juliano*, qui se collegarum sensui aut incorporare neglexit, aut excorporare præsumpsit. Sed jam tempus est, ut pollicitum profe-

proferamus exemplum, vbi & quomodo sanctorum Patrum sententiæ congregatæ sint, vt secundum eas ex decreto atque auctoritate concilij Ecclesiasticæ fidei regula figeretur. Quod quò commodius fiat, hic sit jam hujus commonitorij modus: vt cætera quæ sequuntur, ab alio sumamus exordio.

*Secundum commonitorium interlapsum est, neq̃ ex eo amplius quidquam quàm postrema particula remansit, id est, sola res capitulatio, quæ & subiecta est.*

## CAP. XLI.

**Q**Uæ cum ita sint, jam tempus est, vt ea quæ duobus his commonitorijs dicta sunt,

## *Advers. Hæreses. 133*

sunt, in hujus secundi fine recapitulemus. Diximus in superioribus hanc fuisse semper & esse hodieque Catholicorum consuetudinem, ut fidem veram duobus his modis approbent. Primum divini canonis auctoritate, deinde Ecclesia Catholica traditione: non quia canon solus non sibi ad universa sufficiat, sed quia verba divina pro suo plerique arbitrato interpretantes varias opiniones erroresque concipiant. Atque ideo necesse sit, ut ad unam Ecclesiastici sensus regulam scriptura cœlestis intelligentia dirigatur: in ijs duntaxat præcipue quæstionibus, quibus totius Catholici dogmatis fundamenta nituntur. Item diximus

*diximus*, in ipsa rursus Ecclesia Vniuersitatis pariter & Antiquitatis consentionem spectari oportere, ne aut ab unitatis integritate in partem schismatis abrumpamur, aut è vetustatis religione in hærese cōnovitates præcipitemur. *Item diximus*, in ipsa Ecclesiæ vetustate duo quædam vehementer studiosque observanda, quibus penitus inhærere deberent, quicunque hæretici esse nolent. Primum si quid esset antiquitus ab omnibus Ecclesiæ Catholicæ sacerdotibus vniuersalis concilij auctoritate decretum: Deinde si qua nova exurgeret quæstio, ubi id minimè reperiretur, recurrendum ad sanctorum patrum sententias, eorum duntaxat, qui  
suis

fuis quique temporibus, & locis in vnitæte communionis & fidei permanentes, Magistri probabiles exstitissent. Et quidquid vno sensu atque consensu tenuisse inveni rentur, id Ecclesiæ verum & Catholicum absque vlllo scrupulo iudicaretur.

C A P. XLII.

**Q**Uod ne præsumptione magis nostra, quàm auctoritate Ecclesiastica promerere videremur, exemplum adhibuimus sancti *Concilij*, quod ante triennium ferè in *Asia apud Ephesum* celebratum est viris clarissimis *Basso Antiochoque Consulibus*. Vbi cum sancientiis fidei regulis disceptaretur,

taretur, ne qua illic forsitan  
 prophana novitas in modum  
 perfidiæ *Ariminensis* obreperet,  
 vniuersis Sacerdotibus,  
 quod illò ducenti ferè numero  
 convenerant, hoc Catholici-  
 cissimum, felicissimum atque  
 optimum factu visum est, ut  
*in medium sanctorum Patrum*  
*sententiæ proferrentur*, quorum  
 alios Martyres, alios Confes-  
 sores, omnes verò Catholicos  
 sacerdotes fuisse, & perman-  
 sisse constaret: ut scilicet ritè  
 atque solenniter ex eorum consensu  
 atque decreto antiqui  
 dogmatis religio confirmaretur,  
 & prophana novitatis blasphem-  
 ia condemnaretur. Quod  
 cum ita factum foret, jure  
 meritoque impius ille *Nestorius*,  
 Catholicæ vetustati  
 con-

contrarius, beatus verò *Cyri-  
lus* sacrosanctæ antiquitati con-  
sentaneus judicatus est. Et ut  
ad fidem rerum nihil deesset,  
etiam nomina & numerum (li-  
cet ordinem fuisset obli-  
viti) edidimus eorum patrum, jux-  
ta quorum ordinem ibidem  
concinnentem sibi concor-  
demque sententiam, & legis  
sacrae proloquia exposita sunt,  
& divini dogmatis regula con-  
stabilita est. Quod ad con-  
firmandam memoriam hîc  
quoque recensere nequaquam  
superfluum est. Sunt ergo hi  
viri quorum in illo Concilio,  
vel tanquam judicum, vel tan-  
quam testium scripta recitata  
sunt: *S. Petrus Alexandrinus*  
*Episcopus, Doctor præstantis-*  
*simus, & Martyr beatissimus:*  
*S. Atha.*

## 138 *Vincent. Lirin.*

*S. Athanasius* ejusdem civitatis antistes, Magister fidelissimus, & Confessor eminentissimus : *S. Theophilus* ejusdem item vrbis Episcopus, vir fide, vita, scientia satis clarus : cui successit venerandus *Cyrillus*, qui nunc illustrat Alexandrinam Ecclesiam. Et ne forsitan vnius civitatis ac provinciae doctrina hæc putaretur, adhibita sunt etiam illa *Cappadociae* lumina, sanctus *Gregorius Episcopus* & confessor de *Nazianzo*. *S. Basilus* Cæsareæ Cappadociae Episcopus & confessor. Sanctus item alter *Gregorius Nicenus* Episcopus, fidei, conversationis, integritatis & sapientiae merito, fratre *Basilio* dignissimus. Sed ne sola Græcia aut Oriens tantū, verū etiam



*Advers. Hæreses.* 139

etiam Occidentalis & Latinus  
orbis ita semper sensitse appro-  
baretur: lectæ sunt quoque ibi  
quædam ad quosdam Epistolæ  
sancti *Fælicis* Martyris & S.  
*Iulij* vrbis *Roma* Episcoporum.  
Et ut non solum *caput orbis*,  
verum etiam latera illi iudicio  
testimonium perhiberent, ad-  
hibitus est à meridie beatissi-  
mus *Cyprianus*, Episcopus  
Carthaginensis, & martyr: à  
Septentrione S. *Ambrosius*,  
Mediolanensis Episcopus. Hi  
sunt igitur omnes apud Ephe-  
sum sacratio Decalogi numero  
Magistri, Conciliarij, Testes,  
Iudicesque producti: quorum  
beata illa synodus doctrinam  
tenens. concilium sequens, cre-  
dens testimonio, obediens ju-  
dicio, absque tædio, præsump-  
tione

trione & gratia, de fidei regulis pronunciavit. Quanquam multò amplior majorū numerus adhiberi potuerit; sed necesse non fuit: quia neque multitudinem testium negotii tempora occupari oportebat, & decem illos non aliud ferè sensisse, quàm cæteros omnes collegas suos nemo dubitabat. Post quæ omnia adjecimus etiā *beati Cyrilli* sententiam, quæ gestis ipsis Ecclesiasticis continetur. Namque cum lecta esset *sancti Capreoli* Episcopi Carthaginensis Epistola, qui nihil aliud intendebat, & precabatur, nisi ut expugnata novitate antiquitas defenderetur, ita Episcopus *Cyrillus* prolocutus est & definivit: quod hîc quoque interponere

non

*Advers. Hæreses* 141

non abs re videtur: ait enim in fine gestorum: *Et hæc, inquit, quæ lecta est Epistola venerandi & multũ religiosi Episcopi Carthaginensis, Capreoli, fidei gestorum inferetur, cujus aperta sententia est: vult enim antiquæ fidei dogmata confirmari, novitia verò & superflue adinventæ & impie promulgatæ reprobari atque damnari. Omnes Episcopi adclamaverunt: Hæ omnium voces sunt, hæc omnes dicimus, hoc omnium votum est.*

Quæ tandem omnium voces, atque omnium vota, nisi, ut quod erat antiquitus traditum, teneretur? quod adinventum nuper exploderetur? Postquã admirati sumus & prædicavimus, quãta Concilij illius fuerit humilitas & sanctitas, & tot numero

numero sacerdotes, penè ex  
majori parte Metropolitanì,  
tantæ eruditionis, tantæque  
doctrinæ, vt propè omnes pos-  
sent de dogmatibus disputare.  
Quibus quum ipsa in vnum  
congregatio audendi à se ali-  
quid & statuendi addere videretur  
fiduciam, nihil tamen  
novarent, nihil præsumerent,  
nihil sibi penitus arrogarent:  
sed omnimodis præcaverent,  
*ne aliquid posteris traderent,*  
*quod ipsi à Patribus non accep-*  
*issent:* & non solum in præ-  
senti rem benè disponerent, ve-  
rùm etiam post futuris exem-  
pla præberent, vt & ipsi scili-  
cet sacratæ vetustatis dogmata  
colerent, prophanæ verò No-  
vitatis adinventa damnarent.  
Invecti etiam sumus in Nesto-  
rij

*Advers. Hæreses.* 143

rij sceleratam præsumptionem, quòd sacram scripturam se primum & solum intelligere, & omnes eos ignorasse jactaret, quicumque ante se Magisterij munere præditi, divina eloquia tractavissent: universos scilicet Sacerdotes, universos Confessores & Martyres, quorum alij explanassent Dei legem: alij verò explanantibus consensissent vel credidissent: totam postremo etiam nunc errare & semper errasse adseveraret Ecclesiam, quæ, ut ipsi videbatur ignaros, erroneosque doctores & secuta esset & sequeretur.

CAP.

## CAP. XLII.

**Q**Væ omnia licet cumulatè abundeque sufficerent ad prophanas quasque novitates obruendas & extinguendas, tamen ne quid deesse tantæ plenitudini videretur, ad postremum adjiciemus geminam Apostolicæ Sædis auctoritatem: vnam scilicet *sancti Papæ Xysti*, qui nunc Romanam Ecclesiam venerandus illustrat: alteram decessoris sui beatæ memoriæ *Papæ Celestini*, quam hîc quoque interponere necessarium judicavimus. Ait itaque *sanctus Papa Xystus* in epistola, quam de causa Nestorij Antiocheno misit Episcopo: *Ergo, inquit quia sicut ait*  
*Aposto-*

## *Advers. Hæreses. 145*

*Apostolus, fides una est, quæ  
evidenter obtinuit dicenda, cre-  
damus, & tenenda credamus.  
Tandem illa credenda & di-  
cenda prosequitur, & ait: Ni-  
hil ultra, inquit, liceat Novi-  
tati, quia nihil addi convenit  
vetustati: Perspicua majorum  
fides & credulitas nulla cœni  
permixtione turbetur. Omni-  
nò Apostolicè: ut majorum  
credulitatem perspicuitas lu-  
mine ornaret: novitas verò  
prophanitates cœni permixti-  
one describeret. Sed & Papa  
Celestinus pari modo eadem-  
que sententia: Ait enim in e-  
pistola, quam Gallorum sacer-  
dotibus misit, arguens eorum  
conniventiam, quod antiquam  
fidem silentio destituentes,  
prophanas novitates exurge-*

re-paterentur. Merito, inquit, causa nos respicit, si silentio foveamus errorem. Ergo corripiantur huiusmodi, non sit illi liberum, habere pro voluntate sermonem. His aliquis forte addubitet, quinam sint illi, quos habere prohibeat liberum pro voluntate sermonem: Verustatis prædicatores, an Novitatis adinventores. Ipse dicat, & dubitationem legentium ipse dissolvat. Sequitur enim: *Desinat*, inquit, *si ita res est*, id est, si ita est, ut apud me quidam vrbes & provincias vestras criminantur, quod eas quibusdã novitatibus consentire noxia dissimulatione faciatis: *desinat itaque*, inquit, *si ita res est*, incessere novitas vetustatem. Ergo hæc fuit



*Ad-vers. Hæreses. 147*

fuit beati Cælestini beata sententia, non vt vetustas cessaret obruere novitatem: sed potius novitas desineret incessere vetustatem. Quibus Apostolicis Catholicisque decretis quisquis refragatur, insultet primum omnium necesse est memoria *sancti Cælestini*, qui statuit vt *desineret incessere novitas vetustatem*: deinde irrideat definita *sancti Xysti*, qui sensus est, *ne ultra quidquam liceat Novitati*, quia nihil addi convenit *vetustati*: sed & beati *Cyrilli* statuta contemnat, qui venerandi *Capreoli* zelum magna prædicatione laudavit, quod antiquæ fidei dogmata confirmari cuperet, novitia verò adinventæ damnari, *Ephesinam* quoque *Synodum*, id est, to-

totius penè Orientis sanctorum Episcoporum iudicata proculcet : quibus divinitus placuit nihil aliud posteris credendum decernere , nisi quod sacra sibi in Christo consentiens sanctorum Patrum tenuisset antiquitas , quique etiam vociferantes & acclamantes, vno ore testificati sunt, has esse omnium voces , hoc omnes optare, hoc omnes censere, vt sicut vniversi ferè antè Nestorium hæretici, contemnentes vetustatem & asserentes novitatem, damnati forent, ita ipse quoque *Nestorius* auctor novitatis, & impugnator vetustatis condénaretur. Quorum sacrosancta & cœlestis gratiæ munere inspirata consensus si cui displicet, quid aliud

*Advers. Hæreses.* 149

liud sequitur, nisi ut prophanitatem Nestorij adserat non jure damnatam? Ad extremum quoque universam Christi Ecclesiam & Magistros ejus Apostolos & Prophetas, præcipueque tamen beatum Apostolum Paulum velut quædam purgamenta contēnat: illā quod à religione colendæ & excolendæ semel sibi traditæ fidei nunquam recesserit: Illum verò, qui scripserit: *O Timothee, depositum custodi, devitans prophanas vocum novitates.* Et item: *Si quis vobis annunciarit præterquā quod accepistis, anathema sit.* Quod si neque apostolica definita, neque ecclesiastica decreta temerāda sunt, quibus secundū sacrosanctam universitatis & antiquitatis cō-

sensionem cuncti semper hæ-  
 retici, & ad extremum *Pelagi-  
 us, Calestius, Nestorius*, jure  
 meritoque damnati sunt, ne-  
 cesse est profectò omnibus de-  
 inceptis Catholicis, qui sese  
 ecclesię matris legitimos filios  
 probare student, vt sanctę san-  
 ctorum patrum fidei inhære-  
 ant, adglutinentur, immorian-  
 tur, prophanas verò propa-  
 norum novitates detestentur,  
 horrescant, insectentur, per-  
 sequantur. Hęc sunt ferè quę  
*duobus Commonitorjjs* latius  
 disserta, aliquanto nunc brevi-  
 us recapitulandi lege constri-  
 cta sunt: vt memoria mei cui  
 adminiculandę ista confeci-  
 mus, commonendi assiduitate  
 reparetur, & prolixitatis fasti-  
 dio non obruatur.

DIVI AVRELI AV-  
GUSTINI IN LIBRVM  
*De Hæresibus ad Quod-  
vultdeum.*

PRÆFATIO.

**Q**Vod petis sapissimè  
atq; instantissime san-  
cte fili Quodvultde-  
us; vt de hæresibus  
aliquid scribam dignum lecti-  
one cupientium dogmata de-  
vitare contraria fidei Christi-  
anæ, & Christiani nominis ob-  
umbratione fallentia: scias me  
olim longæ antequam pete-  
res, facere, cogitasse, atque fu-  
isse facturum, nisi diligenter  
considerans quale quantum-  
que id esset, ultra vires meas.

152 *Praefatio.*

esse sentirem. Sed quoniam fateor nullum mihi ut te instituisse poscendo, in ipsa tamen molesta instantia tua etiam tuum nomen attendi, & dixi, Aggrediar & faciam Quod vult deus. Hoc enim Deum velle confido, si me ad hujus operis terminum misericordiae favore perduxerit, ut per ministerium linguae meae tanta hujus rei difficultas aut ostendatur tantummodo, aut ipso etiam plenius adjuvante tollatur: quorum duorum, quod priore loco posui, jam diu est quod animo volvo ac revolve, & quadam meditatione contueor. Quod autem postea dixi, non me accepisse confiteor: & utrum dum hoc ago, ut efficiam, dum peto, dum quaero,

ro, dum pulso, fim forsitan accepturus ignoro : scio me tamen nec petiturum, nec quaesiturum, nec pulsaturum quantum sat est, nisi & hunc affectum munere divinæ inspirationis accepero. In hoc igitur opere, quod te vehementer urgente in Dei voluntate suscepi, cernis me ut id peragam non tam crebrescentibus ad me tuis petitionibus esse cogendum, quam pijs ad Deum non solum tuis, verum & aliorum fratrum quos tibi in hanc rem fideles socios potueris invenire, orationibus adjuvandum. Quod ut fiat, has ipsas primas hujus laboris mei partes, ubi est & ista prælocutio, curavi tuæ charitati in auxilio domini accelerare mittendas:

ut propter illa quæ restant, non  
noveritis quantum pro me o-  
rare debeatis, quicunque nosse  
potueritis, à me jam fuisse sus-  
ceptum hoc tam grande nego-  
cium, quod à me desideratis  
impleri. Petis ergo, quod tuæ  
indicat literæ, quas ad me dedi-  
sti, cum primum à me petere  
istâ cæpisti, ut exponam brevi-  
ter, pertractè atque summatim,  
ex quo Christiana religio pro-  
missæ hereditatis nomen acce-  
pit: quæ hæreses fuerint, sint:  
quos errores intulerint, infe-  
rant: quid adversus Catholi-  
cam Ecclesiam senserint, senti-  
ant: de fide, de trinitate, de bap-  
tismo, de pœnitentia, de homi-  
ne Christo, de Deo Christo, de  
resurrectione, de novo & vete-  
ri Testamento. Istas autem in-  
quisitio.



quisitiones tuas in immensum  
 procedere cum videres, puta-  
 tasti cujusdam generalitatis ad-  
 hibendum esse compendium,  
 atque dixisti, Et omnia omni-  
 no, quibus a veritate dissenti-  
 unt. Deinde addidisti, Quæ eti-  
 am baptismum habeant, quæ ve-  
 non habeant: & post quas bap-  
 tizet, nec tamen rebaptizet, Ec-  
 clesia: qualiter suscipiat venien-  
 tes: & quid singulis legis au-  
 thoritate, atque ratione re-  
 spondeat. Hæc omnia cum  
 quæris ut exponantur a me, mi-  
 ror luculentum ingenium tu-  
 um, tot tantarumque rerum &  
 sitire veritatem, & fastidium  
 jam timendo poscere brevitatem.  
 Sed vidisti etiam ipse quid  
 possem hoc loco tuæ hujus E-  
 pistolæ cogitare: & quasi vigi-  
 lanter

156 *Præfatio.*

lāter occurrifti occafioni meæ,  
dicens, Nec me tantæ beatitu-  
do tua credat ineptiæ, vt non  
infpiciam quantis & quàm in-  
gentibus voluminibus opus fit,  
vt poffint ifta diffolvi. Verùm  
hoc ego fieri non expeto: id e-  
nim multipliciter factum effe  
non dubito. Et tanquam confi-  
lium fubjiciens, quo modo  
poffit & fervari brevitās, & ve-  
ritas pandi, adjungis ea verba,  
quæ paulò ante jam pofui, &  
diciſ, Sed breviter, perſtriçtè,  
atque ſummatim, & opiniones  
rogo cujuſlibet hæreſis poni:  
& quid contrā teneat Eccleſia  
Catholica, quantū inſtructioni  
fatis eſt ſubdi. Ecce iterum  
mittis in longum, non quia di-  
ci ifta breviter ſive non vale-  
ant, ſive non debeant: ſed quia  
tam

tam multa sunt, vt quamlibet breviter dicenda, multas literas flagitent: tu autem, vt velut quodam, inquis, ex omnibus concepto commonitorio, si quis aliquam objectionem aut convictionem vberius, plenius ac planius nosse voluerit, ad opulenta & magnifica volumina transmittatur, quibus à diversis, & præcipuè, inquis, à veneratione tua in hoc ipso constat esse elaboratum. Quæ cum dicis, vnum quasi commonitorium de his omnibus te desiderare significas. Audi ergo vnde commonearis, quid petas. Opiniones omnium Philosophorum, qui sectas varias condiderunt, vsque ad tempora sua, ( neque enim plus poterat ) sex non

158 *Præfatio.**Celsus.*

non parvis voluminibus quidam Celsus absolvit. Nec redarguit aliquem, sed tantum quid sentirent aperuit, ea brevitatem sermonis, ut tantum adhiberet eloquij, quantum rei nec laudandæ nec vituperandæ, nec affirmandæ aut defendendæ, sed aperiendæ judicandæque sufficeret, cum ferme centum Philosophos nominasset: quorum non omnes instituerunt hæreses proprias: quoniam nec illos tacendos putavit, qui suos magistros sine vlla dissensione secuti sunt. Noster vero Epiphanius Cyprius Episcopus, ab hinc non longe humanis rebus exemptus, de octoginta hæresibus loquens, sex libros etiam conscripsit, historica narratione

com.

commemorans omnia, nulla  
disputatione adversus falsita-  
tem pro veritate desertans.  
Breves sanè sunt libelli, & si  
in vnum libellum redigantur,  
nec ipse erit nostris vel alio-  
rum quibusdam libris longi-  
tudine comparandus. Hujus  
brevitatem si fuero in commemo-  
randis hæresibus imitatus,  
quid à me brevius postulare  
vel expectare debeas, non ha-  
bebis. Sed non ibi hujus mei  
laboris summa consistit, quod  
& tibi, vel me demonstrante,  
vel etiam te præcurrente po-  
terit apparere, cum hoc fece-  
ro, videbis enim in eo, quod  
supradictus Episcopus fecit,  
quantū desit operi quod ipse  
vis fieri, quanto magis quod  
ego? Tu namque quamvis bre-  
viter,

viter, perstrictè atque summam, tamen vis etiam responderi commemoratis hæresibus, quod ille non fecit. Ego verò hoc volo magis facere, si & Deus velit, vnde possit omnis hæresis, & quæ nota est, & quæ ignota, vitari: & vnde rectè possit quæcunque innotuerit, judicari. Non enim omnis error hæresis est, quamvis omnis hæresis, quæ in vicio ponitur, nisi errore aliquo hæresis esse non possit. Quid ergo faciat hæreticum, regulari quadam definitione comprehendendi, sicut ego existimo, aut omnino non potest, aut difficillimè potest: quod in processu hujus operis declarabitur, si Deus rexerit, adque id quod intendo perduxerit disputationem.

## *Index Hæreseôn. 161*

tionem meã. Quid autem profit ipsa inquisitio, etiam si non potuerimus comprehendere, quo modo sit definiendus hæreticus, suo loco videndum atque dicendum est, nam si hoc comprehendendi potuerit, quis non videat vtilitas quanta sit? Erunt ergo primæ partes operis hujus de hæresibus, quæ post Christi adventum atque ascensum adversus doctrinam ipsius extiterunt, & vtcunque nobis innotescere potuerunt. In posterioribus autem partibus, quid faciat hæreticum, disputabitur: Cum ergo Dominus ascendisset in cœlum, hi hæretici exorti sunt.

1 Simoniani.

2 Menandriani.

2 Saturniani.

## 162 Index Hæreseon.

- 3 Saturniniani.
- 4 Basilidiani.
- 5 Nicolaitæ.
- 6 Gnostici.
- 7 Carpocratiani.
- 8 Cerinthiani, vel Merinthi-  
ani.
- 9 Nazaræi.
- 10 Hebionei.
- 11 Valentiniani.
- 12 Secundiani.
- 13 Ptolemæi.
- 14 Marcitæ.
- 15 Colarbasij.
- 16 Heracleonitæ.
- 17 Ophitæ.
- 18 Caii, aliàs Caini.
- 19 Sethiani.
- 20 Archontici.
- 21 Cerdoniani.
- 22 Marcionitæ.
- 23 Apellitæ.
- 24 Severiani.



## *Index Hæreseon. 163*

- 24 Severiani.
- 25 Taciani.
- 26 Cataphryges.
- 27 Pepuziani: aliâs Quitilliani.
- 28 Artotyritæ.
- 29 Tessarescædecætitæ.
- 30 Alogiani, aliâs Alogi.
- 31 Aditæ, aliâs Adamiani.
- 32 Elcescoitæ, & Samseitæ.
- 33 Theodotij, aliâs Theodotiani
- 34 Melchisedechitæ, aliâs Melchisedechiani.
- 35 Bardesanitæ, aliâs Bardesanistæ.
- 36 Noëtiani.
- 37 Valesij.
- 38 Cathari, qui & novatiani.
- 39 Angelici.
- 40 Apostolici.
- 41 Sabelliani.
- 42 Orige-

164 *Index Hæreseôn.*

- 42 Origeniastæ, aliâs Origeniani.
- 43 Alij Origenianistæ, vel Origeniani.
- 44 Paulonitæ, aliâs Pauliani.
- 45 Photiniaci, iliâs Photiniani.
- 46 Manichæi.
- 47 Gierachitę vel Hierachitę.
- 48 Melitiani.
- 49 Arriani.
- 50 Vadiani five Anthropomorphitæ.
- 51 Semiarriani.
- 52 Macedoniani.
- 53 Aëriani.
- 54 Aëtiani, qui & Eunomiani.
- 55 Apollinaristæ.
- 56 Antidicomarianitæ vel Antidicomaritæ.
- 57 Psalliani, five Euchitæ.
- 58 Metangismonitæ.
- 59 Seleuciani vel Hermiani.
- 60 Proclianitæ.

*Index Hæreseôn. 165*

- 60 Proclianitæ.
- 61 Patriciani.
- 62 Ascitæ.
- 63 Pattalorinchitæ.
- 64 Aquarij.
- 65 Coluthiani, aliâs Colathi-  
ani.
- 66 Floriniani.
- 67 De mundi statu dissentien-  
tes.
- 68 Nudis pedibus ambulantes.
- 69 Donatistæ, sive Donatiani.
- 70 Priscilliani, aliâs Priscilli-  
anistæ.
- 71 Cum hominibus non man-  
ducantes.
- 72 Rhetoriani.
- 73 Christi divinitatem passi-  
bilem dicentes.
- 74 Triformem Deum putan-  
tes.
- 75 Aquam Deo coæternam  
dicen-

166 *Index Hæreseon.*

dicentes.

- 76 Imaginem Dei non esse animam dicentes, Melitonij.
- 77 Innumerabiles mundos opinantes, Ophei.
- 78 Animas converti in dæmones & in quæcunque animalia existimantes, Tertullij.
- 79 Liberationem omnium apud inferos factam Christi descensione credentes.
- 80 Christi de patre nativitati initium à tempore dantes.
- 81 Luciferiani.
- 82 Iovinianistæ.
- 83 Arabici.
- 84 Helvidiani.
- 85 Paterniani, vel Venustiani.
- 86 Tertullianitæ, vel Tertullianistæ.

*Index Hæreseon. 167*

anistæ.

87 Abeloitæ, vel Abeloini.

88 Pelagiani qui & Celestiani.

89 [Nestoriani.

90 Euthiciani.]

*FINIS.*

**CAT.**

17  
12

13  
14





CATALOGVS  
HÆRESEON EX  
EPIPHANII EV-

*sebijque commentarijs  
collectus, additis aliis  
nonnullis. Obiter Au-  
gustinus distinguit  
errorem, hæresim,  
& schisma.*

**S**IMONIANI à Si- I  
mone mago, qui bapti-  
zatus à Philippo diaco- Actor. 8.  
no, sicut in Actibus Apo-  
stolorum legitur, pecunia vo-  
luit emere à sanctis Apostolis,  
ut etiam per impositionē ma-  
nus ejus, daretur spiritus san-  
ctus. Hic magicis fallacijs de-  
H ceparet

170 *D. Aug. de Hares.*

ceperat multos. Docebat autē detestandam turpitudinem in-  
differēter vtendi fœminis. Nec  
Deum fecisse mundum. Nega-  
bat etiam carnis resurrectio-  
nem, & asserebat se esse Chris-  
stum. Itemque Iovem se credi  
volebat, Minervam verò me-  
retricem quandam Selenen,  
quam sibi sociam scelerum fe-  
cerat : imaginesque & suam  
& ejusdem meretricis disci-  
pulis suis præbebat adoran-  
das, quas & Romæ tanquam  
Deorum simulacra autoritate  
publica constituerat. In qua  
vrbe beatus Apostolus Petrus  
eum vera omnipotentis Dei  
virtute extinxit. Dixerat e-  
nim se in monte Sina legem  
Moyse in patris persona dedis-  
se Iudæis. Tempore Tyberij in  
filijs

σάλην.

Ληνα.



filiij persona putativè apparuisse, postea se in linguis igneis spiritum sanctum super Apostolos venisse. Christum autem nec venisse, nec à Iudæis quicquam pertulisse. *Menandriani* 2  
à Menandro etiam ipso mago discipulo ejus qui mundum asserēbat non à Deo, sed ab angelis factum. *Saturniani*, à quodam 3  
Saturnino, qui turpitudinem Simonianam in Syria confirmasse perhibetur: qui etiam mundum solos angelos septem præter conscientiam Dei patris fecisse dicebat. *Basilidiani* 4  
à Basilide, qui hoc distabat à Simonianis, quod trecentos sexagintaquinque cœlos esse dicebat, quo numero dierum annus includitur. Vnde etiam quasi sanctum nomen com-

H 2      mendabat,

172 *D. Aug. de Hæres.*

mendabat, quod est, *αβγδς*:  
 cujus nominis literę secundum  
 Græcam supputationem eun-  
 dē numerum complent. Sunt e-  
 nim VII. *α & β & γ & δ & ε &*  
*ς & ζ*: id est, vnum & duo, &  
 centum & vnum, & sexaginta  
 & vnum, & ducenta, quę fiunt  
 in summa trecenta sexaginta-  
 quinque. Mundum istum vel  
 hominem non credunt à Deo  
 factum sed à trecentesimo se-  
 xagesimoquinto cælo. Amato-  
 ria carmina studicse discunt. A  
 Iudæis non credunt Christum  
 crucifixum, sed Simonem  
 Cyrenensem, qui angariatus  
 sustulit crucem ejus. *Nicholai-*  
*ta*, à Nicolao nominati sunt,  
 vno, vt perhibetur, ex illis  
 septem quos Apostoli diaco-  
 nos ordinaverant: iste cum  
 de

de zelo pulcherrimæ conjugis  
culparetur, velut purgandi se  
causa permisisse fertur, vt eâ qui  
vellet vteretur. Quod ejus fa-  
ctum in sectam turpissimã ver-  
sum est, qua placet vsus indiffe-  
rens fœminarum. Hi nec ab ijs  
quæ idolis immolantur cibos  
suos separant : & alios ritus  
gentilium superstitionum non  
adversantur. Narrant etiam  
quædam fabulosa de mundo,  
nescio quæ Barbara principum  
nomina miscentes disputatio-  
nibus suis, quibus terreant au-  
ditores quæ prudentibus risum  
potius fatiunt quàm timorem.  
Intelliguntur autem etiam isti  
non Deo tribuere creaturã, sed  
quibusdam potestatibus quas  
mirabili vel fingunt vanitate,  
vel credunt. *Gnostici* propter

174 D. Aug. de Hæres.

heretici.

excellentiam scientiæ sic se  
 appellatos esse, vel appellari  
 debuisse gloriantur, cum sint su-  
 perioribus omnibus vaniores  
 atque turpiores. Denique cum  
 ab aliis atque aliis per diversas  
 terrarum partes aliter atque a-  
 liter nuncupentur, nonnulli eos  
 etiam Borboritas vocant, quasi  
 cœnoscas, propter nimiam tur-  
 pitudinem, quam in suis my-  
 steriis exercere dicuntur. Ali-  
 quos à Nicholaitis exortos  
 putant: alij à Carpocrate de  
 quo post loquemur. Tradunt  
 autem dogmata fabulosissimis  
 plena figmentis: etiã ipsi princi-  
 pum, vel angelorum nominibus  
 terribilibus infirmas animas  
 capiunt: & de Deo rerumq; na-  
 tura fabulosa & à sanitate veri-  
 tatis aliena, multa contexunt,  
 Anima-

Animarū substantiā, Dei dicūt  
esse naturam, earumq; adventū  
in hæc corpora cum alijs aëris  
animalibus dicunt fieri, per  
quas peccata in corporibus cō-  
mittuntur: nam illas animas, quę  
ex Dei procedunt substantia,  
reverti ad Deum immaculatas:  
dicuntur quoq; bonum Deum  
& malum Deum in suis habere  
dogmatibus. *Carpocratiani* sunt  
à Carpocrate, qui docebat om-  
nem turpem operationem, om-  
nemq; adinventionem peccati:  
nec aliter evadi atque transiri  
principatus & potestates, qui-  
bus hæc placent, vt possit ad  
cælum superius perveniri. Hic  
etiam Iesum hominem tan-  
tummodo, & de vtroque sexu  
natum putasse perhibetur, sed  
accepisse talem animam quæ

176 D. Aug. de Hæres.

8 sciret ea quæ superna essent atque nunciaret. Resurrectionem corporis simul cum lege abjiciebat. Negabat mundum à Deo factum, sed nescio à quibus virtutibus. Sectæ ipsius fuisse traditur socia quædã Marcellina, quæ colebat imagines Iesu & Pauli, & Homeri, & Pythagoræ adorando incensumq; ponendo. *Cerinthiani* à Cerintho idemq; *Merinthiani* à Merintho, mundum ab angelis factum esse dicentes, & carne circumcidi oportere, atque alia hujusmodi legis præcepta servari. Iesum hominem tantummodo fuisse, nec resurrexisse, sed resurrecturum asseverantes. Mille quoque annos post resurrectionem in terreno regno Christi, secundum carnales ventris

ventris & libidinis voluptates, futuros fabulantur, vnde etiam Chiliaſtę ſunt appellati. *Nazareum* Dei filium confiteantur eſſe Chriſtum, omnia tamen veteris legis obſervant, quę Chriſtiani per Apoſtolicam traditionem non obſervare carnaliter, ſed ſpiritualiter intelligere didicerunt. *Hebionę* Chriſtum etiam tantummodo hominem dicunt. Mandata carnalia legis obſervant, circumciſionem ſcilicet carnis, & cętera à quorum oneribus per novum teſtamentũ liberati ſumus. Huic hęreſi Epiphanius Sāpſeos & Eleęſeos ita copulat, vt ſub eodē numero tanquā vna ſit hęreſis ponat, aliquid tamen intereſſe ſignificans, Quāvis & in cōſequenti-

9

10

H ;

bis

178 D. Aug. de Hæres.

Lib. 6, c.  
28.

II

bus loquatur de illis ponens eos sub numero suo. Eusebius vero Elcesaitarum sectam cōmemorans, fidem in persecutiōe dicit negandam docuisse, & in corde servandam. *Valentiniani* à Valentino, qui de natura rerum multa fabulosa confinxit: Triginta *αἰῶνας*, id est, secula asserens extitisse, quorum principium esse profundum & silentium, quod profundum etiam patrem appellat. Ex quibus duobus velut ex conjugio processisse perhibet intellectū & veritatem, & protulisse in honorem patris *ἄκρον* octo. De intellectu autem & veritate processisse verbum & vitam, & protulisse *ἄκρον* decē. Porro de verbo & vita processisse hominem & Ecclesiā, & protulisse *ἄκρον*



æonas duodecim. Itaque octo  
 & decem & duodecim fieri tri-  
 ginta æonas, habentes, vt dixi-  
 mus, primum principium de  
 profundo & silentio. Christum  
 autem à patre missum, id est,  
 à profundo spirituale vel cœ-  
 leste corpus secum attulisse: ni-  
 hilque assumpsisse de virgine  
 Maria, sed per illam tanquam † *al. rivu.*  
 per rimam, † aut per fistulam  
 sine vlla de illa assumpta carne  
 transisse. De tricesimo seculo  
 dicit diabolus genitum, & à  
 diabolo alios natos qui fecerint  
 hunc mundum. Et ideo mali-  
 tiam non arbitrio tribuit, sed na-  
 turæ mundi, id est, generi dia-  
 bolico: carnis resurrectionem  
 negat, animam tantum & spi- † *al. Sevā-*  
 ritum affirmat per Christum *driani.*  
 salvari. *Secundiani* † hoc à 12  
 Valenti-

180 D Aug. de Hæresf.

12

Valentinianis distare dicuntur, quòd addunt opera turpitudinis. Ptolomæus quoq; discipulus Valentini hæresim novam condere cupiens, quatuor

13

æonas & alias quatuor afferere

14

maluit. *Marcus* etiam nescio  
quis hæresim condidit, negans  
resurrectionem carnis & Chri-  
stum non verè, sed putativè  
passum asleverans. Duo quoque  
opinatus est ex adverso sibi esse  
principia, quiddam tale etiam  
iple de æonibus sicut Valen-

15

tinus affirmans. *Colarbasus* se-  
cutus est istos non multum a-  
liter sentiens, Vitam omni-  
um hominum & generatio-  
nem in septem tyderibus con-  
sistere affirmans. *Heracleo-*

16

*nite* ab Heracleione discipulo superiorum, duo afferunt princi-

principia, vnum ex altero, & ex his duobus alia plurima. Feruntur autem suos morientes novo modo quasi redimere, id est, per oleum, balsamum & aquam, & invocationes quas Hebraicis verbis dicunt super capita eorum. *Ophite* à colubro nominati sunt, coluber enim Græcè ophis dicitur. Hunc autem [colubrum qui decepit Adam & E. vam] Christum arbitrantur. Sed habent etiā verū colubrum quem nutriunt & venerantur. Qui & incantante sacerdote egreditur de spelunca, & ascendit super altare innixū spelunce, & oblationes eorū lambit, & involvens se circa eas regreditur ad speluncā: & ita cōfringūt oblatiōes in eucharistiā quasi à serpente

serpente Christo ut illi putant sanctificatas. Tradunt hujus serpentis cultum à Nicolaitis [siue Gnosticis] ad istos deductum. *Caiani* propterea sic appellati, quoniam Cain honorant, dicentes eum fortissimæ esse virtutis: simul & Iudam traditorem divinum aliquid putant esse, & scelus ejus beneficium deputant: asserentes eum præscisse quantum esset generi humano Christi passio profutura, & occidendum Iudæis propterea tradidisse: illos etiam, qui schisma facientes in primo populo Dei terra dehiscente perierunt, Chore, Dathan, & Abiron, & Sodomitas colere perhibentur. Blasphemant legem, & Deum legis auctorem: carnisque resurrectionem

nem negant. *Sethiani* nomen 19  
acceperunt à filio Adæ, qui vo-  
catus est Seth: eum quippe  
honorant, sed fabulosa & hære-  
tica vanitate. Dicunt eum de  
superna matre natum, quam  
perhibent convenisse cum su-  
perno patre: vnde divinum  
semen aliud nasceretur, tan-  
quam filiorum Dei. Hi quo-  
que multa de principatibus &  
potestatibus vanissima fabulan-  
tur: quidam eos dicunt Sem  
filium Noë Christum putare.

*Archōtici* à principibus appel- 20  
lati, vniuersitatē, quam De-  
us condidit, opera esse princi-  
pum dicunt: operantur etiam  
quandam turpitudinem. Res  
surrectionem carnis negant.

*Cerdoniani* à Cerdone nomi- 21.  
nati, qui duo principia sibi ad-  
versantia

- versantia dogmatizant: deumque legis ac Prophetarum non esse patrem Christi, nec bonum
- † *al. nec.* Deum esse, sed † justum, patrem vero Christi bonum: Christumque ipsum natum ex femina, neque habuisse carnem: nec verè mortuum, vel quicquam passum, sed simulasse passionem. Quidam vero in duobus principiis suis duos deos ita eum dixisse perhibent, ut unus eorum esset bonus, alter autem malus: resurrectionem mortuorum negant. Spernunt etiam testamētum vetus.
- 22 *Marcion* quoque à quo Marcionistæ sunt, qui Cerdōis secutus est dogmata de duobus principiis: quamvis Epiphanius eum tria dicat asseruisse principia: bonum, justū, pravum: sed Eusebius

sebius Synerū quendam, non  
 Marcionē, triū principorū atq;  
 naturarū scribit authorē. *Apelli-*  
*ta* sunt, quorū Apelles est prin-  
 cipes, qui duos quidē introdu-  
 cit deos: vnū bonū malū alterū:  
 nōtamē in duobus diversis atq;  
 inter se aduersis esse principis  
 is, sed vnū esse principiū: Deū  
 scilicet bonum, & ab illo factū  
 alterū: qui cum malignus esset,  
 inventus est in sua mundum  
 nativitate † fecisse. Hunc Apel-  
 lē dicunt quidā etiā de Christo  
 tam falsa sensisse, vt diceret e-  
 um, non quidē carnem duxisse  
 de cœlo, sed ex elemētis mun-  
 di accepisse, quæ mundo red-  
 didit, cum sine carne resur-  
 gens, in cœlum ascendit. *Se-*  
*veriani* à Severo exorti, vi-  
 num non bibunt, eo quòd  
 fabulosa

23

† *al. ma-*  
*lignitate.*

24

I 86 D. *Aug. de Hæres.*

fabulosa vanitate de satana & terra germinasse asserunt vitem. Et jam ipsi non sanam doctrinam suam, quibus volunt inflant nominibus principum, Carnis resurrectionem cum veteri testamento respuentes. Hic præterquam Philumenem quandam puellam dicebat inspiratam divinitus ad prænuncianda futura, ad quam somnia atque æstus sui animi referens, divinationibus seu præsagijs ejus secretim erat solitus præmoneri, eodem phantasmate eidem Philumenæ pueri habitu se demonstrante, Qui puer apparens, Christum se aliquando, aliquando esse assereret Paulum. A quo phantasmate sciscitans, ea solet respondere quæ se audientibus diceret.

φιλύμνη.



diceret. Nonnulla quoque illam miracula operari solitam, inter quæ illud præcipuum, quod in angustissimi oris ampullam vitream, panem grandem immitteret, eumque extremis digitulis levare soleret illæsum, eoque solo quasi divinitus sibi cibo dato fuisset cōtenta. *Taciani* à Tacio quodam, instituti sunt, qui & Encratitæ appellati sunt, nuptias damnant, atque omnino pares eas fornicationibus alijsq; corruptionibus faciunt: nec recipiunt in suorum numerum conjugio utentem, sive matrem, sive fœminam: non vescuntur carnibus, easque omnes abominantur: prolationes quasdam fabulosas seculorum etiam ipsi sapiunt: salutj primi hominis

hominis contradicunt. Epiphanius Tacianos & Encratitas ita discernit, ut Encratitas Taciani schismaticos dicant. *Cataphryges* sunt quorum autho-

26 res fuerunt, Montanus tanquā paracletus, & duæ Prophetissæ ipsius, Prisca & Maximilla.

kata epu-  
gas.

His nomen provincia Phrygia dedit, quia ibi extiterunt, ibique vixerunt: & etiā nunc in ejusdem partibus populos habent. Adventū spiritus sancti à domino promissum, in se potius quàm in Apostolis eis fuisse asserunt redditū. Secundas nuptias pro fornicationibus habent: & ideo dicunt eas permississe Apostolū Paulum, quia ex parte sciebat, & ex parte prophetabat: Nondū enim venerat quod perfectū est. Hoc autem perfe-

1. Cor. 13.

perfectum in Montanum & in  
ejus prophetissas venisse deli-  
rant. Sacramenta perhibentur  
funesta habere. Nam de infan-  
tis anniculi sanguine, quem de  
toto ejus corpore minutis pun-  
ctionū vulneribus extorquent,  
quasi eucharistiam suā confis-  
cere perhibentur, miscentes e-  
um farinae, panemqu; inde fa-  
ciētes: qui puer si mortuus fu-  
erit, habetur apud eos pro mar-  
tyre: si autē vixerit, pro mag-  
no sacerdote. *Pepuziani* à loco 27  
quodā nominati sunt, quā civi-  
tatē desertā dicit Epiphanius,  
Hanc autē isti divinum aliquid  
esse arbitantes, Hierusalē vo-  
cant. Tautum dantes mulieri-  
bus principatū, vt sacerdotio  
quoque apud eos honoren-  
tur Dicunt enim *Quintillæ* &  
*Priscillæ*

Priscille in eadem civitate Pe-  
 puza, Christum specie fœmi-  
 næ revelatum. Vnde ab hac  
 Quintilliani etiam nuncupan-  
 tur. Faciunt & ipsi de sangui-  
 ne infantis quod Cataphryges  
 facere supra diximus. Nam  
 & ab eis perhibentur exorti.  
 Denique alij hanc Pepuzam  
 non esse civitatem, sed villam  
 dicunt fuisse Montani & Pro-  
 phetissarum ejus Priscæ &  
 Maximillæ: & quia ibi vixe-  
 runt, ideo locum meruisse ap-  
 28 pellari Hierusalem. *Artoty-*  
*rita* sunt, quibus oblatio eorum  
 hoc nomen dedit: offerunt e-  
 nim panem & caseum, dicen-  
 tes à primis hominibus obla-  
 tiones de fructibus terræ & o-  
 vium fuisse celebratas. Hos  
 Pepuzianis jungit Epiphanius.  
*Tessaresca*

*Tessaresca* de catitæ hinc appella- 29  
 ti sunt, quòd non nisi quarta-

decima luna, mense Martio,  
 Pascha celebrant, quilibet sep-  
 tem dierum occurrat dies, &  
 si dies dominicus occurrerit,  
 ipso die jejulant & vigilant.

*Alogiani* propterea sic vocan- 30  
 tur tanquam sine verbo: logos  
 enim Græcè verbum dicitur,  
 quia domini verbum recipere † *al. Deū.*

noluerunt, Iohannis Evange-  
 lium respuentes, cuius nec Ap-  
 pocalypsin accipiunt, has vi-  
 delicet scripturas negant esse  
 ipsius. *Adamiani* ex Adam 31

dicti, cuius imitantur in para-  
 diso nuditatem, quæ fuit ante  
 peccatum: vnde & nuptias a-  
 verſantur, quia nec priusquam  
 peccasset Adam, nec priusquã  
 dimissus esset de paradiso, cog-  
 novit

- novit vxorem. Credunt ergo quòd nuptiæ futuræ non fuissent, si nemo peccasset. Nudi itaque mares foemineque conveniunt, nudi lectiones audiunt, nudi orant, nudi celebrant sacramenta, & ex hoc paradisum suam arbitrantur Ecclesiam.
- 32 *Elceseos* & *Samseos* hic tanquam ordine suo commemorant Epiphanius, quod dicit a quodam pseudopropheta esse deceptos qui vocabatur Elci, ex cujus genere duas mulieres tanquam deas ab eis perhibet adoratas. Cætera Hebis oneis tenere similia. *Theodos*
- 33 *tiani* à Theodotione quodam instituti, hominem tantummodo Christum asseverant. Quod dicitur quidem Theodotion propterea docuisse, quia  
in

in persecutione lapsus isto modo se casus sui deuitare putabat opprobrium, si non Deum negasse, sed hominem videretur. *Melchisedeciani*, Melchisedech sacerdotem Dei excelsi, non hominem fuisse, sed virtutem Dei esse arbitrantur. 34  
*Bardeisanista*, à quodam Bardepane, qui in doctrina Christi prius extitisse perhibetur insignis: quamvis postea per omnia in Valentini hæresim lapsus est, addens de suo vt fato ascriberet conuersationes hominum. *Noëtiani*, à quodam Noëto, qui 35  
docebat CHRISTVM eundem ipsum esse patrem & spiritum sanctum. *Valesij* & se ipsos castrant, & hospites suos, 37  
hoc modo existimantes Deo  
I se

194 D. Aug de Hæres.

se debere servire. Alia quoque  
 hæretica docere dicuntur &  
 turpia: sed quæ illa sint, nec ipse  
 commemoravit Epiphanius,  
 nec vspiam potui reperire. *Cathari*,  
 qui se ipsos isto nomine,  
 quasi propter mundiciam su-  
 perbiſſimè atque odiosiſſimè  
 nominant: ſecundas nuptias nō  
 admittunt, pœnitentiam dene-  
 gant. Novatum ſectantes hære-  
 ticum: vnde etiam Novatiani  
 appellantur. *Angelici*, in ange-  
 lorum cultu inclinati, quos E-  
 piphanius jam omnino defeciſ-  
 ſe teſtatur. *Apoſtolici*, qui ſe iſto  
 nomine arrogantiffimè voca-  
 verunt, eo quòd in ſuam com-  
 munionem non reciperent v-  
 tentes conjugibus, & res pro-  
 prias poſſidentes, quales habet  
 catholica Eccleſia & monachos  
 &



& clericos plurimos. Sed ideo isti heretici sunt, quoniam se ab Ecclesia separantes, nullam spem putant eos habere qui vtuntur his rebus, quibus ipsi carent. Encratitis isti similes sunt, nam & Apotactictæ \* appellantur. \* id est, Sed alia nescio quæ propria hæretica docere perhibentur. *extraordinarij.* Sabelliani ab illo Noëto, quem

41

supra memorauimus, defluxisse dicuntur. Nam & discipulum eius quidam perhibent fuisse Sabellium. Sed qua causa duas hæreses Epiphanius computet, nescio: cum fieri potuisse videamus vt fuerit Sabellius iste famosior, & ideo ex illo celebrius hæc hæresis nomen acceperit. Noëtiani enim difficilimè ab aliquo sciuntur, Sabelliani autem sunt in ore multorum.

196 *D. Aug. de Hæres.*

Nam & Praxeianos à Praxea  
quidam vocant, & Hermoge-  
niani vocari ab Hermogine  
potuerunt, qui Praxeas & Her-  
mogenes eadem sentientes in  
Africa fuisse dicuntur. Nec ta-  
men istæ plures sectæ sunt, sed  
vnius sectæ plura nomina ex  
his hominibus quæ in ea maxi-  
mè innotuerunt, sicut Donati-  
stæ, ijdem Parmenianistæ: sicut  
Pelagiani ijdem Celestiani.  
Vnde ergo sit factum, vt Noë-  
tianos & Sabellianos, non vni-  
us hæresis duo nomina, sed tan-  
quam duas hæreses supradictus  
Episcopus † poneret liquidò  
invenire non potui: quia si quid  
inter se differunt, tam obscure  
dixit studio forsitan brevitatis,  
vt non intelligam. Loco quip-  
pe isto, quo & non tam longè

† al. Epi-  
phanus.

à Noëtianis Sabellianos commemorans. Sabelliani, inquit, similia Noëto dogmatizantes præter hoc quòd dicunt patrem non esse passum: quo modo de Sabellianis intelligi potest, cum sic innotuerint dicere patrem passum, vt Patripassiani quàm Sabelliani crebriùs nuncupentur? aut si fortè in eo quod ait, præter hoc quod dicunt patrem non esse passum, Noëtianos hoc dicere intelligi voluit, quis eos in hac ambiguitate discernat? Vel quo modo possunt intelligi quilibet eorum patrem passum fuisse non dicere, cum dicant eundem ipsum esse & patrem & filium & spiritum sanctum? Philaster autem Brixianus Episcopus in prolixissimo libro quem de hæ-

198 *D. Aug. de Hæres.*

resibus condidit, & cxxiii. hæreses arbitratus est computandas., Sabellianos continuo post Noëtianos ponens, Sabellius, inquit, discipulus ejus, qui similitudinem sui doctoris itidem secutus est, vnde Sabelliani postea sunt appellati, qui & Patripassiani & Praxeiani à Præxia, & Hermogeniani ab Hermogene, qui fuerunt in Africa, qui & ista sentientes abjecti sunt ab Ecclesia Catholica. Certè iste eisdem postea Sabellianos dixit appellatos, qui quæ Noëtus sentiebant, & alia nomina ejusdem sectæ commemoravit, & tamen Noëtianos & Sabellianos sub duobus numeris tanquam duas hæreses posuit, qua causa, ipse viderit. *Origeniani* à quodam

Origene dicti sunt, non ab illo  
qui ferè omnibus notus est, sed  
ab alio nescio quo, de quo, vel  
sectatoribus ejus Epiphanius  
loquens, Origeniani, inquit, cu-  
jusdam Origenis discipuli, tur-  
pis autem sunt operationis: isti  
sunt nefanda facientes, sua cor-  
pora corruptioni tradentes. A-  
lios autem *Orogenianos* con-  
tinuo subjiciens, Origeniani,  
inquit, alij qui & Adamantij  
tractatoris illius sectatores qui  
& mortuorum resurrectionem  
negant, Christum autem & spi-  
ritum sanctum creaturam di-  
cunt: paradysum autem & cœ-  
los & alia non credunt esse se-  
cundum literam: sed in allego-  
ria. Hæc quidem de Origine  
Epiphanius refert. Sed defen-  
sores ejus dicunt Originem

200 *D. Aug. de Hæres.*

patrem & filium & spiritum  
sanctum vnius ejusdemq; sub-  
stantiæ docuisse, neque resurre-  
ctionem repulisse mortuorum:  
sed qui ejus plura legerunt,  
contradicunt. Sunt & alia hujus  
Origenis dogmata quæ catho-  
lica Ecclesia omnino non re-  
cepit: in quibus nec ipsum fal-  
so arguit, nec potest ab ejus  
defensoribus excusari, maxime  
de purgatione & liberatione: ac  
rursus post longum tempus ad  
eadem mala revolutione ratio-  
nalis universæ creaturæ. Quis  
enim Catholicus Christianus  
vel doctus vel indoctus non ve-  
hementer exhorreat, eam quam  
dicit purgationem maiorum,  
id est, etiam eos qui hanc vi-  
tam in flagitijs ac facinoribus  
& sacrilegijs atque impieta-  
tibus

tibus quamlibet maximis finierunt, ipsum etiam postremo diabolum atque angelos ejus, quamvis post longissima tempora purgatos atque liberatos regno Dei lucique restitui, & rursus post longissima tempora omnes qui liberati sunt, ad hæc mala denuo relabi & reverti, & has vices alternantes beatitudinum & miserationum rationalis creature semper fuisse, semper fore? De qua vanissima impietate adversus Philosophos, à quibus ista didicit Origenes, in libris de Civitate Dei diligentissime disputavi. Dicit præterea ipse Origenes, quod filius Dei sanctis hominibus comparatus, veritas sit, patri collatus mendaciū, & quantum distāt Apostoli Christo,

44

Christo tantum filius patri,  
 Vnde nec orandus est filius, cū  
 patre, quia non est author in-  
 dulgendarum petitionum, sed  
 supplicator. *Pauliani* à Paulo  
 Samosateno, Christum non sē-  
 per fuisse dicunt, sed ejus initi-  
 um, ex quo de Maria natus est  
 asseverant: nec eum aliquid  
 amplius quàm hominem pu-  
 rant. Ista hæresis aliquando  
 cujusdam Artemonij fuit, sed  
 cum defecisset, instaurata est à  
 Paulo, & postea sic à Photino  
 confirmata, vt Phociani quàm  
 Pauliani celebrius nuncupen-  
 tur. Istos sanè Paulianos bapti-  
 zandos esse in Ecclesia Catho-  
 lica Niceno concilio constitutū  
 est. Vnde credendū est eos re-  
 gulam baptismatis non tenere,  
 quā secum multi heretici cum  
 de



de catholica discederent abstulerunt, eamq; custodiunt. *Photinus* ab *Epiphanio* non continuo post *Paulū* sive pro † *Paulo*, sed alijs interpositis ponitur: non tacetur sanè similia credidisse, secundum aliquid tamen adversatus ei dicitur, sed quid sit ipsum aliquid, omnino non dicitur. *Philaster* autem continuatim ponit ambos sub singulis & proprijs numeris, quasi hæreses duas, cum dicat *Photinum* in omnibus *Pauli* sectum fuisse doctrinam. *Manichæi* à quodam *Perse* extiterunt, qui vocabatur *Manin*, quamvis & ipsum cum ejus insana doctrina cœpisset nomen prædicari, nam antehac *Urbicus* vocabatur. Sed in *Græcia* discipuli ejus, vitantes nomen infaniæ,

45  
† ab. cum.

46

infantiæ, quasi doctiores & co-  
 ipso mendaciores, geminata,  
 n, litera, Mannichæum quasi  
 manna fundentem, pro Mani-  
 chæo, id est, insano appellave-  
 runt. Iste duo principia inter se  
 diversa atque adversa, eadem-  
 que æterna & coæterna, hoc  
 est semper fuisse composuit.  
 Duasque naturas atq; substan-  
 tias boni scilicet & mali, se-  
 quens alios antiquos hæreticos  
 opinatus est: quarum inter se  
 pugnam & commixtionem, &  
 boni à malo purgationem, &  
 boni quod purgari non poterit,  
 cum malo in æternum damna-  
 tionem, secundum sua dogmata  
 asseverans multa fabulatur, quæ  
 cuncta intexere huic operi ni-  
 mis longum est. Ex his autem  
 suis fabulis vanis atque impijs  
 coguntur

coguntur dicere, animas bonas  
quas censent ab animarum ma-  
larum naturæ scilicet contrariæ  
commixtione liberandas, ejus  
cujus Deus est esse naturæ.  
Proinde mundum à natura bo-  
ni, hoc est, à natura Dei fa-  
ctum, confitentur quidem, sed  
de commixtione boni & mali,  
quæ facta est, quando inter se  
vtraque natura pugnavit. Ip-  
sam vero boni à malo purgati-  
onem ac liberationem, non so-  
lum per totum mundum & de  
omnibus ejus elementis virtu-  
tem Dei facere dicunt, verum-  
etiam electos suos per alimēta  
quæ sumunt: & eis quippe ali-  
mentis sicuti vniverso mundo  
Dei substātiā perhibēt esse cō-  
mixtā? quā purgari putant in  
electis suis eo genere vitæ quo  
vivunt

206 *D. Aug. de Hæres.*

vivunt electi Manichæorum, velut sanctius & excellentius auditoribus suis. Nam his duabus professionibus, hoc est, electorum & auditorum, Ecclesiam suam constare voluerunt. In cæteris autem hominibus, etiam in ipsis auditoribus suis, hanc partem bonæ divinæq; substantiæ, quæ mixta & colligata in escis & potibus detinetur, maximeque in eis qui generant filios, ætius & inquinatius colligari putant. Quidquid vero undique purgatur luminis, per quasdam naves, quas esse lunam & solem volunt, regno Dei, tanquam proprijs sedibus reddi. Quas itidem naves de substantia Dei pura perhibent fabricatas. Lucemque istam

*Sol et Luna, naves.*

cor.

corpoream animantium mortalium oculis adjacentem, non solum in his navibus, vbi eam purissimam credunt verumetiam in alijs quibusque lucidis rebus vbi secundum ipsos tenetur admixta crediturq; purganda, Dei dicunt esse naturam. Quinque enim elementa quæ genuerunt principes proprios, genti tribuunt tenebrarum, eaque elementa his nominibus nuncupant, fumum, tenebras, ignem, aquam, ventum. In fumo nata animalia bipedia, vnde homines ducere originem censent. In tenebris serpentia, in igne quadrupedia, in aquis natatilia, in vento volatilia. His quinque elementis malis debellandis, alia quinque elementa de regno & substantia

208 *D. Aug. de Hæres.*

tia Dei missa esse, & in illa pugna fuisse permixta, fumo aëra, tenebris lucem, igni malo, igne bonum: aquæ malæ, aquam bonam: vento malo, ventum bonum. Naves autem illas id est, duo cœli luminaria ita distinguunt, vt lunam dicant factâ ex bona aqua, solem vero ex igne bono. Esse autem in eis navibus sanctas virtutes, quæ se in masculos transfigurant, vt illiciant fœminas gentis adversæ, & per hanc illecebram commota eorum concupiscentia fugiat de illis lumen quod membris suis permixtum tenebant, & purgandum suscipiatur ab angelis lucis, purgatumque illis navibus imponatur ad regna propria reportandum. Qua occasione vel potius execrabilis

lis superstitionis quadam necessitate, coguntur electi eorum, velut Eucharistiam conspersam cum semine humano sumere, vt etiam inde, sicut de alijs cibis quos accipiunt, substantia illa divina purgetur. Sed hoc se facere negant, & alios nescio quos sub nomine Manichæorum facere affirmant. Detecti sunt tamen in Ecclesia, sicuti scis apud Carthaginem, jam te ibi diacono constituto, quando instante Vrso tribuno, qui tunc domui regiæ præfuit, aliqui adducti sunt. Vbi puella illa nomine Margarita, istam nefariam turpitudinem prodidit. Quæ cum esset annorum nondum duodecim, propter hoc scelestum mysterium se dicebat esse

210 *D. Aug. de Hæres.*

esse violatam. Tunc Eusebiam quandam Manichæam quasi sanctimoniam, idiplum propter hoc ipsum passam, vix compulit confiteri, cum primum illa se asseruisset integrâ, atque ab obstetrice inspicî postulasset: quæ inspecta & quid esset inventa, totum illud turpissimum scelus, vbi ad excipiendum & commiscendum concumbentium semen farina substernitur, quod Margarita indicante absens non audierat, similiter indicavit: & recenti tempore nonnulli eorum reperti, & ad Ecclesiam ducti sicut gesta episcopalia quæ nobis misisti ostendunt, hoc non sacramentum, sed execramentum sub diligenti interrogatione confessi sunt: quorum v

nus



nus nomine Viator, eos qui ista faciunt proprie catharistas, id est, mundatores vel purgatores vocari dicens, cum alias ejusdem Manichææ sectæ partes in Macarios, & specialiter Manichæos distribui perhiberet, omnes tamen has tres formas ab vno authore propagatas, & omnes generaliter Manichæos esse negare non potuit. Certè illi libri Manichæi sunt omnibus sine dubitatione communes, in quibus libris illa portenta ad illicitiendos, & per concupiscentiam dissolvendos vtriusque sexus principes tenebrarum, vt liberata fugiat ab eis quæ captivata tenebatur in eis divina substantia, de masculorum in fœminas & fœminarum in masculos

los transfiguratione conscripta sunt, vnde ista eorum, quamlibet negant ad se pertinere turpitudine defluxit. Divinas enim virtutes quantum possunt imitari se putant, vt purgent Dei sui partē: quam profecto sicut in omnibus corporibus cœlestibus & terrestribus, atq; in omnium rerum seminibus, ita & in hominis semine teneri existimant, inquinatam. Ac per hoc sequitur eos, vt sic eam etiam de semine humano, quem admodum de alijs seminibus quæ in alimentis sumunt, debeant manducando purgare. Vnde etiam Catharistæ appellantur quasi purgatores, tanta eam purgantes diligentia, vt se nec ab hac tam horrēda cibi turpitudine abstineant. Nec vescuntur

*Liber vnus.* 213

vescuntur tamen carnibus, tanquam de mortuis vel occisis fugerit diuina substantia, tantumque ac tale inde remanserit, quod iam dignum non sit in electorum ventre purgari. Nec ova saltem sumunt, quasi & ipsa cum franguntur expiarent, nec oporteat vllis mortuis corporibus vesci, & hoc solum vivat ex carne quod in farina ne moriatur, excipitur. Sed nec alimonia lactis vtuntur, quamvis de corpore animalis vivente mulgeatur sive sugatur: non quia putant diuinæ substantiæ nihil ibi esse permixtum, sed quia ipse sibi error non constat. Nam & vinum non bibunt, dicentes fel esse principiū tenebrarū, cum vescantur uvis. Nec musti  
aliquid

aliquid, vel recentissimi tor-  
 bent. Animas auditorum suo-  
 rû in electos revolvî arbitran-  
 tur, aut fœliciore compendio  
 in escas electorum suorum, vt  
 jam inde purgatæ in nulla cor-  
 pora revertantur. Cæteras au-  
 tem animas & in pecora redire  
 putant, & in omnia quæ radi-  
 cibus fixa sunt atque aluntur in  
 terra. Herbas enim atque ar-  
 bores sic putant vivere, vt vi-  
 tam quæ illis inest, & sentire  
 credant, & dolere cum lædun-  
 tur, nec aliquid inde sine cru-  
 ciatu eorum quenquam posse  
 vellere aut carpere. Propter  
 quod agrum etiam spinis pur-  
 gare nefas habent. Vnde agri-  
 culturâ quæ omnium artium  
 est innocentissima, tanquam  
 plurium homicidiorum ream  
 demen-

dementes accusant: suisque auditoribus ideo hæc arbitrantur ignosci, quia præbent inde alimenta electis suis, vt divina illa substantia in eorum ventre purgata impetret eis veniam, quorum traditur oblatione purganda. Itaque ipsi electi, nec in agris operantes, nec pomæ carpentes, nec saltem folia vlla vellentes, expectant hæc afferri vsibus suis ab auditoribus suis, viventes de tot ac tantis secundum suam vanitatem homicidijs alienis, monent etiam eosdem auditores suos, vt si vescuntur carnibus, animalia non occidant, ne offendant principes tenebrarum in cælestibus colligatos, à quibus omnem carnem dicunt originem ducere. Et si vtuntur  
con

216 *D. Aug. de Hæres.*

conjugibus, conceptum tam  
men generationemque devi-  
tent, ne divina substantia, quæ  
in eos per alimenta ingreditur,  
vinculis carneis ligetur in pro-  
le. Sic quippe in omnem car-  
nem, id est per escas & potus  
venire animas credunt. Vnde  
nuptias sine dubitatione con-  
demnant, & quantum in ipsis  
est prohibent, quando genera-  
re prohibent, propter quod  
conjugia copulanda sunt. A-  
dam & Evam ex parentibus  
principibus fumi asserunt na-  
tos, cum pater eorum nomi-  
ne Saclas † sociorum foetus  
omnium devorasset, & quid-  
quid inde commixtum divi-  
næ substantiæ ceperat, cum  
vxore concumbens in carne  
prolis tanquam tenacissimo  
vinculo

† *SACLAS.*

vinculo colligasset. Christum autem fuisse affirmant quem dicit nostra scriptura serpentem, à quo illuminatos eos asserunt, vt cognitionis oculos aperirent & bonum malumque dignoscerent. Eumque Christum novissimis temporibus venisse ad animas, non ad corpora liberandas. Nec fuisse in carne vera, sed simulatam speciem carnis ludificandis humanis sensibus præbuisse, vbi non solum mortem, verum etiam resurrectionem similiter mentiretur. Deum qui legem per Moysen dedit, & in Hebræis Prophetis locutus est, non esse verum Deum, sed vnum ex principibus tenebrarum. Ipsiusq; novi testamenti scripturas tanquam infalsatas ita legunt, vt

218 D. Aug. de Hæres.

quod voluerint inde accipiant, quod nolunt rejiciant, eisque tanquam non totum verum habentibus nonnullas apocryphas anteponant. Promissionem domini Iesu Christi de paraclete spiritu sancto in suo archimachæo † dicunt esse completam. Vnde se in suis literis Iesu Christi Apostolum dicit, eo quod Iesus Christus se misurum esse promississet, atque in illo miserit spiritum sanctum. Propter quod etiam ipse Manichæus duodecim discipulos habuit ad instar Apostolici numeri, quem numerum Manichæi hodièq; custodiunt. Nam ex electis suis habet duodecim, quos appellant magistros, & tertium decimum principem ipsorum. Episcopos autem septuaginta

Joan. 14.

† al. hæresi-  
archa Ma-  
nichæo.



ginta duos, qui ordinantur à  
magistris, & Presbyteros, qui  
ordinantur ab Episcopis. Ha-  
bent etiā Episcopi diaconos.  
Iam cæteri tantummodo electi  
vocantur. Sed mittuntur etiam  
ipsi qui videntur idonei, ad  
hunc errorē vel vbi est susten-  
tandum & augendū, vel vbi non  
est, etiā seminandum. Baptismū  
in aqua nihil cuiquā perhibent  
salutis afferre, nec quenquam  
eorum quos decipiunt bap-  
tizandum putant. Orationes fa-  
ciunt ad solem per diem qua-  
quaversum circumit: ad lunam  
per noctem si apparet, si autem  
non apparet, ad Aquiloniā par-  
tem, quā sol cum occiderit ad  
Orientem revertitur: stant o-  
rantes. Peccatorum originem *Liberum*  
non libero arbitrio voluntatis, *arbitrium.*

220 *D. Aug. de Hæres.*

sed substantiæ tribuunt gentis  
adversæ, quam dogmatizantes  
esse hominibus mixtam, omnē  
carnem non Dei, sed malę men-  
tis perhibent esse opificium,  
quam à contrario principio  
Deo coæternam esse aiunt. Car-  
nalem concupiscentiam, qua  
caro concupiscit adversus spi-  
ritum, non ex vitiata in primo  
homine natura nobis inesse in-  
firmitatem, sed substantiam vo-  
lunt esse contrariam, sic nobis  
adhærentem, vt quando libe-  
ramur atque purgamur, sepa-  
retur à nobis, & in sua natura e-  
tiam ipsa immortaliter vivat.  
Easque duas animas, vel men-  
tes, vnā bonā, alterā  
malā, in vno homine inter  
se habere conflictum, quan-  
do caro concupiscit adversus  
ipi-

Gal. 5.

*Anima  
due.*

spiritū, & spiritus aduersus carnē. Nec in nobis sanatū hoc vitium, sicut nos dicimus, nunquam futurum: sed à nobis se-junctam atque seclusam sub-stantiam istam mali, & finito isto seculo post conflagratio-nem mundi, in globo quodam, tanquam in carcere sempiter-no, esse victuram. Cui globo affirmant accessurum semper & adhæsurum, quasi cooperto-rium atque tectorium ex ani-mabus: natura quidem bonis sed tamen quæ non potuerant à naturæ malæ contagione pur-gari. *Hierarchita*, quorum

47  
† *al. Hie-  
rax.*

author Hieracha † nuncupa-tur, resurrectionem carnis negant: Monachos tantū & Monachas & conjugia non habentes in communionem

## 222 D. Aug. de Hæres.

- recipiunt. Ad regnum cœlo-  
rum non pertinere parvulos  
dicunt, quia non sunt eis vlla  
merita certaminis, quo vitia  
48 superentur. *Melitariani* à Meli-  
tio nuncupati, nolentes orare  
cum conversis, id est, eis, qui in  
persecutione ceciderunt, vel  
schisma fecerunt. Nunc autem  
dicuntur *Arrianis* esse conjun-  
49 cti. *Arriani* ab Arrio, in eo  
sunt notissimi errore, quo pa-  
trem & filium & spiritum  
sanctum nolunt esse vnius ejus-  
demque naturæ atque substan-  
tiæ, aut vt expressiùs dica-  
tur essentiæ, quæ *ὁμία* Græcè  
appellatur: sed esse filium crea-  
turam, spiritum verò sanctum  
creaturam creaturæ, hoc est,  
ab ipso filio creatum. volunt. In  
eo autem quòd Christum sine  
anima

anima solam carnem suscepisse arbitrantur, minùs noti sunt. Nec aduersus eos ab aliquo inveni de hac re aliquando fuisse certatum. Sed hoc verum esse & Epiphanius non tacuit, & ego ex eorum quibusdam scriptis & colloctionibus certissimè comperi. Rebaptizari quoque ab his Catholicos novimus, vtrum & non Chatholicos, nescio. *Vadianos*, quos appellat & Epiphanius schismaticos, non hæreticos vult videri. Alij vocant Anthropomorphitas, quoniam Deum sibi fingunt cogitatione carnali in similitudinem imaginis corruptibilis hominis, quod rusticitati eorum tribuit Epiphanius, parcens eis ne dicantur hæretici. Eos autem separasse se

50

224 *D. Aug. de Hæres.*

dicat à communione nostra culpando Episcopos divites, & Pasca cum Iudæis celebrando.

Quamvis sint qui eos in Ægypto Ecclesiæ catholicę communicare asseverent. De Photinianis autem, quos isto loco Epiphanius commemorat jam superius satis locutus sum.

51 *Semiarianos* Epiphanius dicit, qui similis essentia dicunt [patrem &] filium, tanquam non plenos Arrianos, quasi Arriani nec similem velint, cum hoc Eunomiani dicere celebrē-

52 tur. *Macedoniani* sunt à Macedonio Constantinopolitanæ Ecclesiæ Episcopo, quos & πνευματομάχοι Græci dicunt, eo quod de spiritu sancto litigent. Nam de patre & filio rectè sentiunt, quod vnius sint ejusdem-

que

que substantiæ vel essentiæ, sed de spiritu sancto hoc nolunt credere, creaturam eum esse dicentes. Hos potius quidam Semiarianos vocant, quod in hac quæstione ex parte cum illis sint, ex parte nobiscum. Quamvis à nonnullis perhibeantur, non Deum, sed deitatem patris & filij dicere spiritum sanctum, & nullam propriam habere substantiam. *Aeriani* ab *Aërio* quodam sunt nominati, qui cum esset Presbyter, doluisse fertur quod Episcopus non potuit ordinari, & in Ariarum hæresim lapsus, propria quoq; dogmata addidisse nonnulla, dicens, orare vel offerre pro mortuis oblationem non oportere, nec statuta solenniter celebranda esse jejunia,

K 5 sed

226 D. Aug. de Hæres.

54 sed cum quisq; voluerit jejunandum, ne videatur esse sub lege. Dicebat etiam presbyterū ab Episcopo nulla differentia debere discerni. Quidam perhibent istos sicut Encratitas vel Apotacticas non admittere ad communionem suam, nisi continentes, & eos qui seculo renunciaverint, ut propria nulla possideant, ab esca tamen carniū non eos abstinere dicit Epiphanius. Philaster verò & hanc eis tribuit abstinentiam. *Actiani* ab Aëtio sunt vocati, idemque Eunomia mi ab Eunomio Aëtij discipulo, quo nomine magis innotuerunt. Eunomius quippe à dialectica prævalens, acutiùs & celebrius defendit hanc hæresim, dissimilem per omnia patri asserens



afférens filium & filio spiritū  
sanctum. Fertur etiam vsq; a-  
deo fuisse bonis moribus ini-  
micus, vt asseveraret, quòd ni-  
hil cuique obesset quorumlibet  
perpetratio ac perseverantia  
peccatorū, si huius quæ ab illo  
docebatur fidei particeps esset.

*Sola fides.*

*Apolliranistas* Apollinaris in-  
stituit, qui de anima Christi à  
catholica dissenserunt, dicentes  
sicut Arriani, Deum Christum  
carnem sine anima suscepisse.  
In quæstione testimonijs E-  
vangelicis victi, mentem, qua  
rationalis est anima hominis,  
non fuisse in anima Christi, sed  
pro hac ipsum verbum in ea  
fuisse dixerunt. De ipsa verò  
ejus carne sic à recta fide dis-  
sensisse perhibentur, vt dice-  
rent carnem illum & verbum

55

vnus

228 D. Aug. de Hæres.

- 56 vnus ejusdemque substantiæ,  
contentiosissimè asseverantes,  
verbum carne factum: hoc est,  
verbi aliquid in carnem fuisse  
conuersum atq; mutatum, non  
autem carnem de Mariæ carne  
susceptam. *Antidicomariani-*  
*te* appellati sunt hæretici, qui  
Mariæ virginitati vsque adeo  
contradicunt, vt affirmant eam  
post Christum natum viro suo  
57 fuisse commixtam. *Psallianos*  
*rum* postreman ponit Epipha-  
nius hæresim, quod nomen ex  
lingua Syra est, Græcè autem  
dicuntur *ιυχίται* ab orando sic  
appellati. Tantum enim erant,  
vt eis qui hoc de illis audiunt  
incredibile videatur. Nam  
cum Dominus dixerit. Opor-  
*Luca 18.* tet semper orare & non desi-  
*1. The/5.* cere. Et Apostolus. Sine inter-  
missione

*Liber vnus.* 229

missione orate: quod sanissimè  
sic accipitur, vt nullo die in-  
termittantur certa tempora or-  
randi, isti ita nimis hoc faci-  
unt, vt hinc iudicentur inter  
hæreticos nominandi. Quam-  
vis nonnulli eos dicant de pur-  
gatione animarum nescio quā  
phantasticam & ridiculam fa-  
bulam narrare, porcā scilicet  
cū porcellis suis videri ex-  
ire de ore hominis quādo pur-  
gatur, & in eum visibili simili-  
ter specie ignem qui non com-  
burat intrare. Hic adiungit E-  
piphanius Euphemitas Marty-  
rianos, & Satānos, & has om-  
nes cū illis tanquā vnā hære-  
sim ponit. Dicūtur Euchitæ o-  
pinari, mōachis nō licere sustē-  
tādē vitę suę causā aliqd ope-  
rari, atq; ita seiplos monachos  
pro-

*Monachi  
ociosi.*

230 *D. Aug. de Hæres.*

profiteri, vt omnino ab operibus vacent. Vtque ad istos ergo de hæresibus opus suum perduxit supradictus Episcopus Cyprius, apud Græcos inter magnos habitus, & à multis in catholicæ fidei sanitate laudatus. Cujus ego in commemorandis hæreticis non modum, sed ordinem sum secutus. Nam & aliqua ex alijs posui quæ ipse non posuit: & aliqua non posui, quæ ipse posuit: itaque alia latiùs quàm ipse, alia etiam breuiùs explicavi, paremque in nonnullis exhibui brevitatem, omnia moderans sicut intentionis meæ ratio postulabat. Proinde ille de octuaginta hæresibus, sepepatis viginti, quas ante domini aduentum extitisse sicut ei visum.

sum est computavit, reliquas post domini ascensum natas sexaginta, brevissimis libris quinque comprehendit, atque omnes in sex libros totius ejusdem sui operis fecit concludi. Ego autem quod secundum petitionem tuam eas hæreses memorare institui, quæ post glorificationem Christi se adversus doctrinam Christi, etiam sub velamine Christiani nominis extulerunt: quinquaginta septem ex Epiphaniij ipsius opere in meum transtuli, duas in vnam referens, vbi nullam differentiam potui reperire: & rursus vbi ille ex duabus vnam facere voluit, sub numeris suis singulas posui. Sed adhuc commemorare debeo siue quas apud alios reperi, siue  
quas

232 D. Aug. de Hæres.

58 quas ipse reminiscor. Nunc ergo addo quas Philaster posuit, nec poluit Epiphanius. *Metangismonita* dici possunt, quod metangismon asserunt, dicentes sic esse in patre filium, quomodo vas in vase, quasi duo corpora carnaliter opinantes, ita ut filius intret in patrē tanquam vas majus. Vnde & tale nomē hic error accepit, ut *με-*

*Transmutatio.* *ταγγισμός* Græcè diceretur: ἀγγείου quippe illa lingua vas dicitur, sed introitus vnius vasis in alterum, Latine vno nomine non potest dici sicut Græcè

59 potuit, *μεταγγισμός*. *Seluciani* vel *Hermiani* ab authoribus Seleuco & Hermia. qui elementorum materiam de qua factus est mundus, non à Deo factam dicunt, sed Deo coæter-

*Liber vnus.*      233

coæternam. Nec animam Deo tribuunt creatori, sed creatores esse animarum angelos volunt de igne & spiritu. Malū autem asserunt esse aliquando à Deo, aliquando à materia. Negant saluatorem in carne sedere ad dexteram patris, sed ea se exuisse perhibent, eamq; in sole posuisse, accipientes occasionem de Psalmo vbi legitur. In sole posuit tabernaculū suū. Negāt etiā visibilē paradīsū. Baptismū in aqua non accipiunt. Resurrectionē non putant futuram, sed quotidie fieri in generatione filiorum. *Proclianite* secuti sunt istos, & addiderunt Christum non in carne venisse. *Patriciani* à Patricio nuncupati, substantiam carnis humanę non

*Psalm. 18.*

60

61

234 D. Aug. de Hæres.

- non à Deo, sed à diabolo conditam dicunt, eamque sic fugiendam & detestendam putant, vt quidam eorum perhibeantur, etiam morte sibi illata carere carne voluisse. *Ascita* ab vtre sic appellati sunt, ἀσκιτα enim Græcè, Latinè vter dicitur: quem perhibentur inflatum et opertum circumire bacchantes, tanquam ipsi sint Evangelici vtres novi, vino novo repleti. *Pattalorinchite* instantum silentio student, vt naribus & labijs suis digitum opponant, ne vel ipsam taciturnitatem voce præripiant, quando tacendum sibi esse arbitrantur, vnde etiam illis est nomen inditum: πατάλλω enim dicitur Græcè palus, & ῥιγχιτὴρ natus. Cur autè per palum digitum significare



*Liber unus.* 235

significare maluerint, à quibus hoc nomen compositum est, nescio : cum Græcè dicatur digitus δάκτυλος, & possint utique dactylorinchitæ multo evidentius nuncupari. *Aquarij* ex hoc appellati sunt, quòd aquam offerunt in poculo sacramenti, non illud quod omnis Ecclesia. *Coluthiani* à quodam Colutho, qui dicebat Deum non facere mala: contra illud quod scriptum est, Ego Deus creans mala. *Floriani* à Florino, qui è contrario, dicebat Deum creasse mala: contra id quod scriptum est, Fecit Deus omnia, & ecce bona valde. Ac per hoc quamvis contraria inter se dicentes, tamen ambo divinis eloquijs resistebant. Creat enim Deus mala, pœnas

64

65

*Esa. 45.*

66

*Gen. 2.*

236 D. Aug. de Hæres.

- 67 *De mundi statu dis-  
sentiētes.* poenas iustitissimas irrogando,  
quod *Coluthus* non videbat:  
non autem malas creando na-  
turas atq; substantias inquantū  
sunt naturæ atque substantiæ,  
vbi Florinus errabat. *Hæresim*  
quandam sine authore & sine  
nomine Philaster commemo-  
rat, quæ dicit, hunc mundum  
etiam post resurrectionē mor-  
tuorum in eodem statu, in quo  
nunc est, esse mansurum: neque  
*Apoc. 21.* ita esse mutandum, vt sit cœ-  
lum novum & terra nova; si-  
cut sancta scriptura promittit.
- 68 Est alia hæresis *nudis pedibus*  
semper ambulantiū, in eo quod  
*Exod. 3.* Dominus dixerit ad Moysen  
*Iosue 5.* vel ad Iosue, Solve calciamen-  
tum de pedibus tuis. Et quod  
*Esa<sup>a</sup> 20.* Propheta Esaïas nudis pedi-  
bus iussus fuerit ambulare.  
[Inde

[Inde ergo hæresis est, quia non propter corporis afflictionem sic ambulant, sed quia testimonia taliter intelligunt.]

*Donatiani* vel Donatistæ sunt, qui primùm propter Cæcilianum contra suam voluntatem ordinatum Ecclesiæ Carthaginensis Episcopum, schisma fecerunt, obijcientes ei crimina non probata: & maximè quòd à traditoribus divinarum scripturarum fuerit ordinatus. Sed post causam cum eo dictam atq; finitam, falsitatis rei deprehensi, pertinaci dissentione firmata, in hæresim schisma vertunt: tanquam Ecclesia Christi propter crimina Cæciliani, seu vera, seu, quod magis iudicibus apparuit, falsa, de toto terrarum orbe perierit, ubi futura promissa

missa est, atque in Africa Donati parte remanserit, in alijs terrarum partibus quasi contagione communionis extincta. Audent etiam rebaptizare catholicos, vbi se amplius hæreticos esse firmarunt, cum Ecclesiæ catholicæ vniversæ placuerit nec in ipsis hæreticis baptismus commune rescindere. † Hujus hæresis principem accipimus fuisse Donatum, qui de Numidia veniens, & contra Cæcilianum Christianam diuidens plebem, adjunctis sibi ejusdem factionis Episcopis, Majorinum apud Carthaginem ordinavit Episcopum. Cui Majorino Donatus [Episcopus] alius in eadem divisione successet, qui eloquentia sua sic confirmavit hanc hæresim,

† *al. refundere.*

sim, vt multi existiment propter ipsum potius eos Donatistas vocari. Extant scripta eius, vbi apparet eum etiam non catholicam de Trinitate habuisse sententiam: sed quamvis eiusdem substantiæ, minorem tamen patre filium, & minorem filio putasse spiritum sanctum. Verū in hunc quem de Trinitate habuit eius errorem Donatistarum multitudo intenta non fuit, nec facile in eis quisquam qui hoc illum sensisse noverit, invenitur. Isti hæretici in vrbe Roma Montenses vocantur, quibus hinc ex Africa solent Episcopum mittere: aut hinc illuc Afri Episcopi eorum pergere, si fortè ibi eum ordinare placuisset. Ad hanc hæresim in Africa &  
illi

illi pertinent, qui appellantur Circumcelliones, genus hominum agreste & famosissimæ audaciæ non solum in alias immania facinora perpetrando, sed nec sibi eadem insana feritate parcendo. Nam per mortes varias, maximè præcipitiorum & aquarum & ignium seipsos necare consuerunt, & in istum furorem alios quos potuerint sexus vtriusque seducere, aliquando ut occidantur ab alijs, mortem nisi fecerint comminantes. Veruntamen plerisque Donatistarum displicent tales, nec eorū communione contaminari se putant, qui Christiano orbi terrarum dementes obijciunt ignotorum crimen Afrorū. Multa & inter ipsos facta sunt schis-

schismata, & ab eis se diversi  
cœtibus alij atque alij separa-  
runt, quorum separationem cæ-  
tera grandis multitudo non sē-  
sit. Sed apud Carthaginem Ma-  
ximianus cōtra Primianū ab e-  
iusdem erroris centū fermè E-  
piscopis ordinatus, & à reli-  
quis trecentis decem, cum eis  
duodecim qui ordinationi ejus  
etiam præsētia corporali in-  
terfuerunt atrocissima crimina-  
tione dānatus, cōpulit eos nosse  
etiā extra Ecclesiam dari posse  
baptismū Christi. Nā quosdā ex  
eis, cū eis quos extra eorū Ec-  
clesiā baptizaverant, in suis ho-  
noribus sine vlla in quoquā re-  
petitione baptismatis recepe-  
runt, nec eos vt corrigerēt per  
publicas potestates agere desti-  
terunt nec eorum criminibus

242 D. Aug. de Hæres.

70

per sui concilij sententiam vehementer exaggeratis communionem suam contaminare timuerunt. *Priscillianista* quos in Hispania Priscillianus instituit, maximè Gnosticorum & Manichæorum dogmata permixta sectantur, Quamvis & ex alijs hæresibus in easordes tanquam in sentinam quandam horribili confusione confluerint. Propter occultandas autem contaminationes & turpitudines suas, habent in suis dogmatibus & hæc verba, jura, per jura, secretum prodere noli. Hi animas dicunt ejusdem nature atq; substantiæ, cujus est Deus, ad agonem quendam spontaneum in terris exercendum, per septem cœlos, & per quosdam gradatim discendere principatus,



cipatus, & malignum principem incurrere, à quo istum mundum factum volunt atque ab hoc principe per diversa carnis corpora seminari. Astruunt etiam fatalibus stellis homines colligatos, ipsumq; corpus nostrum secundum duodecim signa cœli esse compositum, sicut hi qui Mathematici vulgò appellantur, Constituentes in capite arietem, taurum in cervice, geminos in humeris, cancrum in pectore: & cetera nominatim signa preoccupantes, ad plantas usq; perveniunt, quas piscibus tribuunt, quod ultimum signum ab Astrologis nūcupatur. Hæc & alia fabulosa, vana, sacrilega, quæ persequi longum est, hæresis ista contexit. Carnes tanquam immundas

244 D. Aug. de Hæres.

etiam ipsa devitat, Con-  
juges quibus hoc malum potu-  
erit persuadere disjungens, &  
viros à nolentibus fœminis, &  
fœminas à nolentibus viris, O-  
pificiū quippe omnis carnis  
non Deo bono & vero, sed ma-  
lignis angelis tribuunt: hoc  
versutiores etiam Manichæis,  
quod nihil scripturarum cano-  
nicarum repudiant, simul cum  
apochryphis legentes omnia &  
in autoritate sumentes, sed in  
suos sensus alligorizando ver-  
tentes, quicquid in sanctis li-  
bris est, quod eorū evertat er-  
rorē. De Christo Sabellianā se-  
ctam tenent, eundem ipsū esse  
dicentes, non solū filiū, sed etiā  
patrem & spiritum sanctum.  
Dicit Philaster, esse alios hære-  
ticos qui cum hominibus non  
sumunt

sumunt escas, sed vtrum cum alijs qui eiusdem secte non sunt, an etiam inter seipsos id faciant, non exprimit. Dicit etiam eos de patre & filio recte, de spiritu autem sancto non catholice sapere, sed quod cum opinentur esse creaturam. A Rhe-  
Cum ho-  
minibus  
non man-  
ducantes.  
27  
80  
67  
03  
 torio quodam exortam heresim dicit nimium mirabilis vanitatis, quæ omnes hæreticos recte ambulare, & vera dicere affirmat: quod ita est absurdum, ut mihi incredibile videatur. Alia est hæresis, quæ dicit in Christo diuinitatem doluisse, cū figeretur caro eius in cruce. Est alia, quæ triformem sic asserit Deum, ut quædam pars eius sit pater, quædam filius, quædam spiritus sanctus: hoc est, qd Dei vnus partes sint, quæ ista faciunt triunitatem.

246 D. Aug. de Hæres.

tatem, velut ex his tribus partibus compleatur Deus, nec sit perfectus in seipso, vel pater, vel filius, vel spiritus sanctus.

75 Alia est quæ dicit *aquam non à Deo creatam*, sed ei semper fu-

76 isse coeternam. Alia dicit, *corpus hominis*, non animam esse i-

77 maginem Dei. Alia dicit, *innumerabiles mundos*, sicut opinati sunt quidam Philosophi gen-

68 tium. Alia, *sceleratorum animas converti in demones* dicit, & in quæque animalia suis meritis

79 congrua. Alia *descendente ad inferos Christo* credidisse incredulos, & omnes inde existi-

80 mat liberatos. Alia, *sempiternè natum* non intelligens filium, putat illam nativitatem sump-

volens coeternum patri filium confiteri

confiteri apud illum fuisse antequam de illo nasceretur existimat: hoc est, semper eum fuisse, veruntamen semper eum filium non fuisse, sed ex quo de illo natus est filiū esse ccepisse. Has hæreses, quæ absq; authorum nominibus sunt, putavi in hoc opus meum de Philastri opere transferendas: & alias quidē ipse cōmemorat, sed mihi appellandæ hæreses nō vidētur. Quascunq; autem sine nominibus posui, nec ipse earum nomina commemoravit. *Luciferianos* à Lucifero Caralitano Episcopo exortos, & celebriter nominatos, nec Epiphanius, nec Philaster inter hæreticos posuit: credo tantummodo schisma, non hæresim eos cōdidisse, credentes. Apud quendā tamē,

81

248 *D. Aug. de Hæres.*

cujus nomen in eodem ejus opusculo non inveni, in hæreticis Luciferianos positos legi per hæc verba: Luciferiani, inquit, cū teneant in omnibus catholicam veritatem, in hunc errorem stultissimum prolabuntur, ut animā dicant ex trāsfusione generari: eandemq; dicūt & de carne, & carnis esse substantiam. Vtrum ergo iste propter hoc quod de anima ista sentiūt, si tamen verè ita sentiunt, eos inter hæreticos ponendos esse crediderit, rectèq; crediderit: an etiā si id nō sentirent, siue nō sentiūt, ideo tamē sint hæretici, quia dissensionē suā pertinaci animositate firmarūt, alia questio est, neq; hoc loco mihi videtur esse tractanda. *Iovinianistas* quoque apud istum reperi quos

quos jam noveram. A Ioviano quodam Monacho ista hæresis orta est ætate nostra cum adhuc juvenes essemus. Hic omnia peccata, sicut Stoici Philosophi, paria esse dicebat, nec posse peccare hominem lavacro regenerationis accepto, nec aliquid prodesse jejunia vel à cibis aliquibus abstergentiam. Virginitatem Mariæ destruebat, dicens eam pariendo fuisse corruptam, Virginitatem etiam sanctimonialium, & continentiam sexus virilis in sanctis elegantibus coelibem vitam conjugiorum castorum atque fidelium meritis adæquabat. Ita ut quædã virgines sacra pro-  
 vectæ jam ætatis in urbe Roma, ubi hæc docebat, eo audito

o scelus.

250 D. Aug. de Hæres.

nupſiſſe dicantur. Non ſanè ipſe vel habebat vel habere volebat vxorem, quod non propter aliquod apud Deum majus meritum in regno vitæ perpetuæ profuturum, ſed propter præſentem prodeſſe neceſſitatem, ne homo conjugales patiatur moleſtias, diſputabat. Circa tamen iſta hæreſis oppreſſa & extincta eſt, nec uſq; ad deceptionem aliquorum ſacerdotum potuit pervenire. Cum Eufebij hiftoriam perſcrutatus eſſem, cui Ruffinus à ſe in Latinam linguam tranſlata, ſubſequentium etiam temporum duos libros addidit, non inveni aliquam hæreſim quā non legerim apud Ruffinum quā in ſexto libro ponit Eufebius, narranſe eam exiſtiſſe in Arabia. Itaq; hos hæreticos,



ticos, quoniam nullum eorum  
 ponit authorē, *Arabicos* possu-  
 mus nuncupare, qui dixerunt:  
 animas cū corporibus moriat-  
 q; dissolui, & in fine seculi vtrū-  
 q; resurgere. Sed hos disputati-  
 one Origenis præsents, & eos  
 alloquentis, celerrimē dicit fu-  
 isse correctos. Iam nunc illæ  
 commemorandæ sunt hæreses  
 quæ apud nos, † non apud istos <sup>† al. à</sup>  
 repertæ sunt, sed in recordatio- <sub>nobis.</sub>  
 nem nostram quomodocunq;  
 venerunt. *Heluidiani* exorti ab  
 Heluidio, ita virginitati Mariæ  
 contradicunt, vt eam post Chri-  
 stum alios etiam filios de vte-  
 ro † suo Ioseph peperisse con- <sup>† al. viro.</sup>  
 tendant: sed mirum ni istos  
 prætermisso Heluidij nomine,  
 Antidicomaritas Epiphanius  
 appellavit. *Paterniani*, inferio-  
 res

252 D *Aug. de Hares.*

86

tes humani corporis non à Deo, sed à diabolo factas opinantur, & omnium ex illis partibus flagitiorum licentiam tribuētes impurissime vivunt. Hos etiam Venustianos quidam vocant. *Tertullianista*, à Tertulliano, cujus multa leguntur opuscula eloquentissime scripta, vsque ad nostrum tēpus paulatim deficientes, in extremis reliquijs durare potuerunt in vrbe Carthaginensi: me autem ibi posito ante aliquot annos, quod etiam te meminisse arbitror, omni ex parte consumpti sunt. Paucissimi etiam qui remanserant, in catholicam transierunt, suamque basilicam quæ nunc etiam notissima est, catholicæ tradiderunt. Tertullianus ergo sicut scripta

*Liber vnus. 253*

scripta ejus indicant, animā dicit immortalē quidē, sed eam effigiatum corpus esse contendit: neq; hanc tantū, sed ipsum etiā Deum corporeū esse dicit, licet non effigiatū. Nec tamen hinc hæreticus creditur factus. Posset enim quoquo modo putari ipsam naturam substantiāque divinā corpus vocare, non tale corpus cujus partes aliæ majores, aliæ minores valeant vel debeāt cogitari, qualia sunt omnia quæ proprie dicimus corpora: quamvis de anima tale aliquid sentiat Sed potuit, vt dixi propterea putari corpus Deum dicere, quia non est nihil, non est inanitas, non est corporis vel animæ qualitas, sed vbiq; totus, & per locorum spacia nulla,

*Deus quo-  
modo cor-  
poreus di-  
ci possit.*

254 *D. Aug. de Hæres.*

1. *Tim. 5.*

87

nulla partitus: in sua tamen natura atque substantia immutabiliter permanet. Non ergo ideo est Tertullianus factus hæreticus, sed quia transiens ad Cataphryges, quos ante destruxerat, coepit etiam secundas nuptias contra Apostolicam doctrinam tanquam stupra damnare, & postmodum ab ipsis divisus, sua conventicula propagavit. Dicit sanè ipse animas hominum pessimas post mortem in daemones verti, statum autem animæ credit per traducem propagari. Est quædam hæresis *rusticana* in campo nostro: id est, Hipponensi, vel potius fuit: paulatim enim diminuta, in vana exigua villa remanserat, in qua quidē paucissimi, sed omnes

nes hoc fuerunt. Qui omnes  
modo correcti & catholici fa-  
cti sunt, nec aliquid illius su-  
persedit erroris. Abelonij vo-  
cabantur, Punica declinatione  
nominis. Hos nonnulli dicunt  
ex filio Adæ nominatos, qui  
est vocatus Abel: unde Abeli-  
anos vel Abeloitas eos nos pos-  
sumus dicere. Non misceban-  
tur vxoribus, & eis tamen sine  
vxoribus vivere sectæ ipsius  
dogmate non licebat. Mares  
ergo & fœminæ sub continen-  
tiæ professione simul habitan-  
tes, puerum & puellam sibi a-  
doptabant in ejusdem conjun-  
ctionis pacto, successores suos  
futuros: morte præventis qui-  
busque singulis alij surroga-  
bantur: dum tamē duo duobus  
disparis sexus in illius domus  
societate

## 256 D. Aug. de Hæres.

focietate succederent. Vtrolibet quippe parente defuncto vno remanenti, vsque ad eius quoq; obitum filij seruebant. Post cuius mortem etiam ipsi puerum & puellam similiter adoptabant, nec vnquam eis defuit vnde adoptarent, generantibus circumquaque vicinis, & filios suos inopes ad spem hæreditatis alienæ dantibus libenter. *Pelagianorum* est hæresis hoc tempore omnium recentissima à Pelagio monacho exorta, Quem magistrum Celestius sic secutus est, vt sectatores eorum Celestiani etiã nūcupentur. Hi Dei gratiæ, quæ prædestinati sumus in adoptionem filiorum per Iesum Christum in ipsum, & qua eruihur de potestate tenebrarum, vt in eum cre-

88

a. sentent.  
dist. 28. c.  
Pelagia-  
noti 1137.

credamus atq; in regnū ipsius  
 transferamur, propter quod 1. Retrac.  
 ait, Nemo venit ad me, nisi cap. 9.  
 fuerit ei datum à patre meo. Ephes. 1.  
 Et qua diffunditur charitas in Col. 1.  
 cordibus nostris, vt fides per Ioan. 6.  
 dilectionem operetur, intan- Rom. 5.  
 tum inimici sunt, vt sine hac Gal. 5.  
 posse hominem credant facere Ioan. 15.  
 omnia divina mandata: cum si  
 hoc verum esset, frustra domi-  
 nus dixisse videretur, Sine me  
 nihil potestis facere. Denique  
 Pelagius à fratribus increpa-  
 tus, quòd nihil tribueret ad-  
 jutorio gratiæ Dei ad ejus mā-  
 data facienda, correptioni eor-  
 um hactenus cessit, vt non e-  
 am libero arbitrio præpone-  
 ret, sed infideli calliditate sup-  
 poneret dicens, Ad hoc e-  
 am dari hominibus, vt quæ  
 facere

258 *D. Aug. de Hæres.*

facere per liberū jubentur arbitrium, facilius possint implere per gratiam. Dicendo utique ut facilius possint, voluit credi etiamsi difficilius, tamen posse homines sine gratia divina facere iussa. Illam vero gratiam Dei sine qua nihil boni possumus facere, non esse dicunt nisi in libero arbitrio, quod nullis suis præcidentibus meritis ab illo accepit nostra natura, ad hoc tantum ipso adjuvante per suam legem atque doctrinam, ut discamus quæ facere & quæ sperare debeamus. Nos autem ad hoc per donum spiritus sancti, ut quæ didicerimus esse facienda faciamus. Ac per hoc divinitus nobis dari scientiam confitentur, qua ignorantia pellitur,  
Cha-



Charitatem autem dari negant  
quia piè vivitur: vt scil. cum  
sit Dei donum scientia quæ  
fine charitate inflat, non sit Dei I. Cor. 8.  
donum ipsa charitas, quæ vt  
scientia non inflat, ædificat.  
Destruunt etiã orationes quas  
facit Ecclesia, siue pro infide-  
libus & doctrinæ Dei resistenti-  
bus, vt convertantur ad De-  
um: siue pro fidelibus, vt au-  
geatur eis fides & perseverent  
in eo. Hæc quippe non ab ip-  
so accipere, sed a seipsis homi-  
nes habere contendunt, grati-  
am Dei qua liberamur ab im-  
pietate dicentes secundū me-  
rita nostra dari, Quod quidem  
Pelagius in Episcopali iudicio  
Palæstino damnari metuens,  
damnare compulsius est, sed in  
posterioribus suis scriptis hoc

260 *D. Aug. de Hæres.*

*Mat. 6.*

invenitur docere. In id etiam  
 progrediuntur, ut dicant vi-  
 tam justorum in hoc seculo  
 nullum omnino habere peccas-  
 tum, & ex his Ecclesiam Chri-  
 sti in hac mortalitate perfici,  
 ut sit omnino sine macula &  
 ruga quasi non sit Christi Ec-  
 clesia, quæ in toto terrarum  
 orbe clamat ad Deum, Dimitte  
 nobis debita nostra: Parvulos  
 etiam negant secundum Adam  
 carnaliter natos contagiū mor-  
 tis antiquæ prima natiuitate  
 contrahere. Sic enim eos sine  
 ullo peccati originalis vinculo  
 asserunt nasci, ut prorsus non  
 sit, quod eis oporteat secunda  
 natiuitate diuitti: sed eos  
 propterea baptizari, ut regene-  
 ratione adoptati admittantur ad  
 regnū Dei, de bono in melius  
 tran-

translati, non ista renovatione  
ab aliquo malo obligationis  
veteris absoluti. Nam etiam si  
non baptizentur, promittunt  
eis extra regnum quidem Dei,  
sed tamen æternam & beatam  
quandam vitam suam. Ipsum  
quoque Adam dicunt etiam si  
non peccasset, fuisse corpore  
moriturum<sup>1</sup>, neque mortuum  
merito culpæ, sed conditione  
naturæ. Obijciuntur eis & a-  
lia nonnulla, sed ista sunt maxi-  
me ex quibus intelliguntur, e-  
tiam illa vel cuncta, vel penè  
cuncta pendere. *Nestoriani* à  
Nestorio Episcopo patriarcha  
Constantinopolitano, qui con-  
tra fidem catholicam dogma-  
tizare ausus est, dominum no-  
strum Iesum Christū hominē  
tantum, nec id quod mediator  
Dei

262. *D. Aug. de Hæres.*

Dei & hominum factus est, in  
 vtero virginis de spiritu san-  
 cto fuisse conceptum, sed post-  
 ea Deū homini fuisse permix-  
 tum, nec Deum hominem pas-  
 sum sepultumque dicebat: et  
 vacuare contendens omne no-  
 strum remedium, quo verbum  
 Dei sic hominem suscipere  
 dignatum est in vtero virginis,  
 ut vna persona fieret Dei &  
 hominis, propterea sic singu-  
 lariter & mirabiliter natus,  
 mortuus etiam pro peccatis  
 nostris, cum ea quæ non rapu-  
 erat solveret, Deus homo à  
 mortuis resurgens ascendit in  
 cœlum. *Eutichiani* ab Euti-  
 che quodam Constantinopoli-  
 tanæ Ecclesiæ presbytero mo-  
 nacho exorti sunt, qui cum vi-  
 deretur refutare Nestorium,  
 in

*Liber vnus. 263*

in Apollinarem Manichæum  
que transiuit, & humanitatis  
in Christo denegans verita-  
tem, quidquid à verbo nostræ  
proprietas receptum est, di-  
uinæ tantummodo ascribit es-  
sentiæ, vt sacramentum salutis  
humanæ, quod non nisi in v-  
traque substantia est, nostram  
in Christo naturam negando  
dissolveret: stulta impietate  
non inspiciens vniverso cor-  
pori auferri quod capiti defu-  
isset.] Ecce quā multas com-  
memoravimus hæreses, nec *Peroratio*  
tamen modum tuæ postulatio-  
nis implevimus. Ex quo e-  
nim Christiana religio, vt ver-  
bis tuis vtar, hæreditatis pro-  
missæ nomen accepit, quæ hæ-  
reses ortæ sint quo modo com-  
memorare omnes potui, qui  
omnes

264 D. Aug. de Hæres.

† hære

omnes posse non potui? Quod ideo existimo, quia nullus eorum quorum de hæresi† scripta legi, omnes posuit: Quandoquidem inveni apud alium, quas apud alium non inveni, & rursus apud istum quas ille non posuit. Ego autem propterea plures quàm ipsi posui, quia collegi ex omnibus quas omnes apud singulos non inveni, additis etiam his quas ipse recolens apud vllum illorum invenire non potui. Vnde merito credo nec me posuisse omnes, quia nec omnes qui de hac rescripserunt legere potui, neque hoc quenquam eorum video fecisse quos legi. Postremò etiam si omnes forsitan posui, quod non puto, vtrum omnes sint utiq; nescio.

Et

Et ideo quod vis me loquente  
finiri, non saltem potest me  
cognoscente comprehendī.  
Audiui scripsisse de hæresibus  
sanctum Hieronymum, sed ip-  
sum ejus opusculum nec in no-  
stra bibliotheca invenire potu-  
imus, nec vnde possit accipi  
scimus. Quod si tu scieris, per-  
veniat illud, & forsitan habe-  
bis melius aliquid quàm hoc  
nostrum, quamvis nec ipsum,  
licet hominem doctissimum,  
omnes hæreses arbitrer inda-  
gare potuisse. Et certè Abelo-  
tas nostræ regionis hæreticos,  
quantum existimo, ille nesci-  
vit. Sic fortè & alibi alios in  
obscurissimis locis reconditos,  
ejusque notitiam ipsa loco-  
rum obscuritate fugientes. Iam  
verò illud quod habent tuæ li-

266 D. Aug. de Hæres.

tera, vt omnia omnino dicamus quibus hæretici à veritate dissentiunt, etiam si omnia scirem, facere non possum: quanto minus possim qui omnia, scire non possum. Sunt enim hæretici, quod fatendum est qui singulis vel non multo amplius dogmatibus oppugnant regulam veritatis, sicut Macedoniani vel Photiniani, atque alii quicunque ita sese habent. Illi autem vt ita dixerim fabulones, id est, qui fabulas vanas easdemque longas perplexasq; contexuerant, tam multis falsis dogmatibus pleni sunt, vt ipsi quoque illa numerare non possint, aut difficillimè possint. Nec vlli alieno vlla hæresis facile sic innotescit vt suis, vnde nec earum quas commemoramus



memoravi omnia dogmata me  
dixisse vel didicisse profiteor.  
Quis enim non videat quantā  
res ista operā, & quā multas  
litteras flagitet? Nec ideo ta-  
men parum prodest errores  
istos, quos huic operi intexui,  
lectos cognitosq; vitare. Quid  
enim contra ista sentiat catho-  
lica Ecclesia, quod à me dicen-  
dum putasti, superfluò quæ-  
ritur, cum propter hoc scire  
sufficiat eam contra ista senti-  
re, nec aliquid horum in fidem  
quenquam debere recipere.  
Quo modo autem quæ contra  
hæc veritas habet, asserenda ac  
defendenda sint modulum o-  
peris hujus excedit. Sed mul-  
tum adjuvat cor fidele, nōsse,  
quid credendum non sit, etiam  
si disputandi facultate id refu-  
tare

268 *D. Aug. de Hæres.*

“tare non possit. Omnis itaque Christianus catholicus ista nō debet credere, sed non omnis qui ista non credit, consequenter debet se Christianum catholicum jam putare vel dicere. Possunt enim & hæreses aliæ quæ in hoc opere nostro commemoratæ non sunt, vel esse vel fieri, quarum aliquam quisquis tenuerit, Christianus catholicus non erit. Quid ergo faciat hæreticum deinceps requirendum est, ut cum hoc domino adjuvante vitamus, non solum ea quæ scimus, verum etiam quæ nescimus, sive quæ jam orta sunt, sive quæ adhuc oriri potuerunt hæretica venena vitemus. Hujus autem sit jam voluminis finis, quem propterea vobis antequam totum

tum hoc opus perficerem, credidi esse mittendum, vt cum quicunq; legeritis, ad id quod restat implendum quod tam magnum esse cernitis, me orationibus adjuvetis.

*Finis libri Augustini de hæresibus ad Quod vult deum; quem imperfectum, morte interveniente, reliquit.*

M 3      AP.

Appendix trium hæresium  
ad librum *Augustini*  
*de hæresibus.*

Papismus, circa annū Christi 606 in nervum erupit, quando Phocas Imp. Bonifacio III Pontifici Romano, primatum super omnes Ecclesias concessit: quo tempore incepit disputatio multiplex Pontificum Romanorum cum Episcopis Orientalibus de primatu, qui tunc officium bonorum Christianorum præstiterunt, & recusarunt obedire Pontifici Romano.

Mahumetismus à Mahumete Arabe ortum habuit, qui Sergij monachi auxilio dogmata sua in peculiarem librum congestit,

gessit, quem appellavit Alcora-  
 num. Præcipua capita sunt: De-  
 um habere essentiam corpoream,  
 animâ præditam; non esse tres in  
 Deo personas; Christum non esse  
 Deum, sed magnum & sanctum  
 quendam prophetam; Christum  
 non esse revera passum, sed pæ-  
 tuum pro eo Judæis oblatum; ce-  
 remonias Mosaicas, puta cir-  
 cumcisionem, delectum ciborum,  
 lotiones varias corporis, & simi-  
 lia ad salutem esse necessaria;  
 bona opera mereri vitam ætera-  
 nam; polygamiam esse licitam;  
 vitam æternam consistere in vo-  
 luptatibus corporis. Hæc pestis,  
 Mahumetismus dico, totum ori-  
 entem longè lateque corripuit.  
 Tamen si enim aliqua in iis locis  
 sunt ecclesiæ: tamen quàm mi-  
 sera sit earum conditio, & quàm  
 de-

depravata sit doctrina confessio, ex eo intelligi potest, quòd decem sunt genera Christianorũ, qui Orientẽ hinc inde habitare dicuntur. Horũ primi sunt Latini, qui sunt sub obedientia Pontificis Romani: 2. Græci, qui Patriarcham Constantinopolitanum pro suo agnoscunt capite. 3. Indi seu Eethiopes, sub Presbytero Iohanne. 4. Iacobitæ, qui & Cop-titæ, qui circumciduntur, & v-nam tantum in Christo naturam agnoscunt. 5. Nestoriani in Tartaria & India. 6. Maronitæ, qui sunt Monotheletæ, in Libya & Phœnicia. 7. Armenij, qui suum habent præfidẽ, cui omnes parent, quem appellant Catholicum. 8. Georgiani qui sic dicti sunt à Georgio equite (cujus imaginem in vexillis circumferunt) et Mediam

diam, Persiam, & mare Caspi-  
um incolunt, & Græcorum lin-  
gua atque ritibus utuntur. 9.  
Suriani, qui sic dicuntur à Sur  
civitate Assyria & in plerisque  
sequuntur Græcorum religionem,  
& aliàs appellantur Samarita-  
ni. 10. Mazarabes, in Arabia,  
qui in multis consentiunt cum  
Ecclesia Latina. Hinc apparet  
quàm misera sit Christianismi  
distractio & conditio in iis parti-  
bus ubi grassatur Mahematism-  
us, qui ortum habuit circa an. C.  
622. quod obiter amotare non  
abs re censui ex docto quodam  
scriptore neoterico.

Anabaptismus deniq; postre-  
mi seculi fuit notabilis hæresis,  
que multos in Germania habuit  
fautores post an. Ch. 1520, quos  
Lutherus digno plectendos sup-  
plicio,

plicio merito iudicavit. Sed eo-  
rū varia monstra non est cur hic  
accenseamus: Sat erit quorun-  
dam duntaxat nomina unā cum  
quibusdam alijs recitare, qui a  
dicto anno usq; ad nostram eta-  
tem quasdam pestilentes hereses  
ab inferis revocârunt. Id genus  
fuerunt Michael Servetus Hispanus,  
David Georgius, Casper  
Swencfeldius, Andreas Osiander,  
Libertini, Valentinus Gen-  
tilis, Franciscus David, Fau-  
stus Socinus, & alij non pauci,  
quorum dogmata suis ipsis nomi-  
nibus, sicut sapientibus omnino  
omnibus debent esse exosa, ita  
publicitatis etiam explodenda: us-  
que tamen, hei mihi, vigent, flo-  
rent, & grassantur:

ὦ καλὲ θεὲ εἰς δίκου με καί ποτε  
τήρημα ἵνα τίτων ἀνέχομαι!

FINIS.



Errata sic corrigantur.

¶ Pag. 4. lin. 4. *humilitatis sacrificio*  
*placentes*, p. 16. l. 1. *violantur*, dum re-  
scinduntur scita patrum: dum. p. 16. l.  
3. *novella* p. 54. l. ult. *verteretur*, p. 63.  
l. 7. *putaretur*, sed esset atque subsiste-  
ret. Igitur sicut anima. p. 64. l. 12. *desiste-*  
*ret*, p. 103. l. 5. *intactum*. p. 104. l. 13.  
*quid*, p. 106. l. 9. *eandemque*. p. 107. l.  
21. *fidem Christo capiti*. p. 108. l. 11.  
*sub certo nomine, certo loco*, p. 117. l. 9.  
*sathanas*, p. 118. l. 1. *sectentur*; *qua*. p.  
121. l. 11. *ullo*. l. 12. *nec petant*, p. 128.  
l. 20. *quis*, p. 130. l. 19. *cum de*, p. 137. l.  
13. *quos*, p. 145. l. 13. *novitias*, p. 147. l.  
12. *censuit*. p. 154. l. 11. *perstrictè*, p.  
156. l. 1. *cogitations*.

Horum licet pleraque leviora sint,  
adeoque sensu vel calamo facilè pos-  
sunt emendari, omnia tamen libuit  
apponere ad paginam supplendam.